



আমিঙ্গী

প্রবোধকুমার সান্যাল

ষ্ট্যাণ্ডার্ড পাবলিশার্স

৫, শ্রামাচরণ দে ষ্ট্রিট, কলিকাতা-১২

প্রকাশক

আর, এ, নিজামী

ষ্ট্যাণ্ডার্ড পাবলিশার্স

৬, এ্যাণ্টনী বাগান লেন, কলিকাতা—৯

মুদ্রাকর

সন্তোষকুমার ধর

ব্যবসা-ও-বাণিজ্য প্রেস

৯৩, রমানাথ নজুমদার ষ্ট্রীট, কলিকাতা—৯

প্রচ্ছদপট

বালেদ চৌধুরী

হিন্দী ছায়াছবি 'আমিরী'র চিত্রনাট্য থেকে উপস্থাপনে রূপান্তরিত করেছেন

ঐযুক্ত জ্যোতিপ্রসাদ বসু

দাম দু'টাকা

মারামারি নেই, ঝটাপটি নেই, তবে কথার প্যাঁচে আর দৃষ্টির নানা-
রকম তির্যকতায় একটা অপক্লপ রণক্ষেত্র গড়ে ওঠে ওদের মাঝে।

ডলির প্লেটে একটা মাছি বসাতে নিখিল এই জাতীয় এক দৃষ্টিতে
ওর দিকে তাকিয়ে হাঁ-হাঁ ক'রে চোঁচিয়ে ওঠে—মাছি বসেছে তোমার
প্লেটে...না না তুমি ওটা খেয়ো না ডলি....।

ডলি চিস্তিত হয়। বলে, তাইত!

মাছিটা ওদের বিব্রত করে ক্ষণিকের জন্তে। তারপরই আবার
মানুষ মাছিদের রসচক্র জমে উঠতে থাকে। এই মাছিদের মধ্যে
বিশেষ ক'রে উজ্জ্বল হয়ে ওঠে বিলেত-ক্ষেরতা ডাক্তার অশোক মিত্র,
কাঁচা ব্যারিষ্টার নিখিল রায় আর বালীগঞ্জের নতুন প্রজাপতি রুণু
সেন। রায়বাহাদুরের মেয়ে ডলি কেবলই হেন অতিথিদের সৌজন্তে
বিগলিত হতে থাকে। আর রায়-বাহাদুরের স্ত্রী হেমনলিনী চায়ের
টেবিলের একধারে বসে যুগপৎ চা ও চা-পায়ীদের তারিফ করতে
থাকেন।

দেয়াল ঘড়িটায় চারটে বাজার সঙ্গীত শেষ হবার সঙ্গে সঙ্গেই
অশোক টেনিস র্যাকেটটা হাতে নিয়ে উঠে দাঁড়ায়। বলে, চলো
এইবার...আর নয়।

উঠে পড়ে সকলে। পিছল ডাইনিং রুমকে অতিক্রম করে, একটা
ড্রাইভ ঘুরে ওরা মখমলের মত নরম সবুজ লনের মধ্যে এসে নামে।
সেট সব তৈরী। ডবল সেটে খেলা শুরু হয়। অশোক-ডলি আর
নিখিল-রুণু। আর সকলে আশপাশে বেষ্টিতে বসে দেখবার জন্তে।
ছোকরা চাকরেরা বল যোগায়। আর দর্শকদের যোগায় চায়ের
পেয়ালা। দর্শকেরা চায়ের পেয়ালার ধোঁয়ার মতই পাতলাভাবে
উপভোগ করে খেলাটা।

ওপারের পৃথিবীর খবর উড়ো হাওয়ায় ভেসে আসে। ওদিকে
রাস্তার কোণে নাচের আসর বসেছে। একটি তরুণী—পরনে ঘাগরা,
গায়ে কাঁচুলি, মসলিনের বাঁকা ঘোমটা—বাজনার ধূয়ো ধরে গানের
কলি গায় আর নাচে। সজ্জের লোকটি গলায় ঝোলানো ভাঙা

হারমোনিয়ামের ওপর আডুল চালায় আর মাথা নাড়ে। ওদের ঘিরে বেশ লোক জমে ওঠে। ছোটয় বড়োয় মেয়ে পুরুষে মিলে বেশ একটি ছোটখাট ভিড়। বড় বড় চোখ দিয়ে উপভোগ করে ওরা। ঘুমুরের আওয়াজ আর গানের কলি হাওয়ায় ভেসে চলে—

উঁহ সখি কোথায় যাবো

কোথা গেলে তারে পাবো

প্রাণের পাখী খাঁচা ছেড়ে পালিয়ে গেল

উড়ে গেল.....

আর এল না!

এদিকে খেলা বেশ জমে উঠেছে। ব্যাকেটের ডগায় ডগায় ঘা খেয়ে খেয়ে উন্মত্তের মত বলটা ছুটেছে এ প্রান্ত থেকে অপর প্রান্ত। আর যারা খেলছে আর দেখছে তাদের জীবন যৌবনের এক প্রান্ত থেকে অপর প্রান্ত পর্যন্ত কিসের শিক্ষা যেন জ্বলে উঠেছে উন্মত্তের মত।

নাচটাও জমে উঠেছে বেশ। গানের কলির সুরের কাঁপনের মত নাচওয়ালী তরুণীর দেহটা তুলে তুলে উঠছে আর যারা দেখছে তাদের চোখে চোখে তুলছে পিপাসু মনের উন্মাদনা।

হঠাৎ পথের মাঝে হইচই ওঠায় তাল কেটে যায়। একটা মোটরের হর্ণ আর তার পরেই বিকট এক সোরগোল। কে যেন চাপা পড়ল ঐ নাচের ভিড়ের মধ্যে!

চাপা দিয়ে গাড়ীটা উর্ধ্বশ্বাসে পালায় সচকিত ও বিভ্রান্ত জনতাকে ভেদ করে। লোকগুলো এলোমেলোভাবে চেষ্টায়!

“ধর ধর... চাপা দিয়ে পালাচ্ছে...”

“মোটরের নম্বর নে...”

“পুলিশ... পুলিশ... এঃ, পালিয়ে গেল...”

“না পালিয়ে করবে কি? প্রাণে মরবে...”

“মারু শালা ডাইভারকে... ধর...”

কিন্তু কার্যগতিকে দেখা যায় গাড়ীখানা পালিয়েছে। অগত্যা যে চাপা পড়ল তাকে নিয়ে পড়ে সকলে।

একটি ছেলে। পথের ধারে গড়িয়ে পড়েছে চোট লেগে। সবার
ওপরে যারা বাঁচে তাদের পায়ের চাপে পিষে গেছে নীচের স্তরের
মানুষ। অসম্ভব কিছু নয়! তবু রক্ত দেখে এগিয়ে আসে সকলে।
চিনতে পারা যায় ছেলেটাকে। তেরো নম্বর বস্তির ভূত। পণ্ডিতের
বাড়ীর ছেলে মিঠু। চোটটা লেগেছে বেশ। এখানে ওখানে
কেটে রক্ত বরছে। জখম হয়েছে পা-টাই বেশী।

কে যেন অভ্যস্তের মত বলে, হাসপাতালে দাও না পাঠিয়ে!

—গরীবের আবার হাসপাতাল! কে যেন ব্যঙ্গ ক'রে ওঠে!

ব্যাপারটা দেখবার জন্তে টেনিস-লন থেকে রামু চাকরটা ঘুরিয়ে
এসেছিল। সে বলে ডাক্তার ত ওখানেই আছেন...দরকার হলে—

—তাই নাকি? চল চল দেখিগে। কয়েকজন এগিয়ে যায়।

খেলাটাও হঠাৎ থেমে গেছে গোলমাল শুনে। উৎকর্ষ হয়ে
উঠেছে সকলে। নিস্তরঙ্গ জলে এতটুকু একটা ঢিল পড়লেও চট
ক'রে ঢেউ ওঠে গোল গোল হয়ে, আবার মিলিয়ে যায় এক
নিমিষেই।

লোক দেখে নিখিল র্যাকেট ছলিয়ে এগিয়ে আসে।

ওরা বলে, এখানে ডাক্তার আছেন? শুনলুম যে—

—ডাক্তার? কেন হে?

—একটা ছেলে মোটর চাপা পড়েছে।

অশোক ডলি ঝুঁ ইত্যাদি আর সকলেও এগিয়ে আসে।

নিখিল বলে, চাপা গেছে? সরি, মারা যায়নি ত?

—আঁজ্ঞে না, তবে—

—তবে ঠিক আছে! চাপা অমন পড়েই থাকে!

এগিয়ে আসে অশোক। ডাক্তার সে, তাই স্বভাবতঃই প্রশ্ন ক'রে
বসে, কোথায় লেগেছে?

—আঁজ্ঞে পায়ে...বড্ড রক্ত পড়েছে...

নিখিল কথাটা যেন লুফে নেয়। র্যাকেটটা ঘুরিয়ে নিয়ে বলে,
হ্যাঁ, পড়বেই ত, রক্ত থাকলেই পড়ে! আচ্ছা থ্যাঙ্কস্ কর্ দি নিউজ...

ও কিছু না, কমন গ্র্যাকসিডেন্ট...এসো হে ডাক্তার খেলা যাক—।
নিখিল অশোকের হাত ধরে টানে।

এসব ব্যাপার যাদের চোখে নেহাত খেলা ছাড়া আর কিছু নয় তাদের কাছে এ ব্যবহার অপ্রত্যাশিত নয়। তবু ডাক্তার ডাকটা ওরা শুনে অশোকের দিকে উৎসুকভাবে তাকায় এবং পিছিয়ে যেতে থাকে।

কে যেন একটু বাঁকা স্বরে বলে, এরাই আবার ডাক্তার।

নিম্বরঙ্গ জলে এতটুকু একটা ঢিলে চট্ ক'রে ঢেউ ওঠে আবার। অশোক একবার যেন ফিরে দাঁড়ায় ওদের দিকে। কিন্তু নিখিল ওর হাত ধরে টান দেয় আবার। বলে, আরে চলো চলো...যত সব নুইসেন!...

ওদিকে ঘটনাস্থলে কয়েকজন মিলে আহত ছেলেটিকে একটা রিক্সায় তোলে। তারপর নিয়ে চলে বস্তির দিকে। রিক্সা চলতে থাকে ঠুং ঠুং ঘণ্টা বাজিয়ে।

আর এদিকে টেনিস-লনে চায়ের পেয়ালায় চামচের আঘাতে জলতরঙ্গ বাজতে থাকে সমান তালে...ঠুং ঠুং ঠুং ঠুং...

খেলা শুরু হয় আবার নতুন ক'রে। কিন্তু জমে না। অশোক কেমন যেন অস্থমনস্ক হয়ে গেছে। বল মিস্ করে ছ'বার।

ডলি বলে, হল কি তোমার? বার বার বল মিস্ করছো।

অশোক বলে, হ্যাঁ, লোকটা মন খারাপ ক'রে দিয়ে গেল। ভাল লাগছে না খেলতে। ডলি বলে, তুমি ভারী সেন্সেটিভ।

অশোক বলে, ইয়েস্, ইট হ্যাপেনস সো। তারপর বলতে বলতে এগিয়ে আসে কোর্ট ছেড়ে। তারপর স্পোর্টিং কোর্টটা কাঁধে ফেলে এগিয়ে যায়।

নিখিল ওপাশ থেকে চেষ্টায়, কি ডাক্তার, চললে না কি?

—হ্যাঁ। অশোকের গলার স্বর কেমন যেন নিম্প্রভ।

ডলি এগিয়ে এসে প্রশ্ন করে, রাত্রে এখানে থাকবে ত? মনে আছে?

কথা বলবার ইচ্ছে পর্যন্ত নেই অশোকের। তাই ঘাড় নাড়িয়ে বলে, হ্যাঁ।

তারপর সোজা গিয়ে স্টার্ট দেয় তার দাঁড়ানো গাড়ীটায়।

চাকরটাকে শুধায়, হ্যাঁরে ছেলেটাকে কোন দিকে নিয়ে গেল দেখেছিস্? অশোকের দিক ভুল হয়ে যাচ্ছে যেন!

চাকরটা বলে, আজ্ঞে হ্যাঁ,...ওই আমাদের তেরো নম্বর বস্তির দিকে।...

ছোট এতটুকু একটা টিলে যে ঢেউ উঠেছে, সে ঢেউ চক্রাকারে বাড়তে বাড়তে ওপারে গিয়ে ঠেকবেই। তা না হলে সে যেন থামবে না।

অতবড় টেনিস-লনটা মুছে গিয়ে একটিমাত্র মুখ ভেসে উঠছে অশোকের সামনে। যে মুখ দিয়ে এই কয়টা কথা বেরিয়ে এল, এরাই নাকি ডাক্তার!

সবুজ মখমলের মত মাঠে কোথায় এক চোরা পাথরের হৌচট খেয়ে মরছে সে।

অশোক স্টিয়ারিংটায় চাপ দেয় তেরো নম্বরের দিকে।

বস্তির মুখে রিক্সা তখনও দাঁড়িয়ে। দুটি লোক মিণ্টুকে নিয়ে তখন ধরাধরি করে ভিতরে নিয়ে চলেছে। দুপাশে এসে জড় হয়েছে দরিদ্র, কুরূপ ও অর্ধ-নগ্ন স্ত্রী-পুরুষ ও বালক-বালিকার দল। সোর-গোল তোলে ওরা চারদিক থেকে। অশোক একবার থমকে দাঁড়ায় তারপর গাড়ীর ভিতর থেকে 'ফাষ্ট এন্ড ব্রেক'টা নিয়ে বস্তির ভিতর অগ্রসর হয়।

আলোয় উজ্জ্বল সুউচ্চ পাহাড়ের শিখর থেকে সে যেন নেমে চলেছে গভীর কালো খাদের দিকে।

এদিকে উন্মুক্ত নালা আর অপরদিকে গুপ্তানো ডাস্টবিনের মাঝ দিয়ে সঙ্কীর্ণ পথ। অশোক সন্তুর্ণনে পা ফেলে এগোয়, নিঃশ্বাস তার বন্ধ হয়ে আসছে যেন। আশেপাশে খাপরার ঘরগুলো মাটির দিকে ঝুঁকে ঝুঁকে ঝুলে পড়েছে, মাটির মধ্যে তারা যেন মুখ লুকোতে চায়।

৩ আজন্ম ঐশ্বৰ্যের আওতায় মানুষ সে। তবু সত্তা সত্তা ডাক্তারী পাশ
ক'রে আরও উচ্চশিক্ষার জগ্ৰে সে যখন বিলেত যায় তখন পিকাডেলীর
উত্তপ্ত বিলাসের স্রোতের মধ্যে সে দিশেহারা হয়ে পড়েছিল। কিন্তু
সে ক্ষণিকের জগ্ৰে। তারপর সে খাপ খাইয়ে নিয়েছে নিজেকে,
মানিয়ে নিয়েছে অতি সহজে।

কিন্তু, আজকের অবস্থা যেন আরও সঙ্গীন। যে ডলির রাজ-
প্রাসাদে তার নিত্য আনাগোনা—শুধু আনাগোনা নয়, তারই নিত্য
নতুন কায়দায় অতবড় বাড়ীখানা যেন চমকে চমকে উঠেছে রোজই,
সেই বাড়ীরই এত কাছে এমনি একটা জগৎ আছে, এত নীচে,
এত অকিঞ্চিৎকর, অথচ এত ভয়ানক এত বিস্ময়...!

তবু, পিছিয়ে গেলে চলবে না। বিদ্রোহের সেই চাবুকের তাড়না
তার সর্বশরীরে যেন জ্বালা ধরিয়ে দিয়েছে। অশোক ধীর পায়ে
এগিয়ে যায়।

ওরা ধরাধরি ক'রে মিণ্টুকে নিয়ে নামায় একটা চালাঘরে।
এদিকে রিক্সাওয়ালাটা চেষ্টাচ্ছিল ভাড়া না পেয়ে। অশোক একটা
টাকা রিক্সাওয়ালাটার দিকে ছুঁড়ে ফেলে দিয়ে এগিয়ে যায় চালা-
ঘরটার দিকে।

কোলাহল তখনও চলেছে। এমন সময়ে হঠাৎ চালাঘরের ভেতর
থেকে এক তরুণী বেরিয়ে আসে উদ্ভিন্ন দৃষ্টি নিয়ে। বলে, এ কি ?
কি হল ? মিণ্টু...মিণ্টু...কে এমন করলে ?

ভিড়ের মধ্য থেকে কে যেন বলে, মোটর চাপা পড়েছে !

কেউ আবার অতি বিজ্ঞের মত মন্তব্য করে, যেমন ছোট ছোট
ছেলেদের রাস্তায় ছেড়ে দেওয়া। প্রাণে যে মরেনি এই ঢের !

তরুণীটি বসে পড়ে মিণ্টুর পাশে। মুখ তার অব্যক্ত বেদনায়
ভরে উঠেছে।

মুখ তুলে তাকাতেই নজর পড়ে অশোকের দিকে। এই নোংরা
বস্ত্রের মধ্যে এই শ্রেণীর লোকের আবির্ভাব বোধ হয় এই প্রথম।
মেয়েটি অবাক হয়ে বলে, আপনি আপনি...। পরক্ষণেই হঠাৎ ও

আন্দাজ ক'রে নেয় ব্যাপারটা, তাই একটু ক্রুদ্ধ : খুব বেশী যে তার ও, আপনার গাড়ীর ধাক্কাতে বোধ হয় এই ব্যাপারছিল ধাক্কা লেগে,

অশোক বাধা দেয় না ওর মন্তব্যে। স্পষ্ট ক'রে কাতেই মিষ্টুর না ওর কথা। আপনার মনেই বলে চলে যে কথাগুলো, কোর্টের ও তৈরী হয়ে এসেছিল। বলে, সরে যাও দেখি, একটু সঠি মধ্যেও আমি দেখছি। একটু গরম জল আনো ত কেউ। তার

মেয়েটির দিকে নিজের কোটটা খুলে বাড়িয়ে ধরে বলে, ধরো এঁ-

মেয়েটি অনায়াসে হাত বাড়িয়ে কোটটা ধরে। আশপাশের ভি করা স্ত্রীলোকেরা পরস্পরে কটাক্ষ করে, একটা ইঙ্গিত করে ব্যাপারটা নিয়ে।

কোটটা ধরলেও মুখের বিদ্রূপ সে ছাড়ে নি। তাই ও বলে, আপনারা গাড়ী চড়ে আর আমরা চাপা পড়ি এই বোধ হয় নিয়ম।

অশোক তবু সাড়া দেয় না। 'ফাষ্ট এন্ড ব্রক্স'টা খুলে ব্যাগেজ ও যন্ত্রপাতি বের করতে থাকে।

যন্ত্র দেখে ভয় পায় মেয়েটি। বলে, কি করবেন ?

—কিছু না। অশোক কিছুতেই যেন বেশী কথা বলবে না আজ। তাড়াতাড়ি ক্ষতস্থানে ওষুধ লাগাতেই সে ব্যস্ত।

ওষুধ দেওয়ার সঙ্গে সঙ্গে মিষ্টু আর্তনাদ ক'রে ওঠে।

মেয়েটির উদ্ভিন্ন কণ্ঠ শোনা যায়, কি দিলেন ? ওর লাগল যে ?

অমন একটু লাগেই। অশোকের কণ্ঠে এতটুকু আন্তরিকতা নেই।

মেয়েটি উত্তেজিত হয়ে ওঠে। বলে, লাগলে আপনাদের কিছু হয় না...কিন্তু আমাদের লাগে বেশী।...কে ডেকেছে আপনাকে ? আমরা ত কেউ ডাকি নি ?

এলোমেলোভাবে বলে ওঠে ও। কি ক'রে যে ওর বিরক্তি প্রকাশ করবে ও ঠিক বুঝতে পারে না যেন।

—না ডাকলেও আমাদের আসতে হয় অনেক সময়ে। একই ভাবে জবাব দেয় অশোক।

—নিশ্চয়ই! দয়া ক'রে উপকার করতে এসেছেন...আপনারা

ও আজন্ম ঐশ্বর্যের। দিয়েছেন এই খুব, আর কিছু দরকার নেই...
ক'রে আরও উচ্চশীল হয়ে যাবে। কথাগুলো শোনাতে পেয়ে
উত্তপ্ত বিলাসেন্দ্র ছাপ ফুটে ওঠে ওর মুখে।

সে ক্ষণিকের মুখের দিকে তাকায়। এতক্ষণে ওর কথা সত্যি
মানিয়ে তে পেয়েছে সে। আঃ, কেন গোলমাল করছো...আমার
বলছি!...

প্রনয়? তবে?

—দেখতে এসেছি ওকে! আমি ডাক্তার!

অশোক ব্যাণ্ডেজ বাঁধতে থাকে।

—ডাক্তার? মেয়েটি বিশ্বয়ে স্তব্ধ হয়ে যায় একেবারে!

এমন সময়ে খক্ খক্ ক'রে কাশতে কাশতে বেরিয়ে আসে বৃদ্ধ
ভূতনাথ পণ্ডিত। ডাক্তার কথাটা তার কানে গিয়েছিল। তাই সে
সোজাসুজি বলতে থাকে, ডাক্তার! তা বেশ বাবা...এ ভালই হল—
আচ্ছা ডাক্তার সায়েব, আমার নাড়িটে একবার দেখো ত বাবা—

বলতে বলতে ভূতনাথ তার শীর্ণ হাতখানা বাড়িয়ে ধরে।
অশোক ওর মুখের দিকে তাকায়। বহু দুর্যোগে-ভরা কোন অতীতের
আকাশের মুখ দেখছে যেন সে।

ভূতনাথ আবার বলতে থাকে দম্ নিয়ে, হ্যাঁ বাবা, আমাকে কি
আর চিনতে পারবে? আমি সেই পুরনো ভূতনাথ। সবাই বলে
ভূতো পণ্ডিত। হেঁ হেঁ, গাঁয়ের পাঠশালার আমি হেড পণ্ডিত ছিলাম
কি না। ওই ত অনুই বলুক না। বৃদ্ধ ঐ মেয়েটির দিকে ইঙ্গিত করে।

সেই অতীত দিনের স্মৃতির আলো পড়ে বৃদ্ধের চোখ দুটো যেন
জ্বলছে।

অশোক কিছু বলবার আগেই অনু বলে ওঠে, আঃ বাবা, কেন
তুমি আবার চৈচামিচি করছো। কতবার বলেছি তুমি যখন তখন
বাইরে এসো না!

অনুর বিকৃত কণ্ঠস্বরে অশোক যেন চমকে ওঠে। কেমন যেন
বিত্রত হয়ে তাকায় ওদের দিকে।

মিষ্টু এদিকে বেশ একটু শূন্য বোধ করছে। খুব বেশী যে তার লেগেছিল তা নয়। তবে অজ্ঞানের মত হয়ে গিয়েছিল ধাক্কা লেগে, আর আঘাতটা লেগেছিল পায়ে। এদিক ওদিক তাকাতেই মিষ্টুর নজর পড়ে অম্মুর হাতে অশোকের কোটটার দিকে। কোটের পকেটে দামী ফাউনটেন পেন আঁটা। বস্তির অগ্নি আলোর মধ্যেও চক্ চক্ করছে।

মিষ্টুর চোখ দুটো চক্চক্ ক'রে ওঠে। বস্তির ছেলে সে। নিয়-স্তরের জীবনের অনেক অভিজ্ঞতা তার এই বয়সেই। এও সে শিখেছে বাঁচতে গেলে তাকে এমনি ধরনেরই হতে হবে। উপায় নেই, নগ্ন দারিদ্র্য মানুষের মনের সব হীনতাকে নগ্নরূপে মেলে ধরেছে চোখের সামনে! সেই হীনতার প্রলোভন বড় ভয়ানক।

আঘাতের ব্যথা ভুলে যাচ্ছে মিষ্টু। চোখের সামনে শুধু ফাউন-টেন পেনটা! সকলেই এখন অগ্ন্যম্নস্ব। মিষ্টু সে স্মৃযোগ হারাতে চায় না। চোখের পলকে কোটের পকেট থেকে সরিয়ে কেলে কলমটা!

কোন অতলের মাছ এক নিমিষে ওপরে ভেসে ওঠে, তারপর একটুখানি হাওয়া যেন চুরি ক'রে টেনে নেয় ওপরের স্তর থেকে, এবং পর মুহূর্তেই তলিয়ে যায় টুপ ক'রে। জলের নীচে যেটুকু নিখাস নেওয়া যায় তাতে প্রাণ বাঁচে না। তাই মাঝে মাঝে উপরের স্তরে আস্তে হয় বইকি!

এদিকে ভূতনাথ থামেনি তখনও। আপন ঝোঁকে বলে চলেছে, ও, বাইরে আসব না... কেন আসব না শুনি! ডাক্তার কি তোমার মিষ্টুর একার? দেখো ত বাবা, আমি গাঁয়ের হেড পণ্ডিত... আমার কোনো দোষ ছিল না বাবা... বুড়ো বয়সে... এই ছাখো বৃকে কেন যেন হাঁপ লাগে...

অম্মু আবার বাধা দিয়ে ওঠে। বলে, কেন তুমি বাজে বকছো বাবা!

অশোক বলে, আচ্ছা দেখছি আপনাকে—একটু সবুর করুন

অদূরে কয়েকজন কৌতূহলী স্ত্রীলোক সমস্ত ব্যাপারটা সকৌতুকে উপভোগ করছিল। ওদের মধ্যে একজন কিস্‌ফিস্‌ ক'রে বলে, ছুঁড়ির আক্কেলটা দেখছো গা! বুড়ো বাপের রোগ হয়েছে, আমল দেয় না। আর ইদিকে কোন ইত্তিজাতের ছেলে কুড়িয়ে এনেছে, তাকে নিয়ে কি আদিখ্যেতা!

আর একজন চাপাকণ্ঠে জবাব দেয়, গা জলে যায়!

এদিকে অশোক ভূতনাথকে পরীক্ষা করতে থাকে। ভাল ক'রে দেখতে সময় লাগে অনেক। দেখা শেষ ক'রে বলে, অসুখ আপনার ভাল নয়। বেশ কিছু দিন ভোগাবে।

ভূতনাথের যেন কান্না পায়। ক্ষীণকণ্ঠে বলে, বাবা, ভুগলুম ত কম নয়। আরও ভুগবো? সারবে ত ডাক্তারবাবু?

ওর ভিজ়ে চোখে জীবনের আগ্রহ যেন জ্বল জ্বল ক'রে ওঠে।

অশোক চিন্তিতস্বরে বলে, রোগ কি আর সারে না, তবে চেষ্টা করতে হবে।...তারপর অনুর দিকে ফিরে বলে, হাত ধোব, একটু সাবান দাও।

অনুর বৌদি তারিণী এতক্ষণ আড়ালে দাঁড়িয়ে সব শুনছিল। সাবানের কথা শুনে ছটিকে বেরিয়ে আসে। ওদের শুনিয়ে শুনিয়ে আর একজন স্ত্রীলোককে বলে ওঠে, শুনলে দিদি! আবার সাবান! পেটে ভাত জোটে না, বলে সাবান! কোন বেজাতের ছেলে কুড়িয়ে এনে আমার সোয়ামীর ঘাড়ে চেপেছে। ভাত দিচ্ছি, কাপড় দিচ্ছি, মাথা ছাপিয়ে উঠল খরচ! কেন, অতবড় ধাড়ী মাগী রোজগার ক'রে পেট চালাতে পারে না?

ব্যাপারটা কদর্য হয়ে উঠেছে দেখে ভূতনাথ একটু যেন ব্যস্ত হয়ে ওঠে। ভদ্র অভদ্র বোধটা এখনও আছে। গলা বাড়িয়ে বলে, আঃ, বৌমা! তুমি চুপ কর। পেটের কথা সব মুখে আনতে নেই, চুপ কর তুমি।

অনু যেন বিস্ময়ে লজ্জায় একেবারে আড়ষ্ট হয়ে যায় কিছুক্ষণের জন্ত। তারপর ধীরে ধীরে ঘটির জল অশোকের হাতে ঢেলে দেয়।

তাড়াতাড়ি হাত ধুয়ে ঝেলে অশোক। যত শীগগির ব্যাপারটা চুকিয়ে দিতে পারা যায় ততই ভাল। ধোয়া মোছা শেষ ক'রে অনুর হাত থেকে কোটটা নিয়ে গায়ে পরতে পরতে ভূতনাথকে বলে, আপনার জন্তে একটা ওষুধ লিখে দিয়ে যাচ্ছি।

বলার সঙ্গে সঙ্গে অশোক পকেটের মধ্যে হাত ঢোকায় কলমটার জন্ত। কিন্তু কলমটা নেই সেখানে! এক মুহূর্তের জন্তে অশোক বিচলিত হয়ে পড়ে। কিন্তু পরক্ষণেই বলে, আচ্ছা আপনার ওষুধ পরে পাঠিয়ে দেব। কিন্তু একটা কথা, মিষ্টকুকে এখনই একবার হাসপাতালে পাঠানো দরকার।

অনু যেন চমকে ওঠে। বলে, হাসপাতালে কেন?

—পায়ের চিকিৎসা হওয়া চাই। ঘাটা বিধিয়ে যেতে পারে। অশোক চটপট জবাব দেয়। ওর স্বরের মধ্যে যথেষ্ট উদ্বেগ ধ্বনিত হয়ে ওঠে।

—কিন্তু আমরা যে কিছুই চিনি না।

—চেনো না কি? এই ত কাছেই হাসপাতাল। কিছু অনুবিধে হবে না। সোজা মিষ্টকুকে নিয়ে ঢুকবে, সেখানে তাঁরা সব ব্যবস্থা ক'রে দেবে। এখনই নিয়ে যাও।

বলতে বলতে অশোক নিজেই এগিয়ে যায় তার চামড়ার ব্যাগটা হাতে নিয়ে। বেসীক্ষণ ওখানে থাকলে হাওয়াটা বিধিয়ে যেতে পারে। আবহাওয়ার ক্ষতটা এতই ক্রোদময়।

এগিয়ে যেতে যেতে অশোকের কানে আসে—ঢের ঢের বেহায়া দেখেছি, ছুঁড়িটা কিন্তু সবাইকে ছাড়িয়ে উঠল।...মুখ ফিরিয়ে অশোক দেখল—তারিণী। তারিণী তখন অনুর উদ্দেশ্যে বলে চলে, তুই না হয় লজ্জা সরমের মাথা খেয়েছিস, তাই বলে এটাও ত ভদ্র লোকের ঘর?

ওপাশ থেকে আর একজন স্ত্রীলোক যোগ দেয়। বলে, ডাক্তারকে নিয়ে কি কাণ্ডটাই দেখলুম দিদি! ছেলে চাপা দিয়ে দেখছি শাপে বর হল।

ধীর অথচ কঠিনভাবে এগিয়ে আসে অম্বু। তার স্বর অসম্ভব রকমের জোরাল। বলে, তোমরা চুপ কর, এটা নোংরা কথার জায়গা নয়!

একটু সময় নেয় তারিণী। তারপরেই মুখ ঝামটা দিয়ে টেঁচিয়ে ওঠে, চুপ করব কেন লা? আমার সোয়ামীর পয়সায় তোর এত বড়মানষী ফলানো! ডাক্তার ডাকলি ওষুধপত্র জোটাবি কোথেকে?

—তোমার একথার জবাব আমি দিতে চাইনে বৌদি!

ভূতনাথ এগিয়ে আসে ঝগড়া মেটাতে। অম্বুর দিকে তাকিয়ে বলে, ওইজন্তেই তোকে বলি, ছেলেটাকে আর কোথাও দিয়ে আয়... ওকে নিয়েই যত ঝগড়া...

—সে আমি বুঝবো বাবা। পাঁচজনের গায়ে পড়া উপদেশ আমি চাইনে।...আমার অনেক কাজ...

কথাটা ভাল ক'রে শেষ না করেই অম্বু ঘরের দিকে এগিয়ে গেল। কথার শেষ দিকটায় মনে হল তার গলার স্বরটা যেন কাঁপছে। এ কাঁপা শুধু দুর্বলতার জন্তে নয়। এক এক সময়ে এমন হয় গলাটা একই সঙ্গে দৃঢ়তা ও দুর্বলতার জন্ত কাঁপে। এ কাঁপা সেইজন্তেই।

যারা ঝগড়া করবার সমস্ত আয়োজন সম্পূর্ণ ক'রে এনেছিল তারা ঐ স্ত্রীলোকের দল এই হঠাৎ পরিণতি দেখে বলে, চল ভাই চল! বিষ নেই, কুলোপানা চক্কর! বলতে বলতে ওরা বস্তির আঁকাবাঁকা পথে অদৃশ্য হয়ে যায়।

অশোক এগিয়ে যায় আরও। রাস্তার ধারে তার গাড়ী অপেক্ষা করছে। কোনমতে বস্তির গলিটা পার হতে পারলেই হল। কিন্তু রাস্তায় পৌঁছুবার আগে কলতলায় কয়েকজন স্ত্রীপুরুষের কলরব শুনে সে আর একবার থমকে দাঁড়ায়।

একজন স্ত্রীলোক অপর একজন স্ত্রীলোককে বলছে, ভারী চ্যাটাং চ্যাটাং কথা! অত গরম কেন লা? কল কি তোর একার?

অপরটি জবাব দেয়, আমার একার কেন হবে গো? তোমার সোয়ামীর পয়সার কল, তোমারই একচেটে!

তৃতীয় স্ত্রীলোক বলে, তুই কেন থাম না বাছা ! এই যাঃ, আমার ভাত বুঝি পুড়ে গেল মা ? একই সঙ্গে দুটি অসঙ্গত কথা একই ভাবে আশ্চর্যরকম বলতে পারে ওরা !...

প্রথম স্ত্রীলোকটি বলে, অমন যদি করিস, হাটে হাঁড়ি তোয় ভাঙবো আমি। 5752 ৯. 17. 11. 71

দ্বিতীয় স্ত্রীলোকটি আগুন হয়ে বলে, ক্ষুদি মাসী, সাবধান বলে রাখচি কিন্তু—

স্ত্রীলোকেরা পরস্পর মারমুখী হয়ে ওঠে।

জীবনে যাদের উত্তাপ নেই তাদের এই নিত্য গরম হয়ে ওঠা।

অশোকের দৃষ্টির মত পা ছুটোও যেন স্থির হয়ে আড়ষ্ট হয়ে গেছে। পাহাড়ের উঁচু মাথা থেকে সে দেখেছে নীচেকার সমতল জমিকে অনেকবার। কিন্তু সে দেখায় কোনো বিশেষত্ব নেই। শুধু শ্যামল সবুজ বিস্তার—সে শ্যামলিমা বড় সুন্দর। কিন্তু আজ সে সমতলে নেমে দেখেছে শ্যামল সবুজ মাটির বুকে মাঝে মাঝে গভীর পাঁক। সে পাঁকের দুর্গন্ধ অত উঁচু পাহাড় থেকে কোনোদিন পাওয়া যায় না। সকলের চেয়ে বিস্ময়ের কথা যারা এখানকার নোংরা কাছাকাছি থাকে, জঞ্জালের মধ্যে যাদের জীবনযাত্রা, নালা-নর্দমার দিকে মুখ রেখে যারা পড়ে থাকে, তারা আর ওরা—ঐ পাহাড়ের উঁচু দেশের লোকেরা—এই দুই জগতের লোকেরাই মানুষ !

শশধর চৌধুরীর প্রাসাদ থেকে শশধর চৌধুরীর বস্তিতে নেমে এসে অশোক আজ নতুন ক'রে জীবনকে চিনেছে।

জড়িত পায়ে এগিয়ে যায় ও রাস্তার দিকে। হঠাৎ অসুমনস্ক হয়ে একখানা পা খানায় পড়ে যায়। এবং সঙ্গে সঙ্গে তার প্যাণ্টে ও জুতোয় নোংরা মাখামাখি হয়ে যায়। তাড়াতাড়ি সামলে নেয় অশোক। কিন্তু তার আগেই একজন লোক সর্কোতুকে বলে ওঠে, আঃ হা হা ! একেবারে কাদা মাখামাখি ! সামলে না চললে এখানে পা ত পিছলোবেই ! বস্তি যে !

অপর একটি লোক যোগ দেয়, যা বলেছে, বড়লোকের পা কথায়
কথায় পিছলোয়।

ছোট পুকুরে আবার ঢিল পড়ছে।

তাড়াতাড়ি পা ফেলে অশোক এগিয়ে যায় বাড়ীর দিকে।

মিণ্টুকে হাসপাতালে নিয়ে যাবার জন্তু অনু তার কস'া শাড়ীখানা
বার করেছে। হ্যাঁ, শাড়ীখানা কথাটা ভুল নয়। শাড়ী তার এক-
খানাই। একমাত্র সন্তানের মত বহু যত্নে ও বহুদিন ধরে অনু ওখানি
গুছিয়ে রেখেছে। প্রয়োজন অল্পই আসে কিন্তু তবু জীবনের খাদ
থেকে রাজপথের আলোয় কদাচিৎ যখন ভেসে ওঠবার প্রয়োজন
আসে তখন বের করতে হয় শাড়ীখানা। নিজের শাড়ীখানার সঙ্গে
সঙ্গে মিণ্টুরও একখানা জামা বের করতে হয়। অনেকদিন আগে
ছোট ছোট কয়েক টুকরো কাপড় যোগাড় ক'রে নিজের হাতে সে
মিণ্টুর জন্তে একখানা জামা সেলাই ক'রে রেখেছিল। সেটি বের ক'রে
মুখে হাসির রেখা টেনে এনে অনু বললে, দেখেছিস্ কেমন নতুন
জামা? আয়, পরিয়ে দিই তোকে!

মিণ্টুর দিকে হাসিভরা মুখে চাইতে গিয়ে অনু দেখল মিণ্টুর
মুখ হাসিতে উপচে পড়ছে। সে হাসি জামার আনন্দে নয়। মিণ্টু
পরম আত্মদে বালিশের তলা থেকে কি যেন একটা বের ক'রে বলে,
এই দেখ দিদি!

অনু যেন সাপ দেখেছে এমন চমকে উঠল। বললে, কোথায়
পেলি এই কলম?

মিণ্টু হেসে নিল খানিকটা। বললে, কেন, ওই ত ডাক্তারবাবুর
পকেটে ছিল!

—ছিঃ ছিঃ ছিঃ—অনুর কম্পিত আত্মস্বর যেন কেঁদে উঠল।
তোর মরণই ভাল ছিল মিণ্টু। তুই একেবারে কেন চাপা গেলি না
হতভাগা! তোর জন্তে সকলের কাছে আমার মাথা হেঁট
হয়ে গেল।

শুধু স্বর নয় সমস্ত দেহটাই যেন অল্পর কাঁপছে। কম্পমান চোখের পাতা দুটো ভিজ্ঞে আসে কান্নায়।

চলে যাওয়া অশোকের গাড়ীর চাকার শব্দের শেষ রেশটুকু তখনও হাওয়ায় কাঁপছে !

শুধু, জীবনের রাজপথে যে খাদ, সে খাদে অন্ধকার এতই ঘন হয়ে আসছে যে, ওপরের আলোর স্পর্শ পেয়ে সে এতটুকু টললো না।

কাঁপল না পর্যন্ত !

রাস্তিরে অশোকের খাবার কথা ডলিদের বাড়ী। সেই যে খেলতে খেলতে চলে এসেছে অশোক তখনও ফেরে নি। ডলি একটা কোন ক'রে খবর নেয় অশোকের বাড়ীতে, অশোকের দিদি শোভার কাছে। কিন্তু শোভা খবর দেয় অশোক বাড়ীতে ফেরে নি তখনও পর্যন্ত। এলেই পাঠিয়ে দেবে।

পাশের ঘর থেকে হরিচরণ ডাক দেন শোভাকে। বলেন, কে ফোন করছিল রে ?

হরিচরণ ওদের বাবা। মা মারা গেছেন অনেকদিন। মেয়ে শোভা বিধবা হবার পর থেকে বাপের বাড়ীতেই ফিরে এসেছে। শোভা, হরিচরণ আর অশোক এই তিনজন নিয়েই সংসার।

শোভা জবাব দেয়, ডলি কোন করছিল বাবা...

—কিছু বলছিল ?

—হ্যাঁ, কি যেন একটা গ্র্যাক্সিডেন্ট দেখে অশোক গাড়ী নিয়ে বেরিয়ে গেছে...ওদের খেলা আজ মোটেই জমে নি—

গ্র্যাক্সিডেন্ট-এর কথা শুনে হরিচরণ অনাবশ্যকভাবেই যেন চমকে ওঠেন। ব্যস্ত হয়ে বলেন, অশোকের গাড়ীর কোন গ্র্যাক্সিডেন্ট নয় ত ?

—না বাবা, ও-রাস্তায় কি যেন হয়েছিল...।...অশোককে ওরা খুঁজছিল !

—হুঁ, অশোক রাস্তিরে ওদের বাড়ী খাবে শুনেছিলুম, না ?

—হ্যাঁ, ওখানেই থাকবে।

ওদের কথার মধ্যেই অশোকের গাড়ীর গুঞ্জন ধ্বনিত হয়ে ওঠে।

শোভা বলে, ঐ অশোক এল বোধ হয়। বলতে বলতে এগিয়ে যায় বাইরের দিকে। অশোককে দেখে শোভা একচোট হেসে ওঠে। গা-ময় কাদা লেপ্টে আছে—অশোকের সে কি বিচিত্র মূর্তি! শোভা বলে, এ কি রে? এত কাদা।...এমন পদস্থলন কোথায় হল!

—সে আর বল না দিদি। অপরাধীর মত মাথা নীচু ক'রে অশোক বলতে থাকে। গিয়েছিলুম এক বস্তিতে—

—বস্তিতে? কেন? রুগী ছিল বুঝি?

—না, রুগী ঠিক নয়। রস্তির একটা ছেলে এ্যাক্সিডেন্টে পড়ে—

—আহা...কত বড় ছেলে? বেঁচে গেছে ত? এক নিমিষে শোভার মুখে হাসি যায় মিলিয়ে।

—হ্যাঁ, বেঁচে গেছে। তবে পায়ে লেগেছে বেশ...হাসপাতালে পাঠিয়েছি। নেহাত অনাসক্ত স্বরেই অশোক বলে যায় কথাগুলো।

শোভা বলে, ডলি ফোন করছিল...তাকে এখনই ওদের বাড়ীতে যেতে হবে...।...তোর নাকি যাবার কথা এখুনি...নে কাপড়-চোপড় বদলে নে...।

হরিচরণ এতক্ষণ কোন কথা বলেন নি। অশোক এগিয়ে যাচ্ছিল দেখে বলেন, তোমাকে আবার কি সেই বস্তিতে যেতে হবে?

—না, ওসব নোংরা লোকজনের ভেতর আর আমি যাচ্ছি নে। বিজী সব জায়গা। অশোকের মুখটা কুঁচকে যায় বিরক্তিতে।

কাপড় বদলে গাড়ী নিয়ে বেরোতে দেরি হয় না বেশী। সোজা ডলির বাড়ীতে গিয়ে উঠলে এমন কিছু আর দেরি হয়ে যাবে না।

কিন্তু খানিকদূর এগিয়ে এসে কেমন অস্বস্তি বোধ করতে থাকে ও। একবার ক'রে ঘড়ির দিকে তাকায় আর গাড়ীটা থামিয়ে কি যেন ভাবতে থাকে।

এবং শেষ পর্যন্ত ডলিদের বাড়ীর রাস্তা থেকে গাড়ী ঘুরিয়ে সোজা চালিয়ে দেয় হাসপাতালের দিকে।

ঘূর্ণি হাওয়ার বেগে বুষ্টির ছাট একদিক থেকে বদলে যায়
অন্যদিকে।

হাসপাতালে পৌঁছে অশোক দেখে অনু মিণ্টুকে নিয়ে অপেক্ষা
করছে। ব্যস্ত হয়ে অশোক বলে, এই যে কতক্ষণ?

—ঘণ্টা দুই হল বই কি? শান্ত স্বরে বলে অনু চোখ নামিয়ে।

—তু ঘণ্টা! সে কি? অশোক চীৎকার ক'রে ওঠে।

—আমরা গরীব...তু'ঘণ্টা কেন, সমস্ত রাত বসে থাকতে হলোও
নালিশ নেই। ভেতরে ঢুকতে দিয়েছে এই যথেষ্ট।

অতি নীচু স্বরে কথাগুলো বললে কি হবে, অশোকের মনে হয়
তার ঐ উচ্চস্বরকে সে যেন গ্রাস ক'রে ফেলছে। অপ্রস্তুত হয়ে
অশোক বলে, আচ্ছা দেখছি। বলেই বেরিয়ে যায় ওখান থেকে।
তাড়াতাড়ি একটা ব্যবস্থা করতেই হবে।

ওখান থেকে সোজা ইমারজেন্সী ওয়ার্ডএ গিয়ে ঢুকে টেঁচামেচি
শুরু ক'রে দেয় অশোক। কোন পেশেন্টকে ফেলে রাখা হয়েছে
বাইরে?

অচেনা লোকদের অবস্থা ঐ রকমই হয়ে থাকে হাসপাতালে,
বিশেষ ক'রে ঐ স্তরের লোকদের। তাই অশোকের বিরক্তি দেখে
মেডিকেল ছাত্ররা একটু যেন শশব্যস্ত হয়ে ওঠে। বলে, আপনি
পাঠিয়েছেন...আমরা জানতে পারি নি স্যর...

—জানাজানির প্রশ্ন নয়...যে কোন কেস যখনই আম্বুক
তোমাদের এটেণ্ড করা দরকার! কম্পাউণ্ড ফ্র্যাকচার হতে পারে,
টিটেনাস হতে পারে...তোমাদের দায়িত্বজ্ঞান থাকা উচিত,
হাসপাতাল প্রধানতঃ গরীবদের জন্তে...এ কথা মনে রাখা
দরকার...

অশোক যেন আপনার ঝাঁকের মধ্যেই বলে চলেছে কথাগুলো।
গুর গলা শুনে আরও অনেকে বেরিয়ে আসে। হুজনে তাড়াতাড়ি
গিয়ে স্ট্রেচারে ক'রে মিণ্টুকে নিয়ে আসে ভেতরে। পেছনে পেছনে
আসে অনু।

অশোক ওদের দিকে লক্ষ্যই করে না। যেমন বলে যাচ্ছিল তারই সঙ্গে জোর দিয়ে দিয়ে বলে, ওকে একটু কেয়ারফুলি দেখো তোমরা। বলতে বলতে ঘড়ির দিকে একবার তাকায়। তারপর যেমন ঝড়ের মতন এসেছিল তেমন ঝড়ের মতন বেরিয়ে যায় হল থেকে।

ঘূর্ণি হাওয়ায় বৃষ্টির ছাট ক্ষণে ক্ষণে বদলায়।

অশোক স্টার্ট দেয় গাড়ীতে।

রায় বাহাদুরের বাড়ীর মজলিস জমে উঠেছে। অশোকের জ্ঞাতো শুধু অপেক্ষা! নাচ, গান, হাসি, গল্প একই সঙ্গে চলেছে। আজ আসর বেশ পরিপূর্ণ। সকলেই এসে পড়েছে যথাসময়ে—নিখিল, রুণু, সুশোভন, মিলি চাটুজ্যো, অণিমা এবং আরও অনেকে। ড্রয়িংরুমে চারদিকে ছড়িয়ে আর বিছিয়ে বসেছে ওরা। ওরা যেন কোন মহা-সমুদ্রের বিস্তৃত বালুতট। সেই তটভূমিকে ঘিরে ঢেউয়ের চঞ্চলতা। ঢেউ ওদের অঙ্গে অঙ্গে, হাসিতে হাসিতে, কণ্ঠে কণ্ঠে।

ঘড়িতে টং টং করে ন'টা বাজার সঙ্গীত শোনা গেল। বহু দাম দিয়ে বহু কষ্টে সংগ্রহ করা এই ঘড়ি। অদ্ভুত এর ধ্বনি। যে সময় পার হয়ে চলে গেল সেটা খোঁচা দিয়ে না বেজে সঙ্গীতের মতই সুরে ছন্দে মর্মরিত হয়ে ওঠে। সময়কে জানাবার সঙ্গে সঙ্গে ভোলাবার এই অপূর্ব কৌশল!

সুশোভন বলে, অশোকের আসতে দেরি হচ্ছে...

নিখিল বলে, আরে দেরি না করলে ইম্পটেন্স বাড়ে না।

—কি রকম? প্রশ্নটা তোলে মিলি চাটুজ্যো! প্রশ্নের চাপে ভুরু-ছটো বেঁকে যায় জিজ্ঞাসার চিহ্নের মত।

—খুব সোজা কথা। সিগারেটে একটা রিং করতে করতে নিখিল জবাব দেয়। আমি কখনও দেরি করি না—আড়োচোখে একবার ডলির দিকে তাকিয়ে শেষ করে—তাইতো আমার আদর কম।

—যাই বল, আমাকে কিন্তু যেতে হবে অনেক দূর। হাত ঘড়িটার

দিকে ছবার তাকিয়ে নিয়ে কোচের গর্ভ থেকে সুশোভন একটু সোজা হয়ে বসে।

—অসুবিধে কিছু নেই, আজকাল রাস্তিরে পথে আলো জ্বলে—ও কোণ থেকে অগ্নিমার কণ্ঠ শোনা যায়।

—তুমি বোঝ না অগ্নিমা। আলো জ্বলে অসুবিধে হয়েছে বটে, তবে অসুবিধেও হয়েছে অনেকের। নিখিল কুখাটা যেন লুকে নিয়েই হেঁয়ালী সৃষ্টি করবার চেষ্টা করে।

—কেন ?

—আবার কেন ? আজকাল বন্ধুবান্ধবীরা একটু নিরিবিলা অন্ধকার পেলেই খুশী থাকে...মানে অনেকেরই প্রাণের কথা বলছি—

সকলের মুখে মুখে টুকরো হাসির গুঞ্জন শোনা যায়। চাঁদের আলোয় ছড়ানো চকমকি পাথরের টুকরো যেন জ্বলছে !

খানিক পরে ডলি গান জুড়ে দেয়। ডলি বরাবরই গায় ভাল। মিষ্টি রিগরিগে গলা মীড়ে মীড়ে কাঁপতে থাকে। আর সকলের কলরব স্তিমিত হয়ে আসে গান শোনবার জন্তে। ওদিকে রুণু গানের তালে তালে নাচ জুড়ে দেয় ঘরের কোণে পাতা কাশ্মীরী গালিচাটার ওপর। ডলির কণ্ঠ থেকে যে সুরের বর্ণা ঝরে সেই ছন্দ দোলায়িত হয়ে ওঠে রুণুর কচি কোমল দেহলতায়। রুণু আজ পরেছে একখানা ছুধের মত সাদা মাইশোর সিল্কের শাড়ী। পাতলা নরম শাড়ীখানা তার শরীরের প্রতিটি দেহরখাকে পরিস্ফুট করে তুলেছে। ঘবা কাঁচের শেড লাগানো আলোয় তার নৃত্যবিহ্বল দেহখানাকে দেখাচ্ছে চাঁদের আলোয় হাওয়ায় দোল-খাওয়া রজনীগন্ধার ডালটার মত !

স্বপ্ন জমে আসছে বেশ।

ঠিক এমনি সময়েই রায়বাহাদুরের স্ত্রী হেমনলিনী একটি ছোট চার চাকার গাড়ীতে চড়ে আসরের মধ্যে এসে হাজির হলেন। হেম-নলিনীর ছই পায়ে বাত। এবং যবে থেকে তাঁর মনে হয়েছে তিনি বাতে পঙ্খ হয়ে এসেছেন তবে থেকেই এই চার চাকার গাড়ীর ব্যবস্থা।

এসেই চাঁৎকার ক'রে উঠলেন তিনি।

—কই, অশোক আসে নি এখনও ? ন'টা যে কখন বেজে গেল !
পায়ের ব্যথা বেড়েছে...আর এদিকে এত দেরি অশোকের ?...আঃ,
রুগু নাচ একটু বন্ধ কর না মা !...আমার পায়ে এত লাগে ! নাচ একটু
বন্ধ কর।...কখন যে অশোক আসবে।

অগত্যা নাচ থামাতে হয় রুগুকে। সকলের দিকে ও অর্থপূর্ণ
ভাবে তাকায় একবার। হেমনলিনীর কাণ্ড দেখে মুখ টিপে হাসে।
কিন্তু নাচটা এমন হঠাৎ ভেঙে যাওয়ায় সকলেই যেন একটু বিষণ্ণ।
যে স্বপ্ন দেখতে ভাল লাগে তার মাঝে হঠাৎ ঘুম ভাঙলে যে অবস্থা
হয় মনের সেই অবস্থা ওদের !

রজনীগন্ধার ডাল থেকে হঠাৎ ফুলগুলো যেন ঝরে গেল !

কাঁচা ব্যারিষ্টার নিখিল রায় আর কিছু না হোক খোঁচা দিয়ে কথা
বলতে পারে মিষ্টি মিষ্টি ক'রে। হঠাৎ ভাঙা ঘুমের পর জড়ানো
চোখে তাকানোর মত অস্পষ্টভাবে হেমনলিনীর দিকে তাকিয়ে
তাড়াতাড়ি বলে, সামান্য খাওয়া...এ কি অশোকের মনে থাকে ?
ওদিকে পৃথিবীমুদ্র রুগী তার জন্তে হাঁ ক'রে রয়েছে।

হেমনলিনীর মনটা বিষিয়ে ছিল, তাই খোঁচাটা বুঝতে দেরি হয়
না। চাকার স্প্রিংগুলো একটু ছুলিয়ে বলেন, তুমি সুবিধে পেলেই
অশোককে খোঁচা দাও বাবা !...উঃ, পা ছ'খানা আবার বিনবিনিয়ে
উঠল...! বলতে বলতে স্নেহ ও বিরক্তির মিশ্রণ ক'রে এক অপূর্ণ
দৃষ্টিতে তাকান নিজের পা ছ'খানার দিকে।

নিখিল জবাব দেয় না। জবাব একেবারে দিত না কি না জানা
যায় না, কারণ সঙ্গে সঙ্গেই ঘরের মধ্যে এসে প্রবেশ করে অশোক।
ঘড়ির দিকে একবার নজর দেয় সকলে। ঘড়িতে তখন ন'টা বেজে
তেরো মিনিট।

হেমনলিনী যেন চেয়ারের মধ্যেই নেচে ওঠেন তাঁর অতখানি
শরীর নিয়ে। বলেন, এই যে, এলে বাবা অশোক ! এত দেরী...
একেবারে যে তেরো মিনিট বাবা...বেঁচে আছি কিনা দেখো

আগে। বলতে বলতে মুখখানা অদ্ভুত-রকম স্তান করবার চেষ্টা করেন তিনি।

ব্যাপার দেখে অশোক সকলের দিকে তাকিয়ে মুখ টিপে টিপে হাসে। রুণু বলে, আজ আর রক্ষে নেই তোমার।

ডলি বলে, তেরো মিনিট দেবি...মায়ের কি না হতে পারতো এই তেরো মিনিটে! এত জোর দিয়ে বলে ও কথাগুলো তাতে বেশ বোঝা যায় যে তেরো মিনিটে কিছুই হতে পারতো না আসলে।

হেমনলিনী বলেন, ঝাঞ্ঝা বাবা...শিগ্গীর ঝাঞ্ঝা পা ছুখানা, বেঁচে আছি এখনও—কিন্তু বাঁচবো কি না তাই বলো। চোখে তাঁর জল না থাকলেও এমন ক'রে বলেন কথাগুলো তাতে বোঝা যায় গলাটা তাঁর ভিজে এসেছে।

অশোক এগিয়ে যায় ওঁর দিকে। ধীরে ধীরে তাঁর পা দুটো পরীক্ষা করে। অর্থাৎ পরীক্ষা করার ভান করে মাত্র। তারপর এক নকল গান্ধীর্ষ টেনে এনে বলে, এ যে নতুন উপসর্গ দেখতে পাচ্ছি।

—সে কি বাবা! হেমনলিনী আর নাচেন না, একেবারে স্থির হয়ে যান।

ডলি ওধার থেকে বলে, তোমার এই তেরো মিনিট দেবির জন্তে আমরা সবাই তটস্থ।

অশোক ডলির কথার কোন জবাব দেয় না, ও জানে ওটা বলার কথা নয়, নেহাত কথা বলা মাত্র। হেমনলিনীর দিকে চেয়ে হাসতে হাসতে বলে, উপসর্গটা, বেশ দেখা যাচ্ছে...লক্ষণ ভাল নয়... আপনার এমন চমৎকার একটা অসুখ বড্ড তাড়াতাড়ি ভাল হয়ে যাচ্ছে...

—আহা, তাই বলো বাবা। মাথাটা ছুদিকে ছবার ছলিয়ে হেমনলিনী উৎফুল্ল হয়ে ওঠেন।—বাতের ব্যামো যে কী কঠিন!

—হুঁ, বেশ আছেন...খুব ভাল আছেন আপনি, এত ভাল থাকলে এ বাড়ীতে হয়ত আমার দৈনিক চাকরিটে থাকবে না...

অশোক কথাটা শেষ ক'রে ডলির দিকে তাকায়। ঐ তরফ

থেকে জবাবও আসে। অন্তরিকে চেয়ে ডলি বলে, ভয়ের কথা
সন্দেহ নেই।

অশোক কি যেন বলতে যাচ্ছিল কিন্তু রায়বাহাদুরের চটির
আওয়াজে থেমে যায়, বলা আর হয় না। সুতরাং আওয়াজের সঙ্গে
সঙ্গেই দরজার কাছে এসে হাজির হন তিনি।

ওঁকে দেখেই হেমলিনী বলে ওঠেন, ওগো শুনছো, অশোক
বলছে আমি নাকি বেশ ভাল আছি ?

—তুমি ভাল থাকলেই আমরা বাধিত ! টেনে টেনে বলতে
থাকেন রায়বাহাদুর। অশোকের দেবির জন্তে তুমি ত প্রায়
আমাদের রসাতলে পাঠাবার ব্যবস্থা করছিলে ! বাতের অসুখের কত
সুবিধে...কত সুবিধে...চোখে দেখা যায় না...।

হেমলিনী হঠাৎ আবার নেচে ওঠেন চেয়ারের মধ্যে। বলেন,
ওরে, ওমা রুণু, আমি আজ বেশ ভাল আছি...অশোক বলেছে...
তবে তুই বাকী নাচটুকু নেচে নে মা !

ওঁর কথায় এবার সকলেই উচ্চৈশ্বরেই হেসে ওঠে।

রজনীগন্ধার ডালে আবার দোল জেগেছে।

রুণু সেনের পায়ে ঘুমুরের ছন্দময় ধ্বনি !

ঠুং...ঠুং...ঠুং !

রিক্সার ঘণ্টা বাজছে একঘেয়ে তালে। বাস্তব এক নিস্তব্ধ গলি
দিয়ে রিক্সা ক'রে কিরছে রমানাথ। পুরো এক বোতল ধেনো মদ
গিলে টঙ্ হয়ে বাড়ী ফিরছে। উলঙ্গ বস্ত্র জীবনের উলঙ্গ অভিসার।
রমানাথ গান ধরেছে।—

‘এত রঙ্গ শিখেছ কোথা মুণ্ডমালিনী

(তোর) নৃত্য দেখে চিত্ত কাঁপে চমকে ধরণী !’

তেরো নম্বর বস্ত্রের রাস্তা ত নয় যেন রসাতলে যাবার রাস্তা।
বেশুরো বেতালা গান গাইতে গাইতে আর রিক্সাওয়ালার সঙ্গে
ইয়ারকি দিতে দিতে রমানাথ এগিয়ে চলে।

ওপাশে বিনোদিনীর ঘরে আড্ডা জমেছে। আলুখালু বেশে নাচ জুড়েছে বিনোদিনী। ধেনো মদের বোতল এদিক ওদিক গড়াচ্ছে কয়েকটা। উগ্র গন্ধটা বাইরে থেকে পর্যন্ত পাওয়া যায়।

কে যেন বলে, আয় পাগলি...আজ আর এক পা-ও এখান থেকে নড়ছি নে বাবা...

বিনোদিনী শুধু চোখ নয়, সমস্ত দেহটাকে অদ্ভুতভাবে বাঁকিয়ে বলে, ওমা, রাস্তিরে এখানে থাকলে লোকে বলবে কি? আমি বুঝি তোমার জন্তে মান খোয়াবো?

—পাগল আর কি! তুই যে আমার মানিনী, মান খোয়াবি কেন? আয়...আয় আজ দুজনে মথুরা থেকে বৃন্দাবন দেখে নেবো...আর দেরি করিস্ নে, বৃকের মধ্যে কেমন করে যে...

রিক্সা এগিয়ে চলে।

—এই রোখো রোখো...হঠাৎ চীৎকার ক'রে ওঠে রমানাথ। ব্যাটা, তুমি আমাকে অসৎ পথে নিয়ে যেতে চাও! জানিস, ঘরে আমার ধর্মপত্নী! এই যে...এইখানে।

রিক্সাভাড়া মিটিয়ে দিয়ে খানিকটা এগিয়ে এসে রমানাথ ডাকে —কোথায় বাবা? বলি কই গো...তারিণীচরণ?...

রমানাথের জড়িত কণ্ঠস্বর শুনে বেরিয়ে আসে তারিণী। ভাল ক'রে লক্ষ্য ক'রে দেখে রমানাথকে। এ তার রোজের অভ্যাস! রোজের দৃষ্টি!

গলার মধ্যে একটা কৃত্রিম কর্কশতা এনে বলে, পিণ্ডি গিলে আসা হয়েছে বুঝি?

—আরে ও কিছু না...পেট জ্বলছে...রান্না কতদূর? টলতে টলতে রমানাথ দরজার খুঁটিটা খপ ক'রে ধরে ফেলে। উৎকট একটা গন্ধ বেরোয় মুখ দিয়ে।

—রান্না? রান্না কোথেকে হবে শুনি? মুখ ঝামটা দিয়ে ওঠে তারিণী।

—শোন কথা! চাল আছে, ডাল আছে, উলুন আছে, তোমার

ওই হাতীর গতর আছে...রান্না হবে না কেন? গলার মধ্যে
ঝাঁজ দেখালেও রমানাথ ছোপ-পড়া দাঁত বের ক'রে হি হি ক'রে
হাসে।

—তুমি চোখের মাথা খাও। আমি কেন গতর খাটিয়ে রাঁধতে
যাবো বারো ভূতের জন্তে? তোমার বোন পারে না?

—হ্যাঁ, তা ত বটেই...নিশ্চয়। ডাকো অনুকে...একটু ধমকে
দিই...অনু...অনু...অনু কোথায়? অনাবশ্যক রকমের চীৎকার ক'রে
ওঠে রমানাথ।

—চুলোয়!

—চুলোয়! তুমি জানলে কেমন ক'রে? গিয়েছিলে সেখানে?

—আ মর! তারিণী মুখ বাঁকিয়ে হাসি আর বিরক্তির একটা
মিশ্রিত ইঙ্গিত দেয়।...দেখগে কোন ডাক্তারের হাত ধরে গেছে
হাসপাতালে।

—হাসপাতালে? কেন?

—ছেলেটার পায়ে লেগেছে মোটরের খোঁচা...ডাক্তারের সঙ্গে
কী গলাগলি তাই নিয়ে...আম ওদের বসিয়ে বসিয়ে খাওয়াবো।
সোমন্ত বয়েস হয়েছে...পেরাণে সখ আছে...গা-গতর খাটিয়ে পয়সা
আনে না কেন? ঘরভাড়া দেয় কে? ভাত কাপড় যোগায় কে?

—হুঁ, কথাটা দাঁড়াল...রান্নাবান্না হয়নি...

রমানাথ আর দাঁড়ায় না। চুলোয় যাক সব! এমন নেশাটা
ছুটিয়ে দেওয়া যায় না। পুরনো গানের কলিটা আবার ধরে গলা
ছেড়ে,—‘তোর নৃত্য দেখে চিন্তা কাঁপে চমকে ধরণী! তনয়ে তারো
তারিণী।’ গাইতে গাইতে এগিয়ে চলে রমানাথ গলি ধরে।

তারিণী, বলে আ মর! বলেই মুখ টিপে হাসে।

একটু এগিয়ে আসতেই মুঠুর সঙ্গে দেখা। রমানাথের নেশাটা
চন্ ক'রে ওঠে। মুঠু বলে, এসো কাপ্তেন...আজ আর তোকে ছাড়ছি
নে...আজ তুই মাইনে পেয়েছিস...পাঁচ সিকে পয়সা দে...

রমানাথ বলে, দোকান যে বন্ধ!

—দে না তুই...একেবারে স্বদেশী খদ্দর মার্কি এনে হাজির করবো! দোকান বন্ধ হলেও কি আর মাল কেনা আটকায় রে...! মুরুব্বির মত বলে ছুটু।

এগিয়ে যায় ছুজনে।

॥ ২ ॥

ভূতনাথ চৌঁচিয়ে চলেছে বস্তির ঘরের জানালায় বসে বসে। ছেলেমেয়েদের যাকে দেখছে ডাকছে পড়বার জন্তে। চিরকাল পণ্ডিত ক'রে এসেছে গ্রামের পাঠশালায়। আর আজ এই জঘন্য বস্তির মধ্যে বসে বসে প্রাণ হাঁপিয়ে ওঠে। পড়াতেই হবে, লেখাপড়া শেখাতেই হবে এই ছেলেমেয়েগুলোকে। ভূতনাথ চৌঁচায়, ওরে এই...এই ছেলেটা...আয় হতভাগা...পড়া করবি আয়...

ছেলেরা বক দেখিয়ে পালায়।

—আবাগের বেটা, আমায় ঠাট্টা! রাগে ঠক্ ঠক্ ক'রে কাঁপতে থাকে ভূতনাথ—ভূতো পণ্ডিত! আপন মনে চৌঁচিয়ে চলে, আমি পুরনো পণ্ডিত...চিরকাল গাঁয়ের পাঠশালায় পণ্ডিত ক'রে এলাম... আর আমায় কি না ঠাট্টা, এঁয়া!

ছেলেরা কখন পালায়। কথার ফাঁকে একটি মেয়ে এসে পড়ে। ওকে দেখে লাফিয়ে ওঠে ভূতনাথ, ওরে এই ছুড়ি—

—কেন? মেয়েটি চোখ কুঁচকে তাকায় ভূতনাথের দিকে।

—আয় শিগ্গীর...পড়া করবি আয়।

—ইং, তোমার ভারি বিড়ো...বিড়োর বেম্পতি...

মেয়েটি আর দাঁড়ায় না। এগিয়ে চলে যায় নিজের কাজে।

—মরবি তোরা...চিরকাল ছুঃখু পেয়ে মরবি।...একবার যদি ভাল হয়ে বসতে পারি...কান ধরে সবাইকে লেখাপড়া শিখিয়ে ছাড়বো। আমাকে ঠাট্টা...তোর বাপকে...তোর চোদ্দ পুরুষকে শেখাতে পারি...তা জানিস্?...

ধক্ ধক্ ক'রে কাশতে আর ঠক্ ঠক্ ক'রে কাঁপতে থাকে ভূতনাথ।

অনেক দিনের পুরানো বট। ঘুণ ধরে ভেতরটা কাঁপা হয়ে গেছে একেবারে। অল্প বাতাসে নড়বড় করে।

অনু এসে ঢোকে ঘরের মধ্যে। হাতে তার একটা হাতল-ভাঙা চটাওঠা কাপ। কাপের মধ্যে ওষুধ! হাজার হলেও কাপে ক'রে ওষুধ খাওয়াটাই রীতি। তা সে রাজপ্রাসাদেই হোক আর বস্তির মধ্যেই হোক। কাজেই এই কাপটা কোথা থেকে যেন ভূতনাথ সংগ্রহ ক'রে রেখেছে। নিয়মমত অনু ওটা হাতে ক'রে ঘরে ঢোকে। খেলে পরে কাশিটা একটু কমে।

ভাঙা কাপ ত নয়, জীবনের পাত্রভরা প্রাণরস! ভূতনাথ চাঙ্গা হয়ে বসে।

ভূতনাথের টেঁচামেচি অনুর কানে গিয়েছিল বাইরে থেকেই। ঘরে ঢুকতে ঢুকতেই ও বলে, আঃ, কি হচ্ছে বাবা! গলা কাটিয়ে পাড়া মাথায় তুলছো! এই নাও ধর...ওষুধটা খেয়ে নাও!

ওষুধটা ঢক্ ক'রে খেয়ে ফেলে ভূতনাথ বলে, ওরা আমার কাছে পড়তে চায় না কেন?

—তোমাকে দেখলে ওদের পড়া মাথায় ওঠে। আর তুমি ওদের ডেকো না বাবা!

—আচ্ছা আমি না হয় আর ওদের ডাকবো না...কিন্তু তুই...তুই ঘরের ভাত খেয়ে বনের মোষ তাড়াস কেন?

অনু একটু যেন অবাক হয়। বলে, আমি আবার কি করলুম!

—কি করলুম! দাঁত খিঁচিয়ে বলে ভূতনাথ।...শ্রাকা! এই যে ছোটো ঘর ভাড়া নিয়ে বসলি...বাড়তি ঘর...এত খরচ যোগায় কে?

—ওছোটো ঘরে মেয়েরা চরকা কাটে, পুতুল গড়ে...ছেলেমেয়েরা লেখাপড়া করে। বলতে বলতে অনুর দৃষ্টি যেন অগ্নি কোন রাজ্যে চলে যায়!

—তোর গুপ্তির পিণ্ডি চটকায়। এক ধমক কাশির সঙ্গে খুঁতু ছিটিয়ে বলে ভূতনাথ। বলে মানে বলবার বিকৃত চেষ্টা করে মাত্র!

—হেলে ধরতে পারে না আবার কেউটে!...খরদার, তোকে মানা করছি, বাজে কাজ করবি নে...দিন রাত আমার সেবা করবি—

—এখানে মেয়েদের কত কষ্ট জানো? নিজেরা না করলে তাদের চলবে কি ক'রে?

—এঃ, নারী স্বাধীনতা! তোর চলছে কেমন ক'রে?

—থাকগে ও সব কথা...তোমার সঙ্গে তর্ক করতে আমার ইচ্ছে নেই—এখনই একবার আমাকে হাসপাতালে যেতে হবে—

কথা শেষ ক'রেই অনু পেছন ফেরে, অপেক্ষা করে না একটুও। পেছনে তারিণী কখন এসে দাঁড়িয়েছিল। অনু পেছন ফিরতেই চোখো-চোখি হয়ে গেল। অনু হয়ত পাশ কাটিয়েই যেত কিন্তু ওকে নড়বার সুযোগ না দিয়েই তারিণী বলতে শুরু করলে, হাসপাতালে ঘন ঘন না গেলে চলবে কেন বলো! সকাল বিকেল হাসপাতাল! লোকেরা কি আর সাধে বলে...অমনি বলে না! বলে, মরবে নারী উড়বে ছাই তবেই নারীর গুণ গাই!...তা যাবি যা, সেজেগুজে যা, চাই কি কপালটাই ফিরে যেতে পারে!

অনু এর জবাবে কড়া গলায় অনেক কিছুই বলতে পারতো। কিন্তু কিছুই বলে না। মাটির দিকে চেয়ে এগিয়ে যেতে যেতে খুব নীচু গলায় বলে, বৌদি তোমার দোষ নেই...এমনি শিক্ষার মধ্যে তুমি মানুষ...

কথাটা নীচু স্বরে বললেও তারিণীর কানে খুব জোরালো হয়েই বাজে, কারণ চড়া কথা শোনবার জন্তে আগ্রহ ছিল ওর। তাই তারিণী একেবারে ঝাঁজিয়ে ওঠে, যা যা...যেখানে যাচ্ছিস যা...ওরে আমার শিক্ষিতা রে...

অনু তবু কিছু বলে না, এগিয়ে যায়। কিন্তু কিছু শুনতে না পেলে প্রাণ ছটফট করে তারিণীর। অগত্যা এক তরফাই বলে চলে ও,—ডাক্তার...ডাক্তার...ডাক্তার...বলি আনাগোনা ত করলি অনেক-বার, সুবিধে কিছু হল?...

এই ইঙ্গিত অসহ্য। অনু ফিরে দাঁড়ায়। বড় বর্ণার মুখে এতটুকু একটা পাথরের চাঁই! জ্বলে ঘূর্ণি ওঠে।

অনু বলে, আমার মাথা হেঁট হলে তোমার কিছু সুবিধে হয় বৌদি?

—মাথা উঁচু আর রইল কোথায় তোর? ডুবে ডুবে জল খেতে সবাই পারে। কই, সকলের সামনে দাঁড়িয়ে দিব্যি ক'রে বল দিকি?

অনু সাড়া দেয় না এ কথার। দৃষ্টিহীন দৃষ্টি নিয়ে তাকিয়ে থাকে তারিণীর মুখের দিকে।

তারিণী বলে চলে, তার চেয়ে স্বীকার পেলেই হয়...বড় লোকের সুনজরে কেউ পড়ে, কেউ পড়ে না...! কার যদি ভাল হয় আমার ত কই হিংসে হয় না! বেশ ত ভায়ের ভাত কাপড়ে রয়েছিস, ডাক্তারের তপিল থেকে ছুঁপাঁচ টাকা সাহায্য ত করতে পারিস? আমরা কি আর তোর পর!

ওদের কথা শুনতে আর ছুটি স্ত্রীলোক কোথা থেকে এসে দাঁড়িয়ে গিয়েছিল। তাদের মধ্যে একজন বলে, এ ত ঠিক কথাই ভাই! তোর ত পড়ে পাওয়া চোদ্দ আনা...

সমর্থন পেয়ে তারিণী একেবারে বিগলিত হয়ে ওঠে। হাত ঘুরিয়ে বলে, বল ত দিদি, আমি বললেই যত দোষ!

অপর স্ত্রীলোকটি বলে, তাইতো বলি হাতের লক্ষ্মী পায়ে ঠেলতে নেই। ওরা বেনোজল এক জায়গায় দাঁড়াবে না...তুই তোর খাল বিল ভরে নে না কেন?

অসহ্য! অনুর মাথার মধ্যে রক্ত চনচন করে। বলে, মেয়েদের সম্মান মেয়েরাই খোয়ায়...কিন্তু সব মেয়ে সমান নয়।

কথাটা শেষ ক'রে আর এক মুহূর্তও দাঁড়ায় না ওখানে। বেরিয়ে চলে যায়।

ছোট হলেও পাথর! জ্বলের ঘূর্ণিবেগে দাঁড়ানো যায় না। কথা যোগায় না আর ওদের তিনজনের মুখে।

হাসপাতালে এসে অনু দেখলো মিষ্টুর-সমস্ত ব্যাণ্ডেজ খোলা।

একরাশ খেলনা নিয়ে বিছানার ওপর বসে বসে মিটু নাসের সঙ্গে গল্প করছে।

অনুকে দেখেই মিটু চঞ্চল হয়ে উঠল। বললে, দিদি দিদি....
এই দেখো কি সুন্দর খেলনা...

অনু একটু বিস্মিত হয়ে যায়। বিস্মিত হবারই কথা। বস্তির ছেলে মিটু। যে কোনদিন একটার বেশী ছোটো জামা গায়ে দেয় নি একসঙ্গে, জীবনে এরকম চকচকে নতুন দামী খেলনা দেখেছে কি না সন্দেহ, সেই মিটুর কোলে এতগুলো খেলনা!...সচকিত আগ্রহে প্রশ্ন করে অনু, কোথায় পেলি এসব?

মিটু বলে—ডাক্তার সাহেব—বলতে গিয়েই থেমে যায় দরজার দিকে চেয়ে। অনু ঘাড়টা কাৎ করে দরজার দিকে চেয়ে দেখল অশোক ঢুকছে।

অনুকে দেখে অশোক তাড়াতাড়ি মিটুর বিছানার দিকে এগিয়ে এল। মুখখানা তার হাসিতে জলজ্বল করছে। অশোক বললে, আর কি, মিটু ভাল হয়ে গেছে...আজকেই ছাড়া পাবে...তোমরা নিয়ে যেয়ো।

অনুর মুখে হাসি নেই কিন্তু। অশোকের চোখের ওপর তার দৃঢ় দৃষ্টি তুলে বলে, নিয়ে যাবো, কিন্তু খেলনাগুলো আপনি ফিরিয়ে নিন্...

—তার মানে? ভুরু দুটো কুঁচকে অশোক প্রশ্ন করে। প্রশ্ন করে অর্থাৎ প্রশ্ন দিয়ে এড়িয়ে যেতে চায় অনুর দৃষ্টিকে।

—আপনার এই বাজে খরচে হয়ত অনেকের প্রাণরক্ষা হত। মিটু যেখানে থাকে সেখানে কেউ না খেয়ে মরে, কেউ রোগে ভুগে মরে—

—ও, তোমার বাবার কথা? তাঁর খরচ আমি দেবো।

অশোকের স্বর গম্ভীর হলোও, সেখানে যথেষ্ট অস্বস্তি আছে।

—হয়ত আপনি দেবেন। শান্ত দৃষ্টিতে আর শান্ত স্বরে বলতে থাকে অনু,...আপনার এই ছিটেকোঁটা দয়া আপনার বিলাস।

—তোমার কথা ঠিক বুঝতে পারছি না।

—গরীবের কথা আপনারা কোনদিন বুঝতে চান না। এতটুকুও দ্বিধা বোধ করে না অল্প, ক্রমাগতই বলে চলে,—আপনারা খেয়াল খুশিতে তাদের ছটাকা পাঁচ টাকা দেন আর তারা আপনাদের বাহবা দিয়ে বলে আপনারা কত মহৎ, কত দয়ালু!

—দেখছি তুমি অনেক কথাই জানো। কিন্তু নিজেদের অবস্থার প্রতিকার করতে নিজেরা জানো না।

—জানি, মানুষকে খাওয়াতে পরাতে জানি, বাঁচাতে জানি, মানুষের মত ক'রে বাঁচবার শিক্ষাও দিতে জানি কিন্তু অধিকার যাদের হাতে...তারা বড়লোক, তারা ক্ষমতাবান...তাদের হাত থেকে শুধু সেই ক্ষমতা কেড়ে নিতে জানি নে।

নিজে যেন লুপ্ত হয়ে যাচ্ছে অশোক। অল্প যদি কথাগুলো উত্তেজিত হয়ে বলতো তাহলে উত্তেজনার মুখে কিছু একটা বলা যেতো চড়া গলায়। কিন্তু আশ্চর্য, এমন শান্তভাবে এত চড়া পর্দার কথাগুলো বলে ঐ মেয়েটা যে জবাব খুঁজে পাওয়া যায় না। এক মিনিট সময় নেয় অশোক। তারপর বলে, তাহলে শোনো, আমিও বলি! এও তোমার ভুল...আজ সব দেশে ক্ষমতাবানদের হাত থেকে গরীবরাই ক্ষমতা কেড়ে নিচ্ছে...আমরা যদি নিতে না পারি... সে দোষ আমাদেরই।

—হ্যাঁ, আমাদের অনেক দোষ...! যাই হোক, মিণ্টুর জন্তে আপনি অনেক করলেন...আমি সে কথা মনে রাখবো।

শুধু কথা নয় ওর স্বর শুনেও বোঝা যায় যে কথাটা ও শেষ ক'রে দিতে চায়।

অশোক বললে, আমি যেটুকু করেছি সে আমার কর্তব্য। তার বেশী কিছু নয়!

কথা শেষ ক'রে অশোক এগিয়ে চলে যায়। অল্প ওর চলে যাওয়ার দিকে প্রশংসমান কৃতজ্ঞতায় তাকিয়ে থাকে।

জলপরীদের জলনৃত্য চলেছে। শুভ্র, নরম, নগ্ন দেহ জলের সঙ্গে যেন গলে এক হয়ে যাচ্ছে। ফেনা উঠছে জলে। বিন্দু বিন্দু জল চকচক করছে চুলের গোড়ায়।...নৃত্যের ঢেউয়ে যেন জলতরঙ্গের সঙ্গীত!

স্বপ্ন দেখছে ডলি জলপরীদের! স্বপ্ন নয় জাগ্রত কল্পনার নীল মাহ! মোজাইক করা বাথরুমে বাথটবের মধ্যে ডুব দিয়ে আছে ঢলি চৌধুরীর নগ্ন দেহখানা। টবের এক কোণের কল থেকে সত্ত্ব ধরা জলে ফেনা উঠছে। আর ঐ ফেনার মত হালকা লাগছে নিজেকে ডলির। দেহটা যেন আর নিজের আয়ত্তের মধ্যে নেই। নগ্ন স্বচ্ছ জলের আলিঙ্গনে তার নগ্ন কোমল দেহটা আলগোছে ডুব দিয়ে আছে। ভাবতে ভাবতে কেমন শিরশির ক'রে ওঠে দেহটা। জলের ছোট ছোট ঢেউয়ের সঙ্গে তার বুকের মধ্যেও যেন ঢেউ ওঠে, ঢেউ দোলে দেহে মনে। নার্সিসাসের মত আপনার দেহ সৌন্দর্যে বিভোর হয়ে যায় ডলি। গুন গুন ক'রে গান গেয়ে ওঠে। জলতরঙ্গ বাজছে যেন! নিজের নগ্ন শুভ্র দেহ আর বাথটবের নগ্ন স্বচ্ছ জলের মধ্যে আর কোনও আবিলতা নেই।...কেবল স্নানের আগে যে হেজলিনটুকু গায়ে মেখে এসেছিল ও সে হেজলিনটুকু গলে গলে পড়ে জলের মধ্যে। আর সূক্ষ্ম সূক্ষ্ম লাল-নীল জাল বোনে। জালগুলো পাক খায়। স্নানের আগে হেজলিন মাখা তার অভ্যাস হয়ে গেছে। রুণু সেনের কাছে কথাটা প্রথম জেনেছিল ও, হেজলিন মেখে স্নান করলে স্নানের পর দেহটা সাদা হয়ে বলসায় আলো-পড়া জমাট বরফের মত! খানিক পরে আবার সুগন্ধ সাবানের ফেনার জলটা ঘুলিয়ে ওঠে। দেহটা অদৃশ্য হয়ে যায়। জলের আকাশে দেহটা নিয়ে মেঘ ও রৌদ্রের খেলা চলে যেন।

স্নান শেষ ক'রে উঠে আসে ডলি জলের আলিঙ্গন থেকে। গাটা

ঝপ্, ঝপ্, ক'রে মুছে নেয় নরম তোয়ালে দিয়ে। তারপর তোয়ালেটা আলগোছে দেহলতার ওপর জড়িয়ে নিয়ে বড় আয়নার সামনে এসে দাঁড়ায়। কী সুন্দর যে দেখাচ্ছে ওকে, এই অসম্ভূত অর্ধাবৃত দেহে! দেহটা যেন খালি হয়ে হালকা হয়ে গেছে। জলের সঙ্গে মিশে মিশে অনেক কিছু যেন হারিয়ে এল সে। এমনি মনে হয় ওর। আর কণ্ঠ থেকে সুর-ঝঙ্কার উঠতে থাকে খুশীর হাওয়ায় গা ভাসিয়ে।

বাইরে দরজার কাছ থেকে ঝি এসে জানিয়ে যায় যে নিখিল আর রুণু এসে অপেক্ষা করছে।

তাড়াতাড়ি সাজ-পোষাক সেরে ডলি বেরিয়ে এসে দাঁড়ায় ড্রয়িংরুমে। ওকে দেখেই নিখিল একেবারে যেন লাফিয়ে ওঠে। বলে, এখনি পৌনে ছ'টা এরপর মেট্রোর টিকিট পাবো না ডলি।

—আপনি যে ঝড়ের আগে দৌড়ন। ডলি তার উজ্জ্বল দেহখানা ঈষৎ ছুলিয়ে জবাব দেয়।

ডলিকে চোখ ভরে দেখতে দেখতে বলে নিখিল, উপায় নেই! কি জানো, কথা দিয়ে কথা না রাখা আমার আসে না।...আমি কাঁটায় কাঁটায় এপয়েন্টমেন্ট রাখি।

রুণু বলে, কই, অশোকবাবু এলেন না যে?

ডলি তাড়াতাড়ি জবাব দেয়। বলে, অশোক সিনেমায় যেতে পারবে না...। ওর সময় নেই...কাজের লোক...। এইমাত্র আমি কোন করেছিলাম। শোভাদি সেই কথাই বললেন।

নিখিল বরাবরই খোঁচা মারতে পারলে সুযোগ ছাড়ে না। তাই এই সুযোগে ডলির দিকে একটু বাঁকাভাবে তাকিয়ে বললে, ষ্ট্র্যাঞ্জ! কোন একটা আনন্দের ব্যাপারে অশোক কোনদিন সাড়া দেয় না।

—আমারও তাই মনে হয়। ডলিকে শুনিয়ে রুণু কথাটা বলে নিখিলের দিকে চেয়ে। এবং সঙ্গে সঙ্গে ব্যাপারটা একটু সহজ ক'রে দেবার চেষ্টা করে। বলে, অব কোর্স আই ডোন্ট মিন এনিথিং।

তবু ডলি উত্তেজিত হয়ে ওঠে। একটু শুকনো গলাতেই বা নিখিল বাবু—আপনার একথা সত্যি নয়।

নিখিল একটু অপ্রস্তুত হয়ে যায়। একটু সময় নিয়ে
তা নয় আমি ঠিক তা বলি নি... তবে কি জানো, এপয়েন্টমেন্ট
এপয়েন্টমেন্ট! কথার দামই সবচেয়ে বেশী। ঠিক যা বলেছিপারে
নাও। অর্থাৎ ভদ্রলোকদের বিচার করি তাদের মুখের কথার উপর
মানে, কথা দিয়ে কথা না রাখা... যখন তখন বাজে কথা বলা... আর
বাজে কথার মানেই ত মিছে কথা ডলি।

—সে কথা ঠিকই বলেছেন বটে।

—তা হলই দেখো। নিখিল উৎসাহিত হয়ে ওঠে। হেসে নেয়
খানিকটা হো হো করা অবান্তরভাবে। ইচ্ছেটা তার হালকা হাসি
দিয়ে ব্যাপারটা হালকা ক'রে নেয়।

এদিকে কান্নার রোল উঠতে লেগেছে বস্তিতে, ভূতনাথের ঘরে।
হঠাৎ ভূতনাথের অবস্থা খারাপ হয়ে গেছে ভীষণ। মরতে বসেছে
প্রায়! তারিণী, অনুর, মিষ্টু এবং আরও অনেকে এসে জড় হয়েছেন
ঘরের মধ্যে। 5752 ৯. 17. 11. 71

তারিণী বলে, ওরে এই ছোড়া।

মিষ্টু সাড়া দেয় তাড়াতাড়ি, কি মামী?

—এঃ, মামী। কলির কেঁট এলেন মামী বলে ডাকতে। প্রয়োজনের
সময়েও তারিণী মুখ বামটা না দিয়ে কথা বলে না। হঠাৎ আবার
বলে, হাঁ ক'রে দাঁড়িয়ে দেখছি কি? বলে পর লাগে না পরে
তৈতুল লাগে না জ্বরে...

মিষ্টু ঠিক বুঝতে পারে না ব্যাপারটা। ফ্যাল ফ্যাল ক'রে
তাকিয়ে থাকে শুধু।

তারিণী হাত নেড়ে বলে, যা না তোদের সেই ডাক্তারের কাছে...
পারিস্নে যেতে? এত ভালোবাসা... ডেকে নিয়ে আর না কেন
একবার... বুড়ো যে মরতে বসল... চোখের মাথা খেয়ে দেখতে
পাস্নে?...

জন্মে মিষ্টু অনুর দিকে তাকায়। অনুরমতি পাবার জন্তে... বলে,
শাবো দিদি?

ঝপ্, ঝপ্, ক'মন তাকিয়ে ছিল ভূতনাথের মাথার দিকে আর মাথা
আলগোতেমনি অবস্থায়ই বলে, ডাক্তার এলে টাকা দিতে পারবো
দাঁড়ান্টু !...

হে তারিণী খোঁটা দিতে ছাড়ে না। বিকৃত স্বরে বলে, এর পরেও
বুঝি তোর ডাক্তার টাকা চাইবে ? এত মাখামাখি...এত দেখাদেখি...
ভেতরে ভেতরে কত জিলিপির প্যাঁচ দেখলুম...

মিণ্টু ব্যস্ত হয়ে ওঠে। বাঁকা কথার অর্থ সব না বুঝলেও অম্মুর
চোখের জলটা মিণ্টু বোঝে। বলে, আমি যাই দিদি।

এক দৌড়ে বেরিয়ে আসে মিণ্টু রাস্তায়।

অশোকের চেয়ারে পৌঁছতে বেশী দেরি হয় না মিণ্টুর। এসে
দেখে ভিড় ! অশোক ভীষণ ব্যস্ত হয়ে একের পর এক রোগী পরীক্ষা
ক'রে যাচ্ছে আর ওষুধ লিখে যাচ্ছে। মিণ্টু শুনেছে এক ভদ্রলোকের
সঙ্গে কথা হচ্ছে অশোকের।

ভদ্রলোক বলছেন, ডাক্তারবাবু এই ওষুধটা পাওয়া যাচ্ছে না।

অশোক একটু যেন বিরক্ত হয়। বলে, কেন ? এটা ত
বাজারে আছে !

—আছে, তবে আমাদের দেবে না। বলে পঁচিশ টাকা দাম।

—পঁচিশ টাকা ! অশোক বিস্মিত দৃষ্টিতে তাকায়। চার টাকার
বেশী কিছুতেই হতে পারে না। বার বার দেখতে দেখতে কন্ট্রোলড
রেট সব মুখস্থ হয়ে গেছে ওর।

ভদ্রলোক একই ভাবে বলে চলেন, দোকানে গিয়ে দাঁড়ালুম,
প্রথমে বললে নেই ! বললুম কোথায় পাওয়া যাবে বলতে পারেন,
বললে অগ্ন জায়গা থেকে আনিয়ে দিতে পারি তবে দাম বেশী
পড়বে। পঁচিশ টাকার কম নয় ! জিজ্ঞেস করলুম রসিদ দেবেন ত ?
পাশের লোকটি বোধ হয় মনে করল আমার কোন মতলব আছে,
তক্ষুনি বললে না স্তর, এ ওষুধ পাওয়া যাবে না—বিলেত থেকে
এখনও মাল এসে পৌঁছায় নি।

অশোক চুপ ক'রে থাকে, সাড়া দেয় না কোনরকম। এরকম কথা

গুনে গুনে অভ্যস্ত হয়ে গেছে সে আজকাল। প্রথম প্রথম রাগ করতো এখন করে না। এ ধরনের কারবার যারা বন্ধ করতে পারে তারাই আছে এর মূলে। এ সত্যটা আবিষ্কারের পর থেকে এর প্রতিকার সম্বন্ধে সব আশা ছেড়ে দিয়ে অশোক নীলকণ্ঠ হয়ে বসে আছে।

ভদ্রলোক হয়ত আরও কিছু বলতেন এবং শেষ পর্যন্ত কিছু বলতেন অশোককে দিয়ে। কিন্তু হঠাৎ সবাইকে ঠেলেঠেলে মিটু এসে দাঁড়ায় অশোকের সামনে। হাঁপাতে হাঁপাতে বলে, ডাক্তার সাহেব আমি এলুম।

মিটুর কণ্ঠ থেকে খুব খানিকটা আত্মীয়তা আর খুব খানিকটা নির্ভরতা যেন ঝরে ঝরে পড়ছে। এই ছেঁড়া-ময়লা জামা-পরা ছোট-লোকের ছেলোটার হাবভাব দেখে আর সকলে একটু যেন হকচকিয়ে যায়। অবাক হয়ে একবার মিটুর আর একবার অশোকের মুখের দিকে চেয়ে চেয়ে দেখে।

অশোক কাজ করছিল। বলে, বাধিত হয়েচি...কি চাই বল...

মিটু ঘটা ক'রে ডাক্তার সাহেবকে নমস্কার জানায়। অশোক লক্ষ্য করেছিল সেটা। একটুখানি হেসে বলে, হঠাৎ ভাব্যতা শিখলি কোথেকে রে?

—দিদি বলে দিয়েছে। ডাক্তার সাহেব একবার এফুনি চলুন জ্যেঠামশায়ের—

—চুপ চুপ। এখানে চেষ্টাতে নেই। আমি কোথাও যেতে পারবো না। এখন সময় নাই রে।...

—কিন্তু জ্যেঠামশায়ের খুব অসুখ যে।

—বেশ ত, অগ্র ডাক্তার আছে ডেকে নিয়ে যা।

অগ্র একজন ভদ্রলোক তাড়াতাড়ি উপদেষ্টার মত বলে ওঠেন, উনি অনেক বড় ডাক্তার—যেখানে সেখানে উনি যান না...তা ছাড়া ওঁর অনেক টাকা ফী...তোরা দিতে পারবি নে।

মিটু যেন গুটিয়ে যায় দেহে মনে। আমতা আমতা ক'রে বলে

জড়িত স্বরে, আপনি যাবেন না ? বড় ডাক্তাররা বুঝি গরীবের ঘরে
যায় না ?

কী স্পর্ধা ! ধানি লঙ্কার ঝাল ত ! সকলে পরস্পর মুখ চাওয়া
চাওয়া করতে থাকে । ছোটলোকের এত বাড় হয়েছে আজকাল ।
অশোককে কি বলে একটু তুষ্ট করতে পারবে তাই ভাবতে থাকে
আসলে । কিন্তু বিশ্বয়ের ধাক্কায় কিছুই যোগায় না !

অশোক অম্লান মুখে বলে, এসব কথা তোকে শিখিয়ে দিয়েছে না
মিষ্টু ?

মিষ্টু অশোকের সহজ কথায় ভরসা পায় । এইরকম সহজ
স্বরে অশোক অনেক কথা বলেছে মিষ্টুর সঙ্গে হাসপাতালে,
তাদের বস্তুতে ।...মিষ্টু বলে, আপনি চলুন এক্ষুনি আপনাকে
যেতেই হবে ।

অশোক বলে, তোর জ্যাঠা বাঁচবে না রে...আমি গিয়ে আর কি
করবো বলত ?

মিষ্টু বলে, বা রে, বেশ ডাক্তার আপনি ত...রুগী না দেখেই
অমনি বলে দিলেন বাঁচবে না ?

—আঃ, ভালো বিপদে ফেললি তুই, মিষ্টু...আবার তোদের সেই
বস্তির হট্টগোল...যাক্, দাঁড়া একটু ।...

অশোক তাড়াতাড়ি ক'রে কয়েকটা কাজ সেরে নেয় । তারপর
সকলের বিম্বিত দৃষ্টির অরণ্যের মধ্য দিয়ে বেরিয়ে এসে গাড়ীতে গিয়ে
চাপে । মিষ্টুও গাড়ীর মধ্যে একপাশে গিয়ে বসে । স্টার্ট দেয়
অশোক গাড়ীতে । পথের মধ্যে অশোক মিষ্টুর সঙ্গে আলাপ করতে
থাকে । এতদিন সে দেখছে মিষ্টুকে, তার পরিচয় পাবার কৌতূহল
হওয়া তার স্বাভাবিক । তাছাড়া সে একথাও শুনেছে যে মিষ্টু নাকি
অনুর আপন ভাই নয় ।

অশোক বলে, তোর মা বাপ কোথা রে মিষ্টু । প্রশ্নটা ক'রে
একটু যেন অপ্রস্তুত বোধ করে অশোক । ছোট ছেলে হয়ত কি মনে
ক'রে বসবে ।

মিণ্টু কিন্তু বিচলিত হয় না। সহজভাবেই বলে, বাপ নেই মা আছে।

—মা কোথায় ?

—সেই যে ছুঁড়িফ হয়েছিল...মা আমাকে ওই বস্ত্রির ধাপে ঘুম পাড়িয়ে কোথায় চলে গেছে।

—তোর দিদি ?

—ওরা আমার কেউ না। দিদি শুধু আমাকে লুকিয়ে ভাত দিত। দিদির জন্তেই ত থাকি—নইলে এদিন পালিয়ে যেতুম।

অশোক দেখে মিণ্টুর চোখ দুটো জলে ভরে আসছে। অশোক আর কিছু বলে না।

খানিক পরে মিণ্টু ডাকে, ডাক্তারবাবু ?

—কেন রে ? বল না কি বলবি ?

মিণ্টু চুপ ক'রে থাকে। কি যেন বলতে চায় পারে না। চোখে তার তখনও জল। সজল মেঘ থম থম করে আকাশে। ঝরে না।

মিণ্টু আবার ডাকে, ডাক্তারবাবু !

—বল না। ভয় পাচ্ছিস কেন ? কিছু চাস ?

—না।

—তবে ?

মিণ্টু তার ছেঁড়া জামাটার পকেটের মধ্যে হাত ঢোকায়। তারপর সেখান থেকে বের ক'রে নিয়ে আসে ঝকঝকে একটা কি !

অশোক অবাক হয়ে দেখে তার সেই ফাউনটেন পেনটা।

মিণ্টু মাথাটা নীচু ক'রে বলে, এটা আমিই নিয়েছিলুম আপনার পকেট থেকে...আমি আর এমন কাজ করবো ডাক্তারবাবু !...

সোনার ক্লিপ, আঁটা ফাউনটেন পেনটা থেকে আলো ঠিকরে পড়ে। আলো ত নয় যেন খোঁচা দিচ্ছে চোখে বিদ্যুতের মত !

বিদ্যুতের চাবুক পড়ে মেঘের গায়ে। মেঘ ঝরে জল হয়ে।

মিণ্টু কাঁদছে।

রীতিমত একটা বড় বিন্ময় অশোকের জীবনে।

টিল পড়লে ঢেউ ওঠে পুকুরের জলে আবার বাঁটির কোঁটাতেও
ঢেউ ওঠে !

অশোক বলে, চুপ কর মিণ্টু কাঁদিস নে। এ দোষ তোরা নয়
মিণ্টু...তোদের যাঁরা নীচে নামিয়ে রেখেছে এ দোষ তাদের...

অশোক বাঁ-হাত দিয়ে মিণ্টুর পিঠটা চাপড়ে দেয়।

মিণ্টু কাঁদছে তখনও। একবার বর্ষা শুরু হলে মেঘের পর মেঘ
কোথা থেকে যে এসে জোটে তার ঠিক নেই। মিণ্টু তাই কাঁদে,
কলমটা নেবার দিন যত হেসেছিল তার থেকেও বেশীক্ষণ ধরে
কাঁদে ও।...

বুদ্ধ ভূতনাথ শেষবারের মত নিশ্বাস টানছে। হাঁ ক'রে হাঁপাচ্ছে
সে। শুধু নাক দিয়েও নয় মুখ দিয়েও যতটা পারে হাওয়া টানবার
চেষ্টা করে ও। বিষাক্ত হলেও হাওয়া ত বটে।

ঘরের মধ্যে অনু আছে, তারিণী আছে, আর জনকয়েক স্ত্রীলোকও
এসে জুটেছে। একধারে বসে বসে বিড়ি টানছে রমানাথ, নিতান্ত
বুড়ো বাপের দিকে চেয়ে বসে থাকবার ধৈর্য তার নেই। তাই আপন
মনে ধোঁয়া ছাড়ছে আর তার দিকে বোকার মত দৃষ্টি মেলে দেখছে।

একজন স্ত্রীলোক তারিণীকে বলে, ক্রমশঃই ত খারাপ হয়ে আসছে
দেখছি।

তারিণী তাড়াতাড়ি জবাব দেয়। বলে, আমরা ত অনেক করলুম...
তুমিই বলো দিদি...পাকা কল খসে পড়বে...তার জন্তে কেঁদে কেটে
লাভ কি? তুমিই বলো ভাই!

—সে ত বটেই দিদি। মাথাটা ঈষৎ কাৎ ক'রে জবাব দেয়
স্ত্রীলোকটি।...তবু কুকুরটা বেড়ালটা...তার জন্তেও লোকে হা
হুতোশ করে বই কি?

সকলে চুপ ক'রে থাকে, কোন কথা কয় না। বুড়ো হয়েছে
ভূতনাথ। শুধু গিলতে পারে আর খ্যাক খ্যাক ক'রে কাশে। মরলেই
বা কি আর বাঁচলেই বা কি! তবু নিতান্ত কুকুর বেড়ালের সঙ্গে
তার তুলনা করাটা—

কিন্তু তবু অম্বু কিছু বলে না। চুপ ক'রে বসে থাকে মাথার কাছে। আর রমানাথের বিড়ির আগুনটার দিকে আলগোছে তাকায়।

মাঝে মাঝে ভূতনাথ ভুল বকে। কিছুক্ষণ পরে পরে প্রলাপ বকুনী চলে। রোগের বিকারের মধ্যেও ভূতনাথের পাঠশালার স্মৃতি জাগ্রত হয়ে উঠেছে। মুখে মুখে ভূতনাথ ছেলে পড়িয়ে চলেছে।... আয় আয় পড়া করবি আয়...পালাচ্ছিস যে? কিছু হবে না তোদের, চিরকাল দুঃখ পাবি।...আরে পাঠশালা পালিয়ে পেয়ারা বাগানে চুকেছে হতভাগা!...জানিস্ আমি এ গাঁয়ের হেডপণ্ডিত...জানিস্ আমি সর্বস্ব বেচে এই পাঠশালা করেছি...তোরা মানুষ হবি...লেখা-পড়া শিখবি...হতভাগা...বদমায়েস...

অম্বু ধামাতে চেষ্টা করে ভূতনাথকে। বলে,—একটু চুপ করো... আমি আর পারি নে...

এরই মধ্যে অশোককে সঙ্গে ক'রে মিণ্টু এসে হাজির হয়। কাউকে কিছুই বলতে হয় না, অশোক নিজেই এগিয়ে এসে পরীক্ষা করে ভূতনাথকে।

রমানাথ এইবার মাতব্বরী করতে আসে। বিড়িটা তার শেষ হয় নি তখনও। সেটা টানতে টানতেই কথা বলে অশোকের সঙ্গে। সমীহ করে না একটুও। বলে, দু'দিন থেকে অবস্থাটা খারাপ মনে হচ্ছে।

সম্পূর্ণ-ই অবাস্তুর কথা। অশোক শুধু বলে, হুঁ।

অম্বু বলে, দুদিন থেকে খালি ভুল বকছেন। আগে ত এমন ছিল না?

অম্বুর কথা শুনে রক্তবর্ণ চোখ ক'রে ভূতনাথ তাকায় অম্বুর দিকে। চীৎকার ক'রে বলে, শোনো কথা, হেডপণ্ডিত আমি...আমার ভুল ধরতে এসেছে তোরা চোদ্দ পুরুষকে আমি শেখাতে পারি জানিস্?...

বলতে বলতে উত্তেজিত হয়ে ওঠে ভূতনাথ। কনুয়ের ভর দিয়ে উঠে বসতে চেষ্টা করে।

অনু ব্যস্ত হয়ে ওঠে। ধীরে ধীরে নামিয়ে দেয় মাথাটা।

ডাক্তারের কথা শুনে বহু লোক এসে ভিড় করেছে ঘরটার মধ্যে। নোংরা কাপড়-পরা লোকগুলো অদ্ভুত দৃষ্টিতে তাকায় অশোকের দিকে। সে যেন কোন অন্য রাজ্যের জীব। তাদের নোংরা গা আর নোংরা কাপড় থেকে একটা ভ্যাপসা গন্ধ বেরোয়। সমস্ত জড়িয়ে হাওয়াটা কেমন অস্বচ্ছ আর ভারী হয়ে ওঠে। অস্বস্তি বোধ করে অশোক। অনুর দিকে ফিরে বলে, এর পর ওষুধ ধরবে কি না বলা কঠিন... অবশ্য ওষুধ আমি পাঠাবো।...

অনু বিস্মিত হয়। কৃতজ্ঞতায় ভরে ওঠে বুকখানা। ধরা গলায় বলে, আপনি বলছেন—। বলতে গিয়ে সময় নেয় ও। অশোক ওকে শেষ করবার সুযোগ না দিয়েই বলে ওঠে, হ্যাঁ, বহুদিন আগে থেকে চিকিৎসা করালে হয়ত এ অস্থি এতদিনে সারতে পরতো।

অনুর চোখের তারা আর গলার স্বর একই সঙ্গে কাঁপতে থাকে। কোনও রকমে বলে, তবে কি বাবা বাঁচবেন না?...

অশোক কি বলবে? সত্যি জীবনের আশা নেই ভূতনাথের। তবু মুখ ফুটে সে-কথা বলা যায় না। সে দেখেছে বাড়ীর মধ্যে একমাত্র অনুই যথার্থ চিন্তিত ভূতনাথের জন্তে। তারই মুখের ওপর এই শক্ত কথাটা কিভাবে উচ্চারণ করবে সে। তার থেকে মিথ্যে আশ্বাস দেওয়া ভাল। অশোক ইতস্ততঃ করে।

হঠাৎ বস্তুর অপর এক দিক থেকে একটা কান্নার রোল ওঠে। মড়াকান্না শুনে চমকে ওঠে অশোক। মৃত্যুর ছায়ার মধ্যে বসে বসে সেই মড়াকান্নার রোল আরও যেন বীভৎস হয়ে ওঠে।

ব্যস্ত হয়ে অশোক বলে, কাঁদছে কোথায়? কি হল কি?

—ও কিছু না—ওপাশ থেকে নিতান্ত উদাসীনের মত জবাব দেয় রমানাথ—কদিন থেকে এখানে মড়ক লেগেছে কি না!

—মড়ক! অশোক সচকিত দৃষ্টিতে এদিক ওদিক তাকায়। অদূরে দেয়ালের গায়ে প্রকাণ্ড এক প্রাচীরপত্র জ্বল জ্বল করছে। তাতে

বড় বড় অক্ষরে নানা রকমের রঙ দিয়ে লেখা “কলিকাতায় বসন্তের মহামারী—অবিলম্বে টিকা লউন।”

অশোকের হাসি পায় এত ছুঁখের মধ্যেও। যারা বেঁচে মরে আছে, যাদের বেঁচে থাকা মানে শুধুই মরে না যাওয়া তাদের আবার সাবধান ক’রে দেওয়া মড়কের বিরুদ্ধে! আগে হলে এই প্রাচীরপত্রে সে যথেষ্ট উৎসাহিত বোধ করতো। আস্থা রাখতো এ ধরনের প্রচার কার্যে। কিন্তু আজকাল ওদের জীবনের সঙ্গে ঘনিষ্ঠভাবে পরিচিত হবার পর থেকে তার মত বদলাচ্ছে। তবু ডাক্তার সে। মড়কের বীভৎসতা সম্বন্ধে ধারণা আছে তার। তাই হাজার হলেও মড়কের কথা শুনে চমকে ওঠে।

অনু বলে, মড়ক ওদের বন্ধু! ওরা বেঁচে মরে থাকে...মড়কে ওরা মরে বাঁচে।

আশ্চর্য, এত ছুঁখের দিনেও অনু খোঁচা না দিয়ে ছাড়ে না। অশোক কিন্তু বিরক্ত হয় না একটুও। মিথ্যে বলে নি অনু।

এমনি সময়ে দরজার কাছে কাকে যেন দেখা যায়। বস্তির মালিক রায়বাহাদুর শশধর চৌধুরীর গোমস্তা হরিপদ এসে দাঁড়িয়েছে। অনেক মাসের ভাড়া বাকী পড়ে গেছে ভূতনাথের। তাই সময়ে, অসময়ে তাগাদা না দিলে চলে না। সময় হলেই একবার ক’রে এসে দাঁড়ায় হরিপদ। চেষ্টামিচি করে, অপমান করে। যার যা কাজ।

ঘরের মধ্যে ভিড় দেখে হরিপদ আর বেশী দূর এগোয় না। দরজার কাছ থেকেই চেষ্টায়—কই গো হেড্‌পণ্ডিতের মেয়ে আজ আর কিরিয়ে দিয়ো না বাছা। ছ’মাসের বাড়ী ভাড়া বাকী ফেলেছো... টাকাটা এইবার চুকিয়ে দাও। গড় গড় ক’রে বলে যায় হরিপদ। এবং আরও যে বলবে সে বিষয়ে কোন সন্দেহ নেই।

রমানাথ উঠে আসে ঘরের ভেতর থেকে। ভাড়াটা তাকেই গুণতে হবে, অনুকে নয়। তাই উঠে গিয়ে বলে, ছ’মাসের ঘরভাড়া...বাবা কখন মারা যায় তার ঠিক নেই এই সময়ে ঘরভাড়ার দাবি করতে এলে হরিপদ?

রমানাথের লাল লাল :চোখ যেন ক্ষিপ্ত হয়ে ওঠে। বাবা মারা যাবার চিন্তা তার নয়। মারা গেলে যে খরচাটা বের করতে হবে সেই ভেবেই তার মাথা গরম হয়ে উঠেছে। তার ওপর আবার এই ঘর-ভাড়ার তাগিদ !...

হরিপদ ছাড়বার পাত্র নয়। কদিন ধরেই সে ঘুরে যাচ্ছে। আজ রমানাথকে সামনা-সামনি যখন পাওয়া গেছে তখন ছুঁচার কথা না শুনিয়ে দিলে নয়। একটু গলা চড়িয়ে হরিপদ বলে, তোর বাবা মরছে আজ ছমাস ধরে...যে ঘরে মরবে সেই ঘরের ভাড়াটা চুকিয়ে না দিলে চলবে কেন? আমি রায়বাহাদুরের কাছে কি জবাবদিহি করি বল দেখি?

কথাটা মিথ্যে নয়। আজ ছমাস ধরে ভূতনাথের মর মর অবস্থার দোহাই দিয়ে হরিপদকে ঠেকিয়ে রাখা হয়েছে। তাই রমানাথ একটু খতমত খেয়ে যায়।

কে যেন পেছন থেকে বলে, ওমা, দেখো একবার রকমখানা, চোখের চামড়া নেই গা, এঁা? স্ত্রীলোকের কণ্ঠ বটে তবে তারিণী নয়।

অনু এবার উঠে আসে। নিজের হাতের চুড়ি ছুগাছা নাড়াচাড়া করতে করতে বলে, আজ আপনি দয়া ক'রে যান্...কাল যেমন ক'রেই হোক আপনি টাকা পাবেন। শান্তভাবেই বলে ও কথাগুলো। অপমানে ক্ষোভে আর লজ্জায় বস্তির আলোতেও তার মুখখানা লাল দেখায়।

হরিপদকেও স্বর নামাতে হয় অনুকে দেখে। কিন্তু তাহলেও তস্থি করতে ছাড়ে না। বলে, যখনই আসি তখনই বল কাল দেবো...কাল আর আসে না! তোমরা ভদ্রলোক তাই কথা কাল দেবো!

‘ভদ্রলোক’ কথাটা এমনভাবে উচ্চারণ করে যে তার থেকে সহজভাবে ছোটলোক বলা ছিল ভাল। রমানাথ খেঁকিয়ে ওঠে, এই হরিপদ, যা মুখে আসে তাই বলিস?

—তুই থাম, তোর বোনের সঙ্গে কথা বলছি...ভারি মুরাদ তোর।

মুখ সামলে কথা বলিস হরিপদ...সাবধান।
গায়েই আস্তিন গোটানোর ভান করে। মারামারির পু-
হয়ত কিছু একটা ও ক'রে বসবেই আজকে।

ওধার থেকে তারিণী গজ গজ করতে থাকে রমানাথকে
ক'রে। বলে, সাউথুড়ি ক'রে তুমি কেন যাও হাত উঁচিয়ে? থা
পুলিশ হলে বোন তোমায় রক্ষা করবে? গায়ে পড়ে যারা ভালই
করতে আসে, তাদের বলো না কেন দশ বিশ টাকা মুঠো আলাগা
করতে! ওঃ, অমন ঢের দেখেছি।

কটাক্ষটা যে কাকে উদ্দেশ্য ক'রে তা বুঝতে কষ্ট হয় না কারও।
অশোক এগিয়ে আসে এবার দরজার দিকে। এগিয়ে এসে গম্ভীর
ভাবে বলে, রায়বাহাদুরকে তুমি বলো...এ বাড়ীর যিনি কর্তা তিনি
মারা গেলেও ঘর ভাড়ার টাকা মারা যাবে না। কিন্তু এখানে দাঁড়িয়ে
থেকে আর তুমি ওদের অপমান করো না হরিপদ।...

অশোককে দেখে চমকে ওঠে হরিপদ মনে মনে। নরম হয়ে বলে,
আজ্ঞে ডাক্তারবাবু আপনি? আচ্ছা আমি চলে যাচ্ছি...আমি সামান্য
গোমস্তা বই ত নয়।

হরিপদ তাড়াতাড়ি সরে পড়ে। যেন কিছুই হয় নি।

রমানাথও সরে পড়ে। ঘরের মধ্যে বসে থাকবার খৈর্ষ আর তার
নেই।

অনু ঘরে এসে ঢোকে। তার চোখে জল তখনও চক চক করছে।
অশোকের দৃষ্টি তা এড়ায় না। মনটার কোথায় যেন মোচড় দিয়ে
ওঠে। অনুর দিকে ফিরে আস্তে আস্তে বলে, তোমরা কেমন ক'রে
সহ্য করো?...মনুষ্যত্বের এই অপমান?

অনেক বড় বড় কথা মনে আসে অশোকের। অনেক কিছু বলতে
ইচ্ছে করে। কেন জানি না ঐ বস্তির মেয়েটার চোখের জল কেমন
যেন পীড়া দেয়। নেহাত অনিচ্ছাসংগেও কিছু বলতে ইচ্ছা করে
অশোকের।

অনু চুপ ক'রে শোনে। পাহাড়ের ওপর থেকে ঠাণ্ডা হাওয়া নামছে

রমানাথের ৮। মাটি ঠাণ্ডা হচ্ছে। আর সঙ্গে সঙ্গে বিকীর্ণ করছে
যাবার চিন্তা - স্তম্ভাপ।
ভেবেই ৮ বলে, প্রতিবাদ জানাবার জায়গা আজো খুঁজে পাই নি,
ভাড়া সহ হয়ে যায়!...বলতে কষ্ট হয় অনুর তবু বলে যায়
থাগুলো!...

অশোক কথা বলবার সুযোগ খুঁজছিল। অনুর উত্তর পেয়ে উৎ-
সাহিত হয়ে ওঠে। বলে, জীবনটাকে ভেঙে নতুন ক'রে গড়তে পারো
না? অন্ততঃ আর কিছু না হোক এই বস্তুটারও ত কিছু উন্নতি
করতে পারো?

অনু অল্প অল্প হাসে। মেঘের ও রৌদ্রের খেলা চলছে আকাশে।
সমতল মাটির বাধামুক্ত বিস্তীর্ণ আকাশ!...

অনু বলে, আপনারা থাকেন ওপর তলায়...ছুটো মুখের কথা বলে
যেতে পারেন সহজে! যারা নীচে পড়ে গিয়েছে তারা জানে তাদের
মাথায় কত বোঝা কত দুঃখের গুরুভার!

অশোক বিব্রত হয়ে পড়ে। নিজের কথাগুলো নিজের কাছে আগুনের
মত শোনাচ্ছিল অথচ এই মেয়েটা এক কথায় উড়িয়ে দিল!...

সমতল ভূমি থেকে দূরের পাহাড়কে কত ছোট দেখায়!...

অশোক আরও জোর দিয়ে বলতে চেষ্টা করে—কিন্তু মানুষ এত
নোংরায় ডুবে থাকতে পারে...আগে আমি জানতুম না!

অনু এবার জোর ক'রেই হাসে। বলে, আপনি বড় লোক, বিলেত
ফেরত...মোটর ছাড়া পথে চলেন না...আপনি আর কি ক'রে
জানবেন? মানুষ আরও অনেক নোংরায় ডুবে আছে...মাঝে মাঝে
মোটর থেকে নেমে তাদের দেখে যাবেন...নইলে কোন দিনই চোখে
পড়বে না।

সমতল থেকে পাহাড়ের দিকে যখন হাওয়া বয় সে হাওয়া বড়
গরম লাগে।

অশোক বোঝে এর থেকে মোটর নিয়ে বেরিয়ে পড়া ভাল।
তাড়াতাড়ি বেরিয়ে পড়ে ও ঘর থেকে।

অনু তখনও হাসছে কি না কে জানে ?

পুকুরে ঢেউ জেগেছে আবার ! অবিশ্রান্ত ঢেউ !

॥ ৪ ॥

রায়বাহাদুরের বাড়ীর ড্রয়িং-রুমে আসর বসেছে । জানলার ধারে বড় ইঁজি চেয়ারটায় গা এলিয়ে দিয়ে রায়বাহাদুর ধূমপান করছেন । তাঁর পাশে ছ'খানা কোচে নিখিল আর ডলি ।

রায়বাহাদুরের মুখে ধোঁয়ার কুণ্ডলী উঠছে । আর সেই ধোঁয়ার মতই হালকা আলোচনা চলছে ওদের মধ্যে । এটা-ওটা !

কথায় কথায় অশোকের কথা ওঠে । আগে হলে অশোকের অনুপস্থিতি কল্পনা করা যেতো না । আর এখন অশোক নিয়মিতই অনুপস্থিত থাকে । সকলে সেটা বোধ করলেও বিশেষ কিছু বলে না ।

সব বদলে যাচ্ছে । যে অশোক ছিল ওদের মধ্যে সব চেয়ে বেশী ছরস্তু আদবকায়দায় হাবভাবে, সাজপোষাকে সকল বিষয়েই যে নিখিল রায়ের মত কাঁচা ব্যারিষ্টারকেও চমক লাগিয়ে দিতো সেই অশোক নাকি আজকাল নোংরা বস্ত্রের মধ্যে আনাগোনা করছে । কি যে সে পেয়েছে তার মধ্যে সেই জানে । যত সব নোংরা ছোটলোকদের আড্ডা ! ভাবতে গেলেই শিউরে ওঠে গাটা ।

তবু নিখিল অশোককে সমর্থন ক'রেই কথা বলে । এভাবে বলার উদ্দেশ্য ডলিকে শোনানো ছাড়া কিছুই নয় ।

বেশ সহজ সুরেই বলে নিখিল রায়বাহাদুরকে, ধরুন অশোক যদি স্বাধীনভাবে চলাফেরা করতে চায়, আপনি বাধা দিতে গেলে সে — মানবে কেন ? তা ছাড়া কি জানেন মিঃ চৌদ্দ্রি, সে ডাক্তার, তার নিজেরও একটা কুচি বোধ আছে ।

—কী বলছেন আপনি ? ডলির কণ্ঠ উত্তপ্ত হয়ে ওঠে ।...বাবা কি তার কোন কাজে বাধা দেন ?

—না, ঠিক তা নয়, তবে ধরো অশোকের ডাক পড়েছে খুব খারাপ

জায়গায়...তাকে যেতেই হবে, ইটস্ এ ডক্টরস ডিউটি...তাকে ধরে রাখা চলবে না !

রায়বাহাদুর এতক্ষণে জবাব দেন। বলেন, আমরা তাকে ধরে রাখতে চাই কে বললে তোমাকে ?

সরি, বোধ হয় আমিই ঠিক বোঝাতে পারি নি...মানে, আমি বলতে চাই আপনি চান যে আপনার পছন্দসই জায়গা ছাড়া সে আর কোথাও যাবে না।...

ডলি নিজের থেকেই জবাব দেয়। বলে, বাবা তার ভালর জন্তেই বলেন নইলে—। কথাটা অসম্পূর্ণ রেখেই ডলি চুপ করে।

—এমন হতে পারে, আপনাদের পরামর্শ সে পছন্দ করে না—
মানে, বুঝলেন মিষ্টার চৌড়ি, এটা হল এয়ুগের ইণ্ডিজুয়েলিজম্—

রায়বাহাদুর অত সহজে স্বীকার করতে প্রস্তুত নন। তিনি তাঁর যুক্তি দিয়ে চলেন, শোনো নিখিল, তুমি ঠিক বুঝতে পারো নি। অশোক বড় ডাক্তার, তার আত্মসম্মান অনেক বড়...বস্তিতে তার আনাগোনা কেউই পছন্দ করবে না...ওতে আমাদেরও মান থাকে না...।

—কিন্তু সে যদি আপনার অবাধ্য হয় ?

—তাকে বুঝিয়ে বলতে হবে।

কথাটা হয়ত আরও গড়াতো। কিন্তু মাঝ পথে বাধা পড়ে যায়। ওদিক দিয়ে হরিপদ এসে ঢোকে। হরিপদের মুখ বিষণ্ণ। এইমাত্র সে বস্তি থেকে ঝগড়া ক'রে ফিরছে।

ঘরে ঢুকেই হরিপদ শুরু ক'রে দেয় তার বক্তব্য। বলবার জন্মই সে তৈরী হয়ে এসেছিল। নেহাত অশোকের খাতিরে সে রমানাথের চোখ রাঙানি মুখ বুজে সহ্য ক'রে চলে এসেছে। তা না হলে কি হত বলা যায় না। ব্যাপারটা রায়বাহাদুরকে জানিয়ে রাখা ভাল।

হরিপদ বলে, বড়বাবু আপনার বস্তির ভাড়া যদি ঠিক মত আদায় করতে না পারি তাহলে আপনি আর আমায় রাখবেন কেন ?

—ব্যাপারখানা কি ? ব্যস্ত হয়ে প্রশ্ন করেন রায়বাহাদুর।

—ভাড়া আদায় করতে গেলেই দেখি, হয় মরেছে আর না হয় মরতে বসেছে...নয়ত রাতারাতি পালিয়েছে! আপনাকে বলে দিচ্ছি বড়বাবু...আপনার কথাই ঠিক...বস্তির কখনও উন্নতি করতে নেই। ওরা ওই যে নর্দমায় মুখ গুঁজে পড়ে থাকে...ওইতেই ওরা বেশ থাকে। আঙ্কারা দিলেই বুঝলেন বড়বাবু...ফৌস ক'রে ওঠে।

—কোন বস্তিটার কথা বলছেন তুমি? এতক্ষণ শোনবার পর প্রশ্ন করেন রায়বাহাদুর।

এতক্ষণ বকবার পর এই প্রশ্ন শুনে হরিপদ মনে মনে বিরক্ত হয়ে ওঠে। একটু গলা উঁচিয়েই বলে, আজ্ঞে আপনার ঐ তেরো নম্বর বস্তিটা! ওখানে যেন দল বেঁধে সব বেয়াড়া লোকগুলো বাসা নিয়েছে। সেই-যে বড়ো হেডপণ্ডিত...আপনার মনে আছে বড়বাবু?

—সে আবার কি করলে?

—সেই একই কথা। হাত-মুখ নেড়ে ভজ্জিমা ক'রে বলতে থাকে হরিপদ।...ভাড়া চাইতে গেলেই তার হাঁপানি ওঠে...দম্ব আটকায়। আজ এক মাস ঘোরাচ্ছে বড়বাবু। ওর সেই মেয়েটা কি আর ভাড়া দেবে? সে ত কেউটে সাপ! কাছে গেলেই ফৌস ক'রে ওঠে। রমানাথটা শুদ্ধ আমায় তেড়ে আসে মারতে। আপনি যদি বলেন বড়বাবু, সেপাইদের কিছু খাইয়ে কালই ওদের উৎখাত ক'রে দিই।

—আগে একটা নোটিশ দাও। নিতান্ত গম্ভীরভাবেই বলেন রায়বাহাদুর। উদ্ভেজনার লেশটুকুও প্রকাশ পায় না তাঁর স্বরে।

—নোটিশ! ওদের আপনি বেশ ভাল ক'রেই জানেন! সেই মেয়েটা নাকি আবার শুনছি বস্তির লোক জড় করেছে আপনার বিরুদ্ধে।

—ভলি একটু উৎসাহ বোধ করে মেয়েটার সম্বন্ধে। বলে, কে মেয়েটা? নাম কি?

—অম্ম বললিই ত ডাকে...অল্পপমা-টমা হবে।

নিখিল একটু স্লেষ করে নামটা নিয়ে। বলে, ওই হল...যার উপমা নেই—অর্থাৎ ভিসিওয়াসনেস্ উইথআউট এক্সাম্পল।

হরিপদ নিখিলের কথায় কান দেয় ব'লে মনে হয় না। ডলিও না, নিখিল নিজেই হাসে বলতে বলতে।

হরিপদ ছ'পা এগিয়ে যায় রায়বাহাদুরের দিকে। তারপর একটু নীচু সুরে সকলের দৃষ্টি ভাল ক'রে আকর্ষণ ক'রে বলে, মেয়েটা কেন জোর পাবে না বলুন বড়বাবু...আপনার এ বাড়ীর ছোঁয়াচ থেকেই ছুঁড়িটা আজকাল আঁসারা পাচ্ছে যে—

—তার মানে ? ভারী গলায় প্রশ্ন করেন রায়বাহাদুর।

—মানে—হাত কচলাতে কচলাতে বলে হরিপদ—যদি সাহস জেনে ত বলি। ছুঁড়িটা বশীকরণ জানে বড়বাবু। আমাদের ডাক্তারবাবুকে—অশোকবাবুকে মেয়েটা হাত করেছে স্বচক্ষে দেখে এলুম বড়বাবু—

চেয়ারের মধ্যেই চমকে ছলে ওঠেন রায়বাহাদুর ! তাঁর চুরুটের আগুনটা নিভে আসছে...।

কথাটা বিশ্বাস করা অসম্ভব না হলেও বিশ্বাস করতে প্রবৃত্তি হয় না আর সকলের। চট ক'রে বাধা দিয়েও কিছু বলা যায় না। এমনি একটা অস্বস্তিকর অবস্থা।

নিখিল কথায় হঠবার নয়। বলে, খুব স্বাভাবিক মিষ্টার চৌদ্দী, আলোর ঠিক নীচেই অঙ্ককার।

ডলির সহুর সীমা হারিয়ে যাচ্ছে। ক্ষুব্ধভাবে বলে ওঠে ও,—
আপনি একটু চুপ করুন দয়া ক'রে—

নিখিল শুধু 'সরি' বলে চেয়ারটায় গা এলিয়ে দিয়ে ডলির চোখের সামনে থেকে সরিয়ে নেয় নিজেকে।

এমন সময়ে চার চাকার ঠেলাগাড়ীতে চড়ে হেমনলিনী এসে আসরে অবতীর্ণ হন। ঠেলাদারকে ধমকে বলেন, আঃ, তোকে বলি অত হেঁচকে ঠেলা দিসনে ! বুকে হাঁপ লাগে।...

হেমনলিনী এসে পড়াতে ব্যাপারটা থামা পড়ে যায়। হরিপদ বেরিয়ে যায় ঘর থেকে।

হেমনলিনী দেখতে পেয়েছিলেন হরিপদকে। তাই বলেন, ওই

হুমুখটা এসে কী লাগাচ্ছিল বলে ত ? ওকে দেখলেই আমার পায়ের ব্যথা বাড়ে !

নিখিল জবাব দেয়। বলে, কিন্তু ভাগবৎ গীতায় আছে—সরি, মহাভারতে আছে হুমুখরই সত্যি খবর দেয়।

উলি এ সুযোগ ছাড়ে না। চট ক'রে নিখিলকে আক্রমণ ক'রে বসে। বলে, মহাভারতের কোন পর্বে আছে নিখিলবাবু ?

—কেন দণ্ডকবনের পর্বটায়। অন্নান বদনে বলে দেয় নিখিল।

সকলে হেসে ওঠে কোলাহল তুলে। আর তারই মাঝে হেমনলিনীর বিরক্তি ধ্বনিত হয়ে ওঠে—আঃ, তোমরা চোঁচিয়ে না... আমার পায়ে লাগে। আমি দেখতে পাচ্ছি আমার কথা তোমরা কেউ শুনছে না! সব গগুগোল পাকিয়ে তুলেছো।...বলছি যে ডলি অশোকের বিয়েটা আগেভাগে সেরে দাও—! মেয়ে-জামাই নিয়ে কিছু দিন আমোদ আহ্লাদ না করলে আমার পা কিছুতেই সারবে না!...

নতুন প্রসঙ্গ ওঠায় সকলেই চুপ ক'রে যায়। ঘরের মধ্যে কোথা থেকে একটা চড়াই পাখী এসে ঢুকে কিচরিমিচির করছিল, ডলি সেইদিকে একমনে কি যেন দেখতে থাকে। নিখিল প্যাণ্টের ক্রীজ ধরে অকারণে টানাটানি শুরু ক'রে দেয়।...

জবাব দেন রায়বাহাদুর। বলেন, কিন্তু অশোক যদি তাড়াতাড়ি একাজে রাজি না হয় ?

—শোন কথা! গালে হাত দিয়ে বলেন হেমনলিনী।—তার চেয়ে তাড়াতাড়ি হরিচরণবাবুর কাছে একবার যাচ্ছ না কেন ? অনেক দিনের ত পুরোনো বন্ধু!...যত সব গগুগোল, আমার পা আর সারবে না...

—বেশ তাই যাবো। বলতে বলতে উঠে পড়েন রায়বাহাদুর। এখুনিই যেন যাচ্ছেন।

নিখিলও উঠে পড়ে। তারপর 'গুড্-বাই' বলে এগিয়ে যায় দরজার দিকে। এগোতে গিয়ে ম্যাটিংয়ের দড়ি লেগে ~~হঠাৎ~~ থায়ে একবার, তারপর বেরিয়ে যায় ঘর থেকে।

নদীর চলার পথে মরুভূমির মত ধু-ধু করা শুখনো মাটির মাঠ। সেই মৃত্যুর মত শূণ্য মাঠ পেরিয়ে নদী এসে সাগরের সামনে দাঁড়ায়।

ভূতনাথের মৃত্যুর মধ্যস্থতায় অনু আর অশোক অনেকখানি কাছাকাছি সরে এসেছে। ওদের বস্তির ঘরের অদূরে দাঁড়িয়ে দাঁড়িয়ে গুঁরা কথা কয়। অনু আর অশোক। পিছনে ভূতনাথের শূণ্য ঘরটা খাঁ খাঁ করছে। সেখানে ভূতনাথ নেই আরও অনেকেই নেই। বস্তির ভেতরকার হাওয়া যেন বিষ ছড়াচ্ছে। সে হাওয়া যে টানবে মরবে সে-ই।

সে-হাওয়ার মধ্য হতে একটু সরে দাঁড়িয়েছে গুঁরা। অশোক আর অনু।

অশোক বলেছে, তোমার বাবার মৃত্যু হঠাৎ হয় নি। তিনি মারা যাবেন একথা তোমরাও জানতে...আমিও জানতুম।

অনু ও-কথাটার সোজাসুজি জবাব দেয় না, দিতে পারে না বলে। শুধু বলে, আমি আর মিটু যেখানেই যাই আপনার উপকার মনে রাখবো।

অশোকও কথার সুর বদলায়। অনুকে একটু শোনাবার জুতোই বলে, অবস্থার কাছে যারা হার মানেন, তারাই সব ফেলে পালায়—

অনু বিচলিত হয় না একটুও। সাহস করেই মুখের ওপর বলে, দেখুন আপনার কথায় আমি জোর পাইনে। আপনারা বাইরের লোক, আপনাদের উপদেশ ফাঁকা কথায় ভরা...আপনারা বস্তিতে মানুষ হন নি, বস্তির অপমান মাথায় তোলেন নি...

কথা ত নয় যেন ধারালো ছুরি। অশোকের মনে হয় তার সমস্ত যুক্তি কেটে ছিন্ন ভিন্ন হয়ে যাচ্ছে। তাড়াতাড়ি ও বলে ওঠে, আচ্ছা ধরো, তোমাদের কাজে আমি যদি কিছু সাহায্য করি।

অনু হাসে। অনুর সেই বিচিত্র অনুচ্চারিত, অস্পষ্ট হাসি। হাসির মধ্যে অনেকখানি কান্না আবার অনেকখানি উত্তাপ যেন

লুকানো। হাসতে হাসতে বলে অন্নু, বাইরের সাহায্য! এখানে সেই সাহায্য কোন কাজে লাগবে আপনি মনে করেন?

—কেন? একটু বিরক্ত হয়েই প্রশ্ন করে অশোক। তার ঢাকা আছে নাম আছে, ডাক্তার হিসেবে হাতযশ আছে। সে নিজের থেকে সাহায্য করবে বলে এগিয়ে গেল অথচ ঐ মেয়েটা তা গ্রহণ করল না, উড়িয়ে দিলে একটুকরো হাসি দিয়ে!

অন্নু বলে, যা আমরা পাইনি কোনদিন...পাবার আশা করিনে... তেমন সাহায্য হঠাৎ এসে পৌঁছলে লোকে সন্দেহ করবে, ভাববে এর মধ্যে আর কোনও মতলব আছে।

কথাটা শেষ ক'রে এক বিচিত্র দৃষ্টিতে তাকায় অন্নু অশোকের দিকে।

অশোকের মনটা যেন হালকা হয়ে আসছে। বলে, তুমিও কি সন্দেহ করবে?

—হ্যাঁ, আমিও সন্দেহ করবো। যা পাবার নয় তা যদি না চাইতেই আসে...তবে আমি কেন, সবাই সন্দেহ করবে!

অন্নুর স্বর অগুরুকম। এ যেন অন্নু নয়, অগ্নু কেউ কথা বলছে।

—কিন্তু আমি যদি নিঃস্বার্থভাবে সকলের মাঝখানে এসে দাঁড়াই? আবেগের মুখে বলে ফেলে অশোক।

অন্নু আবার হাসে। বলে, তার জগ্নে আমার অনুমতি চাইছেন কেন? বেশ ত, লোকজন জড়ো ক'রে ঢাক পিটিয়ে বলুন, আমি বস্ত্রি উদ্ধার করতে এসেছি! শুনহ মানুষ ভাই...বলুন না কেন?

—হুঁ, দরকার হলে বোকাদের মাঝখানে গিয়ে সে-রকম কথাও রটাবো! যাদের কাজ করতে যাযো তারাই ত সকলের বড় বাধা। অঁধাক হয় অশোক মনে মনে। রাগও হয়। আশ্চর্য এই মেয়েটা, জোর ক'রে মনের ভেতর থেকে গরম গরম কথাগুলো বের ক'রে নিয়ে ছাড়বে। দরকারী কথায় এমনভাবে হাসে যে রাগ হয়ে যায়।

অন্নু অশোকের দিকে তাকিয়ে হঠাৎ জোরে জোরে হেসে ওঠে। বলে, আপনাকে এমন ভুতে পেলো কেন? কাজ নেই কর্ম নেই

হঠাৎ গরীবদের উপকার করার সখ! এ সখ আপনার কতদিন থাকবে? আপনার ঐ মোজা জুতো, কোট প্যান্ট, টুপি, কথায় কথায় মোটর গাড়ী এখনকার লোকে এসব ঘন ঘন দেখলে আপনাকে দানো দতি মনে ক'রে ভয়ে পালাবে!...

—অর্থাৎ তোমার সাহায্য একেবারেই পাবো না, এই বলছ? অশোক সত্যি সত্যিই এবার রাগ করেছে। সব সময়েই তার ঐ সাজ-পোষাক আর মোটরগাড়ী নিয়ে খোঁটা দেওয়া।...রাগ করলেও অশোকের কণ্ঠে কোথায় যেন দুর্বলতার সুর।...

—আমার সাহায্য? প্রথমতঃ আপনি বস্তিতে ঢুকলেই ত একদল কুকুর ডাকাডাকি আরম্ভ করবে...তারা দেখবে আপনি ভয়ানক নতুন লোক, আপনি কিছুতকিমাকার—আমি ত ঘরে খিল দিয়ে ত্রাহি মধুসূদন করবো—বলতে বলতে অনু তার হাতের মুঠো ছুটো বৃকের কাছে জড় ক'রে তার সেই 'ত্রাহি মধুসূদন' ভাবটা ফুটিয়ে তুলতে চেষ্টা করে আর হাসে।

—বেশ ত, তোমাদের এখানে অন্ততঃ একটা নতুন কিছু হবে। রাগের ভাব দেখিয়ে বলে অশোক। রাগ করতে ভাল লাগছে তার।
—সে নাই হোক তোমাকেও কিছু কিছু কাজের ভার নিতে হবে, আমি দরখাস্ত পাঠিয়েছি...লোকজন শিগগীরই এসে পড়বে...আমার গ্র্যাসিসট্যান্টরা এসে এখানে একটা ওষুধের দোকান খুলবে।—

—দেশসুদ্ধ লোক ওষুধ আর অসুখের কথাই বলছে...কিন্তু খেতে না পেলে যে অসুখ সারে না, ওষুধও ধরে না একথা বলছে না কেন?

—খেতে যদি না পাও, কেড়ে খেতে পার না কেন? বিলেতে হুর্ভিক্ষ হয় না, কেন জানো?—সেখানকার লোক খাবার না পেলে লুটপাঠ ক'রে খেতে জানে। তারা শুধু মার খেয়ে মরে না। তারা মরবার আগে মেরে মরে।...

বলতে বলতে অশোকের ঠোঁট ছুটো বীরত্বের গর্বে কাঁপতে থাকে। হু'বছর আগেকার সব স্মৃতি জ্বল জ্বল ক'রে ওঠে মনে। কেড়ে খেতে দেখেনি ও ওদেরকে...কিন্তু চোখ ভরে দেখে এসেছে ঐশ্বর্যের

সমারোহ। পিকাডেলি...ব্রিষ্টল...সব যেন ভিড় ক'রে আন্না নিরে সামনে।...

অম্ব আরও বেশি ক'রে হাসে। হাসি ত নয় হাসির আগুন। অম্ব বলে, আপনার কথা শুনলে হাসি পায়। একটা জাতের শরীর থেকে আড়াই শো বছর ধরে রক্ত শুষে নিয়েছে...তারা বরং ফুটপাতে খাবারের দোকানের তলায় পড়ে না খেয়ে মরে তবু হাত বাড়িয়ে লুঠ ক'রে খাবার শক্তি খুঁজে পায় না।

—তাই বলে আমরা হাত গুটিয়ে বসে থাকবো তুমি বলতে চাও? ঝড়ের মত বলে অশোক কথাগুলো! মনে মনে সেও হাসে এইবার। অশিক্ষিত বস্তির মেয়ে রিভোলুসন্-এর তাৎপর্য বুঝবে কি ক'রে। অথচ ডলি কত সহজে বোঝে ওর কথাগুলো। কি ও বলতে চায়।

অম্ব যে ওকে বোঝেনি তা নয়। অন্ততঃ ওর শেষের কথায় তাই মনে হয়। ব্যাপারটাকে এড়িয়ে যাবার জন্তে চট্ ক'রে ও বলে, না তা বলিনে, তার চেয়ে বরং ছ'শিশি ওষুধ এখানে খেতে দিয়ে যান... ছোটো টাকা দান ক'রে যান...কিছু কাজ হবে। তারপর গরীবের লোভ বেড়ে ওঠবার আগেই সুখ্যাতি আদায় ক'রে গা-ঢাকা দেবেন, পথ খোলাই আছে? দেখতে দেখতে খবরের কাগজে বড় বড় হরপে নাম উঠবে! বলবে মস্ত বড় দেশ নেতা—বলবে দেশের প্রাণের বন্ধু...

আশ্চর্য, অম্ব এবার হাসছে না একটুও। মুখটা তার অদ্ভুত রকমের শুখনো।

অশোকের ভাল লাগছে। হাসির মধ্যে দিয়ে অনেক দূরে সরে যাচ্ছিল সে। বিষন্নতার মাঝ দিয়ে এগিয়ে আসছে।

মৃত্যুর মধ্যস্থতা দিয়ে তাদের ঘনিষ্ঠতা গড়ে উঠেছে।

তাই এ বিষন্নতারও মূল্য আছে অনেক!

অশোক বলে, তুমি যা দিয়ে দিয়ে যদি আমাকে ভেঙে তৈরী করো আমার আপত্তি নেই।

অশোক আর দাঁড়াল না সেখানে।

হঠাৎ বাড়ের উচ্চতা থেকে নীচের সমতল মাটিকে বড় সবুজ দেখায়।
বাড়ের ঢেউ-খেলানো সবুজের রোমাঞ্চ!

॥ ৬ ॥

রায়বাহাদুর সেদিনই এসে হাজির হয়েছেন হরিচরণবাবুর বাড়ীতে। হেমলিনী বলেছে ঠিক। ডলি অশোকের ব্যাপারটা তাদাতাড়ি সেয়ে কেলা ভাল। হরিচরণবাবু অনেকদিনের বন্ধু তাঁর। কথাটা একবার পাড়তে পারলে অগ্রথা হবে না।

হরিচরণবাবু আপন মনেই বসেছিলেন। হাতে একখানা বই ছিল বটে কিন্তু পড়ায় মন ছিল না। রায়বাহাদুরকে আসতে দেখে বর্তে গেলেন।

—আরে শশধর যে, এসো এসো...মেঘ না চাইতেই জল!...

—তা বটে, তবে জলটা প্রায় চোখের জলে এসে ঠেকলো...
তারপর কেমন আছো? রায়বাহাদুর আর একখানা চেয়ারে গা এলিয়ে দেন।

—যেমন তোমরা রেখেছো পাঁচজনে। হাসিতে মুখটা ভরিয়ে বলেন হরিচরণ। ভাবটা এই যে মন্দ আর কি? শাসে জলে আছি বেশ।

—পাঁচজনে তোমাকে ভালই রেখেছে ভায়া...তবে আমার ঝামেলা পাঁচ রকমের...তুমি বিপত্তীক হয়ে বসে দিব্যি বয়েসটা এক-রকম কাটিয়ে দিলে। কিন্তু আমি যে ভায়া আমার বেতাল গিন্নীকে নিয়ে নাজেহাল হচ্ছি...তার কি করি বল দেখি?

চিন্তায় মুহূমান হয়ে বলেন রায়বাহাদুর। আসল কথাটা একেবারেই পাড়া যায় না। খানিকটা ভণিতার দরকার বই কি! গোড়ার থেকে ভেবেচিন্তেই এসেছেন তিনি আজকে।

হরিচরণও একটু চিন্তিত হয়ে বলেন, বোঁঠান আজকাল আছেন কেমন?

—বেশ দিবি আছেন ! একটা সুবিধাজনক বাতের ব্যামো নিয়ে বহাল ভবিতাই আছেন...চার-চাকার ঠেলাগাড়িতে চড়ে বাড়ীময় বোঁ বোঁ ক'রে ঘুরে বেড়াচ্ছেন।

রায়বাহাদুরের কথার রকম দেখে হরিচরণ হাসেন। বলেন, তা ঠেলাগাড়ীখানা তুমি নিজে ঠেললেই পারো। বলে নিজের কথায় নিজেই হেসে উপভোগ করতে থাকেন।

—তা হলেও ত বাঁচতুম ! কিন্তু তিনিই যে আমাকে ঠেলাঠেলি করছেন। না হাসলেও রায়বাহাদুরের গলা বেশ নরম হয়ে আসে।—এই ছাখো না ঠেলে পাঠালেন তোমার এখানে...তঁার সখ হয়েছে মেয়ে-জামাই নিয়ে ঘর না করলে আর তাঁর দিন কাটছে না।...

দপ্ ক'রে মুখের হাসি মিলিয়ে যায় হরিচরণের। গম্ভীর হয়ে তিনি বলেন, জামাই যে হবে, সে ত আজকাল কোমর বেঁধে তোমারই বস্তিতে ফিনাইল আর ব্লিচিং পাউডার ছড়িয়ে বেড়ায় ! তোমার বস্তির ফাঁদে পড়ে গেছে হে—

—তা হলেও ত বাঁচতুম ! না হয় গোটা দুই চাকর রেখে দিতুম তারা ফিনাইল পাউডার ছড়িয়ে বেড়াতো !...কিন্তু আমার গোমস্তা হরিপদ যে অল্প কথা বলে !...

—কি বলে হরিপদ ? হরিচরণের মুখে ঔৎসুক্যের উত্তেজনা।

—আমার মুখ থেকে তুমি এ কথা শুনবে ? এ আমারই লজ্জা ! মাথা নীচু ক'রে বলেন রায়বাহাদুর—বস্তির একটা মেয়েই নাকি অশোককে দিয়ে এই সব ভূতের ব্যাগার খাটাচ্ছে।

—মেয়ে ! হাত থেকে ধপ ক'রে বইখানা পড়ে গেল হরিচরণের।

—হ্যাঁ। এক আধ-পাগলা পণ্ডিত ছিল ওখানে আমার ভাড়াটে...তারই মেয়ে ! মেয়েটা নাকি খুব চটকদার কথা বলে !

—হুঁ। তাহলে এর পেছনে আসলে এই ব্যাপার !...রীতিমত গম্ভীর হয়ে পড়েন হরিচরণ।

ইতিমধ্যে শোভা এসে ঘরে ঢোকে। এবং রায়বাহাদুরকে দেখেই

বলে, এই যে মেসোমশাই...কি ভাগ্যি যে পুরনো বন্ধুকে মনে পড়ল !...

—সে কি মা ? হাসির রেখা টেনে এনে বলেন রায়বাহাদুর ।—
আমি এলুম কতদায় গলায় বেঁধে...তোমাদের পাঁচজনের চেষ্টায়
এখন ডলি অশোকের হাত ছাড়া মেলাতে পারলেই বাঁচি ।

রায়বাহাদুরের কথায় শোভা উৎসাহিত হয়ে ওঠে । বলে, কাল
অনেক রাত পর্যন্ত আমি আর বাবা অশোকের সঙ্গে অনেক বিতণ্ডা
করেছি মেসোমশাই, কিন্তু আমার ভাইটিকে জানেন তো ? আমরাই
তর্কে হার মেনে চুপ ক'রে গেলুম । আর বাবার কথা...লবকুশের
কাছে হার মেনেও ত রামচন্দ্রের আনন্দ !...

রায়বাহাদুর কিছু বলেন না । হাসি থামিয়ে হঠাৎ গম্ভীর হয়ে
পড়েন ।

হরিচরণ বলেন, কি জানো ভায়া বড়লোকদের ধরে ছোটো সস্তা
গালাগাল দিতে পারলে এয়ুগে তার খুব কাটতি...মেয়েটা বোধ হয়
সেই বাজি খেলতে বসেছে...আর সেই কাঁদে পা দিয়েছে তোমার
ঐ ভাবী জামাতা বাবাজী ।—

রায়বাহাদুর মুখ তোলেন না । মুখ নীচু ক'রে কি যেন ভাবতে
থাকেন আপন মনে । শোভা বোঝে ওঁর মনের অবস্থাটা । তাই
বলে, আপনি বিশ্বাস হারাবেন না...বাবার শিক্ষায় অশোক মানুষ
হয়ে উঠেছে...কোনদিন সে ছোট হবে না...ছোট কাজে কোনদিন
সে নামবে না ।—

—সে বিশ্বাস আমারও আছে মা !...যাই হোক ভায়া, আজ আমি
উঠলুম...তোমার আমার বহুদিনের ইচ্ছে ডলির সঙ্গে অশোকের
কাজটা হয়ে যায়...হয়ে গেলে আমরাও হাঁক ছেড়ে বাঁচি ।...আচ্ছা
আজ তবে আসি...

উঠে পড়েন রায়বাহাদুর ।

পায়ের তলার মাটিটা কাঁপছে । বরাবর পায়ের নীচে শাসন
ক'রে আসা গেল যাদের তারা আজ বুকের মধ্যে কাঁপন ধরায় ।

অনেক দিনের ঘুমিয়ে থাকা বাসুকী ফণা ভাইয়ের সঙ্গে বোঝা
পৃথিবীটা কাঁপতে কাঁপতে চৌচির না হয়ে যায়
মনে ঠেকিয়ে

সেদিনই অশোককে পেয়ে গেলেন হরিচরণ তাঁর পড়া
অশোক বসে বসে তার ডাক্তারী বইগুলো নাড়াচাড়া করছিল। হা-
চরণকে ঢুকতে দেখে তাড়াতাড়ি উঠে দাঁড়াল।

হরিচরণ কাজের কথাই বলতে এসেছিলেন। তাই একেবারেই
কাজের কথা পাড়লেন। বললেন, আবার তুমি কি গুণগোল পাকিয়ে
তুললে অশোক!

অশোক জানতো এই বস্তির ব্যাপার নিয়ে একদিন না একদিন
তার বাবার সঙ্গে আলোচনা ও কথা কাটাকাটি হবেই। কাল রাত্রেই
যে-সব আলোচনা হয়েছে তাতেই খানিকটা ইঙ্গিত রয়ে গেছে,
খোলাখুলিভাবে কথাটা এগোয় নি এইমাত্র।

তাই হরিচরণের এই অস্পষ্ট প্রশ্নের অর্থ আন্দাজ করতে একটুও
দেরি হল না অশোকের। তবু নিতান্ত সহজভাবে প্রশ্ন করলে,
কি বাবা?

—ওই যে শশধর কি সব বলছিল...তুমি যেন কোথায় নিজের
হাতে ফিনাইল ছড়াতে যাও...এ কি কথা?

—ও সেই কথা। ছেলেমানুষের মত হেসে নেয় অশোক বিষয়টা
হালকা করে ফেলবার জ্ঞে।—আপনার বন্ধু যদি তাঁর বস্তুটি একটু
পরীক্ষার পরীক্ষন রাখেন তাহলে আর আমাদের ব্যাগার খাটতে
হয় না বাবা।

হেসে বললেও, কথাটা ঠিক একেবারে হেসে উড়িয়ে দেবার মত
নয়। হরিচরণ বাধা দিতে পারেন না। অল্প দিকে চেয়ে বলেন, তা
তুমি ঠিক বলেছো...এ ত খুব সহজ কাজ! তার নিজের নোংরা
নিজেই সাক্ষ্য করুক না কেন! আচ্ছা আমি বলে দেবো শশধরকে...।
তুমি আর সেখানে নাই বা গেলে!

—আমি ডাক্তার! বস্তুতে যদি ডাক পড়ে আমি কি যাবো না

বলে, এই যে মো' অশোক খুব নরম অথচ দৃঢ়স্বরে প্রশ্ন ক'রে পড়ল !...

—সে নিয়, উত্তরের নামাস্তর মাত্র। হরিচরণ একরকম বাধ্য আমি নাথা নাড়েন। বলেন, হ্যাঁ তাও ত বটে, না গেলেই বা চলবে কেন ? তবে কি জানো নোংরা জায়গা নোংরা লোক... মানে, তুমি একজন বড় ডাক্তার—তোমার মান সম্মত...

অশোক হঠাৎ ডাকে, বাবা !

হরিচরণবাবু মুখ তুলে তাকান অশোকের মুখের দিকে। অশোক কি বলতে চায় তার মুখের আলোতেই বুঝি ধরা পড়বে।

অশোক বলতে থাকে, গরীব বেচারাদের বস্তিতে ঢুকে যদি একটু আধটু উপকার করা যায়... তাতে কি মান সম্মত নষ্ট হয় ?

—না, মোটেই না। ইতস্ততঃ না ক'রেই বলে ফেলেন হরিচরণ। ছেলেকে একেবারে চটিয়ে দিয়ে লাভ নেই। এখুনি হয়ত যুক্তি দিয়ে বক্তৃতা দিয়ে একেবারে কোণঠাসা ক'রে দেবে তাঁকে। নতুন হাওয়া বইছে আজকাল। সে হাওয়া পুরনো জীর্ণ দেহ সব শিরশির ক'রে ওঠে।...তাই হরিচরণ বলেন, না মোটেই না—এ ত ঠিক কথা...আমি শশধরকে বুঝিয়ে বলবো...তার সঙ্গে যদি দেখা হয়—। একশোবার ঠিক কথা !...

—উনি বস্তির মালিক...বস্তির ভাড়া নিয়মিত পেলেই খুশী, বস্তির চেহারা একটু ভাল হোক এ গরজ ওঁর নেই...। অশোক আপন মনে তন্ময় হয়েই যেন বলে চলে। সমস্ত পারিপার্শ্বিকের উজ্জ্বল পরিবেশকে অতিক্রম ক'রে সে বস্তির অন্ধকার গর্ভের ছবি দেখছে যেন।...

হরিচরণ একটু ব্যস্ত হয়ে বলেন, না না তা আছে...গরজ ওঁর খুব আছে—। ও যে বললে লোক রেখে ফিনাইল ছড়াবার ব্যবস্থা ক'রে দেবে।...তবে সবার আগে শশধর ডলির বিয়েটা সেরে কেলতে চায়...আমি ওকে খানিকটা কথাও দিলুম...। আমি শশধরকে সব কথাই বলে পাঠাবো।...আরে এই যে শোভা, এসো

মা এসো...ভালই হল তুমি এসে পড়লে...ভাইয়ের সঙ্গে বোঝা
পড়া ক'রে ফেলো...

শোভা এদিকে আসছে দেখে অশোককে শোভার সামনে ঠেকিয়ে
দিয়ে হরিচরণ বেরিয়ে গেলেন ঘর থেকে।

প্রথমটা একটোট হেসে নিল শোভা আপন মনে। অশোক কথা
বলতে বলতে অস্থমনস্ক হয়ে গিয়েছিল, শোভার এই হঠাৎ হাসিতে
কেমন যেন অপ্রস্তুত হয়ে গেল।

শোভা বললে, হ্যাঁরে আড়াল থেকে মেসোমশায়ের কথা কিছু
শুনেছিলি? বলতে গিয়ে শোভা হাসে।

অশোক ঘাড় নাড়ে সন্মতির দিকে। সঙ্কোচ করে না একটুও।

—কি বল দেখি?

—কি আবার? হাসতে হাসতে বলে অশোক। কাক উড়ে এসে
আমার কান দুটো টেনে নিয়ে গেল...আর তোমরা দৌড়ছে। কাকের
পিছনে।

বটে! শোভা কৃত্রিম রাগের ভঙ্গীতে বলতে থাকে—সত্যি বল ত,
বস্তিতে একটি মেয়ে আছে কি না?

অদ্বুত প্রশ্ন। বস্তিতে মেয়ে থাকবে সে আর নতুন কথা কি।
গণ্ডা গণ্ডা মেয়ে আছে ওখানে। তবু অশোকের একটি মেয়ের কথাই
মনে পড়ে যায়। অনেক তারায়-ভরা আকাশে একটি চাঁদের মত
উজ্জ্বল। তবু অশোক উপহাস করতে ছাড়ে না। সোজানুজি উত্তর
এখানে দেওয়া চলে না। বলে, পৃথিবীর কোন বস্তিতে মেয়ে নেই?

অশোক প্রশ্নটা ঘোরাতে চেষ্টা করলে কি হবে, শোভা
সোজানুজি প্রশ্ন ক'রে বসলো। চাপা হাসির সঙ্গে বললে, হ্যাঁ রে,
তুই তার কাঁদে পড়িস নি ত?

অশোক কথায় হারবার নয়। বলে, মেয়েরা কাঁদ পাতে একথা
তোমরাই বল দিদি, আমরা বলি না...

—যাক, শোন বলি...বাবা আর মেসোমশাই দুজনেই তাড়া

করছেন... ওঁরা একটা দিন ঠিক করুন...তোর মত আছে ত? শোভা শুধু হাসির ছলেই বলছে না এবার, ওর স্বরে খানিকটা গান্ধীর্ষের আভাস!

অশোক কিন্তু তবু হাসে। বলে, পাত্রপাত্রী কেউ পালাচ্ছে না, তুও কারো বদলারনি...শাঁক টোপর ধুতি শাড়ী সবই পাওয়া যাবে ব্র্যাকমার্কেটে। ছুদিন দেরি করলেও পাজীতে আরো অনেক তারিখ আছে...

শোভা এবার হাসে। না হেসে পারে না অশোকের কথা শুনে। বলে, তোর সঙ্গে কিছুতেই কথায় পেরে উঠবো না।...

রায়বাহাদুরের বাড়ীর উপরতলায় বৈঠক বসেছে রোজের মত। আজকের আসরটা ঘরোয়া। তাই উপস্থিত লোকের সংখ্যা অল্প। কেবলমাত্র নিখিল ডলি আর হেমনলিনী।

নিখিল সবেমাত্র এসেছে। এসে প্রথম নজরেই হেমনলিনীকে বলে উঠল, আজ আপনাকে খুব সুস্থ দেখাচ্ছে...মানে খুব ব্রাইট মিসেস চৌড়ি!

হেমনলিনী কিন্তু মোটেই প্রসন্ন হন না কথাটা শুনে। ব্যারিষ্টারের কাছ থেকে স্বাস্থ্য সম্বন্ধে সার্টিফিকেট পাওয়ার কোন মূল্য নেই তাঁর কাছে। বলেন, তুমি ত বাবা ডাক্তার নয়, তোমার কথায় ভরসা পাই নে।

নিখিল মনে মনে একটু ক্ষুণ্ণ হচ্ছে দেখে ডলি হঠাৎ মুখের ওপরই প্রশ্ন ক'রে বসে, আমাকে দেখাচ্ছে কেমন নিখিলবাবু?

ও-কোণের কোচের গর্ভ থেকে শরীরটাকে তির্যকভাবে বাঁকিয়ে এক বিচিত্র ভঙ্গীতে লক্ষ্য করছে ডলি নিখিলকে! প্রশ্নের খোঁচাটা শুধু ওর মুখে নয়, ওর ভঙ্গীর মধ্যেও।

নিখিল ডলিকে ভাল ক'রে দেখতে কেমন একটু লজ্জা পায়। তবু জোর ক'রে বলে, ওঃ, গড্, মায়ের সামনে আমাকে লজ্জায় ফেলতে চাও তুমি—

ডল্লি হো হো ক'রে হেসে ওঠে। তার...তাই তোমরা চেঁচাও
নিজেই সে যথেষ্ট সচেতন হয়ে উঠেছে। নি
জ্ঞেই বোধ হয় ডল্লি বেশী ক'রে হাসে।

এমনি সময়েই অশোক এসে ঢোকে দরজা দি। ডল্লি না থেমেই
সাজগোজ ফিটকাট! সেজেগুজে আসর জমাতেই
আজকে।

নিখিল ওকে প্রথম রিসিভ করে। সকল সময়েই ওর স^{মনলিনীর}
ভাবটা লক্ষ্য করবার মত! এগিয়ে গিয়ে নিখিল বলে, এসো ডি^{কোন}
—গুড্ ইভ্ নিং।

হেমনলিনী কোচের মধ্যে নেচে ওঠেন আনন্দের আতিশয্যে।
বলেন, এই যে অশোক...এসো বাবা, তোমার জ্ঞেই বসে আছি—

অশোক হাসতে হাসতে বলে, আজ কিন্তু এসেছি ঠিক কাঁটায়
কাঁটায়—

—আজ তেরো মিনিট দেরি হলে মা কি আর বাঁচতেন? ডল্লি
ওপাশ থেকে বলে ওঠে হাসির ফাঁকে ফাঁকে।

খুব তাড়াতাড়ি কথা বলা অভ্যেস ডল্লির। তাই হাসির সঙ্গে সঙ্গে
ও যখন কথা বলে ঝরগার ফেনিল জলের মত মনে হয় ওকে
অশোকের। কী যে ভাল লাগে তখন ওকে দেখতে।

অশোক তাই ডল্লির দিকে একবার না তাকিয়ে পারে না।
অনেক অর্থে-ভরা সে দৃষ্টি।

চকিত হলেও নিখিলের দৃষ্টি এড়ায় না অশোকের এই ভাব পরি-
বর্তন। নিখিল বলে, মানে উণ্টো কথাটাও আছে। অশোকের দিক
থেকে বলছি...এক মিনিটও দেরি করতে পারে না অশোক—বলতে
বলতে আড়চোখে লক্ষ্য ক'রে নেয় ও ডল্লিকে, অশোককে।

অশোক বিচলিত হয়। ডল্লির কি হয় বোঝা যায় না।

আশাক বলে, কী বকছো নিখিল পাগলের মতন... এগিয়ে যায়
ও হেমনলিনীর দিকে। পরীক্ষা করবার জ্ঞে।

নিখিল বলে, বকছি নে ডাক্তার...এ স্টক অব্ লাক্, হেসে

৷। তোমরা যেদিন হাসবে না...আমি
দিনও হাসবো—বলতে বলতে নিখিল উঠে
। নেয় স্ট্যাণ্ডটা থেকে ।

., বেশ কাজ বেছে নিয়েছো ত ?

জটা মন্দ নয়...লোক হাসাবার কাজ । এতে পুরস্কার
ও পোষায় না... শুধু লোক হাসে । নিজেকে সঙ্-
লোক হাসানোও ভাল কিন্তু মিছিমিছি তাদের কাঁদিয়ে কোন
নেই ডাক্তার ।

নিখিল চলে যায় ঘর থেকে । অদ্ভুত আজ তার কথা বলার ধরণ ।
অদ্ভুত চলে যাবার ভঙ্গী । কেউ একটা কথা পর্যন্ত বলে না ।
নিখিলের চলে যাওয়ার দিকে তাকিয়ে থেকে এক মিনিটের মধ্যে
অগ্নমনস্ক হয়ে পড়ে অশোক ।...ডলি তার কিউটেস্ক মাখানো পায়ের
বুড়ো আঙুলটা ম্যাটিংয়ের নক্সার ওপর দিয়ে বুলাতে থাকে ।

মুঘলধারায় বৃষ্টি হতে হতে হঠাৎ থেমে গেলে কেমন যেন থমকে
পড়ে আকাশটা ।

হেমনলিনী স্তব্ধতা ভঙ্গ করেন । বলেন, বাবা অশোক...তোমার
মনের কথা না পেলে আমার পায়ের ব্যথা কিছুতেই সারবে না ।

ডলির হাসির অস্পষ্ট আওয়াজ শোনা যায় । সেই সঙ্গে সঙ্গে
কথা ।—দেখেছো, মা তোমাকে বিশ্বাস করেন না ।

ফেনিল ঝর্ণাজলের দিকে তাকায় অশোক । হাসিতে উজ্জ্বল হয়ে
ওঠে তার মুখখানা । বলে, এ যুগের ছেলেমেয়েরা অনেক সময় যে
অবিশ্বাসের কাজ করে...মায়ের দোষ কি ?

অশোক আবার হেঁট হয়ে পরীক্ষা করতে থাকে হেমনলিনীকে ।

ডলি বলে, তুমি কোন যুগের ?

—আমি ? চিনতে পারা কঠিন ।

—তাহলে এটা তোমার ছদ্মবেশ বলা ।

অশোকের মনে হয় একবার মুখ তুলে ডলির মুখখানা দেখে,
আবার কি মনে ক'রে মুখ তোলে না । হেঁট হয়েই জবাব দেয় ডলির

কথার। বলে, ছদ্মবেশটা খুলে ফেলেছি...তাই তোমরা চেপ্টাও পারছো না...এমনতও হতে পারে।

—পুরুষের পোষাকটা বড় তাড়াতাড়ি বদলায়! ডলি না থেমেই জবাব দেয়। বুড়ো আঙুল দিয়ে ম্যাটিং ঘষার একটা অস্পষ্ট আওয়াজ শোনা যাচ্ছে।

অশোক ইচ্ছে ক'রেই এ কথার জবাব দেয় না। বরং হেমনলিনীর দিকে চেয়ে আগ্রহের সঙ্গে বলে, বেশ আছেন আপনি....কোন ভাবনা নেই....।

হেমনলিনীঃস্বযোগ ছাড়েন না। বলেন, বাবা, অশোক...আমার যে বড় সাধ তুমি ত জানো সব...তোরো মিনিট দেরি হলে যদি বা বাঁচি তেরো বছর দেরি হলে যে একেবারে অক্লা পেয়ে যাবো বাবা...

বয়েস হলে কি হয় হেমনলিনী বেশ গুছিয়ে কথা বলতে পারেন এখনও। অশোক গুঁর কথায় শুধু হেসে নেয় খানিকটা, কোন জবাব দেয় না। তারপর ব্যাগটা তুলে নিয়ে বেরিয়ে যায় ঘর থেকে ধীরে ধীরে।

ঘন অন্ধকার রাত্তিরে ঝর্ণার ধারে বসে থাকলে জলশব্দে বুকের ভেতর কেমন একটা অজানা ভয় থমথম করতে থাকে। ডলির মুখে তেমনি ধরনের একটা থমথমে ছায়া। আহত মুখে বসে থাকে ও চুপ ক'রে।

বরাবর লাইব্রেরী ঘরের সামনে দিয়ে সিঁড়ির দিকে চলে আসছিল অশোক। লাইব্রেরী ঘরে রায়বাহাদুর বসে কি যেন পড়াশুনা করছিলেন। অশোককে দেখে ডাক দেন, তোমাকেই খুঁজছিলুম অশোক।

দাঁড়াতে হয় অশোককে। ইচ্ছে না থাকলেও। ইচ্ছে না থাকাটাই স্বাভাবিক। কারণ অশোকের আন্দাজ করতে দেরি হয় না একটুও যে কী ধরনের কথাবার্তা তাদের মধ্যে হতে পারে। তবু অশোক দাঁড়ায়। বলে, বলুন!

রায়বাহাদুর কাজের লোক। হরিচরণের সঙ্গে ভণিতা করলেও অশোকের সঙ্গে কোনরকম ভণিতা না ক'রেই সোজাসুজি বলে

নানা লোকে নানা কথা বলে, তুমি আর ঐ বস্তিটার ঘেরো
গা—

অশোক না হেসে পারে না। সহাস্তে বলে, আমাকে নাবালক
মনে করেছেন আপনারা। এটা ভুলে যান যে আমি ডাক্তার, ডাক
পড়লে যে কোন জায়গায় যেতে হবে।

দরজার পর্দার আড়ালে বাইরে থেকে আর-একটা ছায়া নড়ে ওঠে।
সে ডলি। ওরা কেউ লক্ষ্য করে না ডলিকে। অন্তায় হলেও, কৌতূহল
দমন করতে না পেরে ডলি উঠে এসে দাঁড়িয়েছে।

রায়বাহাদুর বলেন, কিন্তু ওখানে তুমি আনাগোনা করলে কত
লোক কত কথা রটায়—মানে, এ বাড়ীতে তোমার যাতায়াত
আছে কিনা—

—এ বাড়ীতে যাতায়াত থাকলে যে বস্তিতে গিয়ে কোন কাজ
করা যায় না...এ আমি জানতুম না। দূঢ় অথচ সাবলীলভাবেই বলে
চলে অশোক।

ডলির ছায়াটা নেপথ্যে আবার ছলে ওঠে। ডলি দাঁড়ায় না আর
ওখানে। সরে যায় অত্ৰ দিকে।

—রাগ কোর না অশোক। একটু স্নেহভরে বলেন রায়বাহাদুর—
রাগ কোর না তুমি। ডলির কানে এ সব উঠলে সে দুঃখ পাবে।...

—ডলির দুঃখ বাঁচিয়ে চলতে গেলে আমাকে অনেক কাজ বাদ
দিয়ে চলতে হয়!...আপনারা সবাই মিলে আমাকে আগলে না
রাখলেই আমি খুশী থাকবো...

ধৈর্য সীমার বাইরে চলে যাচ্ছে রায়বাহাদুরের। দেহ মন উষ্ণ
হয়ে ওঠে। গলার স্বরেও সে ঝাঁজ ফুটে ওঠে। একটু গলা চড়িয়েই
বলেন তিনি—কিন্তু তুমি ডলির সমাজের যোগ্য হবে এত ত আশা
করি—

এই মুহূর্তেও অশোক হাসে। বহু দুঃখ আর মৃত্যুর শূন্যতার মাঝে
সে হাসির উৎস খুঁজে পেয়েছে। তাই এই অনুচ্চারিত হাসি বড়
সহজ। একটুখানি হাসির রেশ বজায় রেখেই অশোক বলে, ডলির

সমাজের কিসে যোগ্য হওয়া যায় আমি জানি নে, জানবার চেষ্টাও
করি নে...সময়ও কম !...আচ্ছা আসি...নমস্কার !...

স্নায়বাহ্যিক ঠক ঠক ক'রে কাঁপেন। রাগে নয় দুর্বলতায়ও বটে !

সমস্ত পৃথিবীটা বৃষ্টি সূর্যের কক্ষচ্যুত হয়ে যাচ্ছে !

অশোক বেরিয়ে আসে বাড়ী থেকে। সামনে মশমলের মত চক-
চকে নরম লন। অদূরে টেনিস কোর্ট ! আশেপাশে ফুলের স্তবক !
অশোক দেখছে না কিছুই। বস্তির অন্ধকার কী ভীষণ। আর সেখান-
কার সেই বিষাক্ত হাওয়া—মানুষের নোংরা গা আর নোংরা কাপড়
জামার ভ্যাপসা গন্ধ আর নর্দমার পচা জল...অশোকের দম আটকে
আসছে !...

ওদিকে একটা ক্রিসেস্টিমামের ঝোপ। এই লালচে ক্রিসেস্টিমাম
ডলির খুব প্রিয়। লালচে ক্রিসেস্টিমাম বড় একটা দেখা যায় না।
ডলির পছন্দ বলে অনেক কষ্টে সংগ্রহ ক'রে লাগানো হয়েছে।
কতদিন এই ঝোপের ধারে ডলিকে দাঁড়িয়ে থাকতে দেখেছে সে।
তাই আসতে যেতে ক্রিসেস্টিমামের ঝোপের "দিকে নজরটা তার
আপনা থেকেই পড়ে। তার মাঝে ডলিকে ত সে দেখে না...।
দেখে সেই বর্ণার ফেনিল জল আর তার ধারে ধারে ছোট ছোট লাল
ক্রিসেস্টিমামের চুমকি—

ডলি আজ নেই সেখানে। অশোক এগিয়ে আসে। ড্রাইভটা
ঘুরলেই গেটের মুখে এসে পড়বে।...ড্রাইভের বাঁকেই ডলি দাঁড়িয়ে।
ওকে দেখে এগিয়ে আসে সোজা হুজি। অতদিন ক্রিসেস্টিমামের ঝোপ
ঠেলে ডলি আসতো। ফুলের ডালগুলো ছলতো কিছুক্ষণ। আর
আজ নেহাত ফাঁকা ফাঁকা ঠেকে অশোকের। ডলি তাড়াতাড়িই
একিয়ে আসছে। তার শান্তিনিকেতনী চটিটার ফাঁক দিয়ে কিউটেন্স
লাগানো বুড়ো আঙুলটায় কখন যে হঠাৎ এক ফালি সূর্যের আলো
এসে পড়ে চকচক ক'রে উঠল অশোকের দৃষ্টি আলগাছে তার
ওপরই গিয়ে পড়ে।...সবই নতুন লাগছে আজ।

ডলি বলে, কি যেন বড় বড় কথা হচ্ছিল তোমাদের ?

—ওঃ, মস্ত মস্ত কথা। অশোক হাসে।—আমি আজকাল খুব মস্ত পণ্ডিত হয়ে উঠেছি জানো ডলি?...

—খুব জানি। পণ্ডিত বলেই ত এত ঝগড়াটে। এত ঝগড়া শিখলে কোথেকে ? ছেলেমানুষের মত আবদারে সুরে বলে ডলি।

—আমার নামে এত গুজব—আর ঝগড়া কোথেকে শিখলুম শোন নি ? ইচ্ছে ক'রেই খোঁচা দিয়ে বলে অশোক।

—তুমি আগের চেয়ে অনেক বদলে গেছ অশোক।...বর্ণা নয়, খুব শীতল শাস্ত্র হৃদের মত ডলির স্বর।

—সম্ভব ! মানুষ বদলায় তার পথও বদলায়।

—তোমার এ কথার মানে কি অশোক ? ডলি একটু ব্যাকুল, একটু উষ্ণ।

—বুঝতে চাইলে মানে খুব সোজা !

অশোক যেন আজ শুধু ঝগড়া করবেই।

—কিন্তু তোমার বস্তিতে যাওয়া আমারও পছন্দ নয়। ‘আমারও’ কথাটার ওপর ডলি তার সমস্ত অন্তর দিয়ে চাপ দেয়।

—তোমাকে পছন্দ করতেই হবে, এমন কথা বলি নি !

—তার মানে তুমি আমার কথা গুনবে না !

—বাবার কথাও গুনি নি।

অল্প হাসি লেগে ক্রিসেস্থিমাম অল্প অল্প তুলছে। অশোক সেই দিকে চেয়েই বলে।

—তবু আমার কথা তোমাকে বলে দিচ্ছি...তোমার বস্তিতে যাওয়া...সেখানে মেয়েছেলের সঙ্গে মেলামেশা আমার একেবারেই মত নেই।

সম্পূর্ণভাবে চেয়ে আছে ডলি অশোকের দিকে।

ক্রিসেস্থিমামের এত আলো আছে কি যে অতদূর থেকে অশোকের চোখে পড়বে ?

—আর কিছু বলবে ?

—আর তুমি আমার মান খোয়াবে...এ আমি সহিবো না !

ডলি মুখ তুলে দেখল অশোক নেই। গেটের দিকে এগিয়ে গেছে।

দমকা হাওয়ার ভেজানো দরজা হঠাৎ খুলেই আবার ভুম ক'রে বন্ধ হয়ে যায়। সেটা হাওয়ার গুণেই।

॥ ৭ ॥

অনু কিছুতেই বুঝবে না। ওর ধারণা অশোকের এই পরিকল্পনা কার্যকরী হবার নয়।

অশোক বোঝাচ্ছে অনুকে। এক গাদা কাগজপত্র বের করে বলে, এই দেখো আমাদের কাজের মোটামুটি খসড়া...আর দরখাস্তের কপিগুলো সব দেখো। দরখাস্তগুলো সব কর্পোরেশনে পাঠিয়ে দিয়েছি।

—এসব কাজের বিপদ কি জ্ঞানেন? বিশ্বেশ্বর মত প্রশ্ন করে অনু।

—বিপদ কিসের?

—এদের লোভ আপনি বাড়িয়ে তুলছেন...এরপর এদের খিঁধে মেটাতে পারবেন?

—তাই বলে এই নোংরামির মধ্যে চুপচাপ তোমরা সবাই বসে থাকতে চাও, কেমন? অনেককাল মুখ বুজে পঁাকে পড়ে আছো, এবার একটু চেষ্টা ক'রেই দেখো না। কৃত্রিম রাগের সঙ্গে বলে অশোক।

বাইরে থেকে লোকের কোলাহল শোনা যায়।

—গোলমাল কিসের? প্রশ্ন করে অশোক।

—আপনার ওষুধের দোকানে ভিড় লেগেছে। মালপত্র এসে গেছে বোধ হয়।

নাই নাকি? এসো দেখি ত একবার।

ওরা ছুজনে বেরিয়ে আসে ঘর থেকে।

কিছু কিছু জিনিসপত্র এসে গেছে এর মধ্যেই। বড় বড় কিনাইলের টিন। ব্রিটিশ পাউডারের প্যাকেট।

একটি লোক অনভ্যস্ত হাতে কিনাইলের টিন নিয়ে উপুড় ক'রে দেয় এক জায়গায়। উৎকট গন্ধ ছড়িয়ে কিনাইল গড়িয়ে যান খানিকটা। সামান্য একটু গলে, বাকিটা তেলের মত গড়ায়।

অশোক চৈঁচিয়ে ওঠে, আরে না না না, অমন ক'রে কিনাইল দেয়?
—আজ্ঞে বাবু...খতমত খেয়ে যায় লোকটা।

অশোক এগিয়ে এসে টিনটা তুলে ধরে। বলে, আগে জলে ঢেলে গুলে নিয়ে তারপর ছিটিয়ে দিতে হয়...। আরে আরে, তুমি আবার পাউডার নষ্ট করছো কেন এমন ক'রে? জানো আজকাল ব্লিচিং পাউডার পাওয়া যায় না?...।

একটা লোক মুঠো মুঠো ক'রে ছড়াচ্ছিল সে-ও দাঁড়িয়ে পড়ে বোকার মত।

অশোক এগিয়ে গিয়ে তার হাত থেকে পাউডারগুলো কেড়ে নিয়ে নিজে ছড়িয়ে দেখিয়ে দেয়। ছড়াতে ছড়াতে বলে, তোমাকে একবার দেখিয়ে দিয়েছি না...মনে থাকে না কেন?

—আজ্ঞে ডাক্তারবাবু, সাত জন্মে চোখেও দেখি নি...মনে থাকবে কেমন ক'রে।

অনু এতক্ষণ দাঁড়িয়ে দাঁড়িয়ে দেখছিল। কোন কথা বলেনি। লোকটার বলার ধরন দেখে বলে, দেখো খেয়ে ফেলো না যেন।

সকলে হেসে ওঠে চারিদিক থেকে।

এমন হুস্থ হাসি হাসে নি অনেকদিন ওরা।

অশোক হাসে। হো হো ক'রে হেসে ওঠে ধমক দিয়ে।

ক্রিসেস্থিমামের মত লালচে সে হাসি।

ওদিকে ছুটি নীচু স্তরের স্ত্রীলোক কি যেন বলাবলি করে। একজন বলে, আ মর, বলছি যে ওগুলো পাউডার...

আর একজন বলে, একটু মেখে ছাখ না কেন লা।

—দাঁড়া দেখ।

এদিক ওদিক তাকিয়ে পা টিপে টিপে এগিয়ে আসে ও, তারপর এক খাবলা পাউডার তুলে নিয়ে গা ঢাকা দেয়।

কেউ লক্ষ্য করে না ওকে । করবার কুসঙ্গ নেই কারও । সকলে তখন এক অজানা আনন্দে মেতে উঠেছে ।

ঐ সাদা পাউডার সাদা কিনাইল গোলা জলের মত সাদা হয়ে আসছে যত কিছু কালো ।...

অশোক ওদিকে হাঁকাহাঁকি ডাকাডাকি জুড়ে দিয়েছে ।

কে একজন নর্দমা মাড়িয়ে ঘরে ঢুকছিল । তাকে দেখে চীৎকার ক'রে ওঠে অশোক—বলি ওহে কৰ্তা, নর্দমা মাড়িয়ে ঘরে ঢুকছো যে...পা ধোও ।...

—এই যে ধুই । লোকটা বাধ্য হয়েই দাঁড়ায় । অনিচ্ছা থাকলেও অশোকের ছকুম অমান্য করতে সাহস করে না কেউ আজকাল । লোকটা এগিয়ে আসে অশোকের দিকে । বলে, আচ্ছা ডাক্তারবাবু, চারটি খড় আমাকে দিতে পারেন ঘরের চালাটা ছেয়ে নেবো...

—খড় দেবো, চাল দেবো...কাপড় দেবো...ওষুধ দেবো...সবই চাও বুঝি ? কাজ করতে পার না ? অশোক রীতিমত ধমকে ওঠে । মানুষগুলো তার হাতের মুঠোর মধ্যে...এমনি মনে হয় আজকাল !

—আজ্ঞে, কাজ করলে ত সবাই পায় ।...না ক'রে পেলেই ত লাভ ! লোকটা নেহাত বেয়াড়া । অনু হাসতে থাকে ওর কথা শুনে । আড়চোখে অশোকের দিকে তাকায় । হাসিটা অশোককে উপলক্ষ্য ক'রেই ।

অশোক বোঝে কেন অনু হাসছে । আজকাল অনু এত সহজ হয়ে এসেছে ওর কাছে । রেগে ওঠে ও ভয়ানক রকম । চীৎকার ক'রে বলে, বটে, আমি এসে তোমাদের নোংরা ঘাঁটবো আর তোমরা চুপ ক'রে বসে থাকবে ?...কাজ করলে বকশিশ পাবে বুঝলে ?

• লোকটা আর জবাব দেয় না । ঘাড় নেড়ে চলে যায় আপনার ঘরের দিকে ।

আর একটা লোক চট্ ক'রে এগিয়ে আসে কোথেকে । চুপি চুপি বলে, ডাক্তারবাবু ও বেটা নাপতে ভারি চালাক...পয়সা কড়ি ওর হাতে যেন দেবেন না...মেরে দিয়ে চম্পট দেবে...

—তাই নাকি ? অশ্রমনস্ক হয়ে বলে অশোক ।

—তার চেয়ে আমাকে দিন ছোটো টাকা...দেখবেন আপনার এই বস্তিকে একেবারে ঠাকুর ঘর বানিয়ে ছেড়ে দেবো—

লোকটা যেন বিগলিত হয়ে ওঠে । নিজের কথায় নিজেই যেন উৎসাহিত হয়ে ওঠে ।

অশোক বলে, বেশ দেবো, আগে নর্দমটায় বুরুশ লাগাও দেখি ?

—যে আজ্ঞে ।

বুরুশ ঘাড়ে ক'রে দৌড়য় লোকটা । কিছু একটা সে যেন ক'রে বসবেই, আর একটা লোক ছুটে আসে অশ্র দিক থেকে ।—দেখলেন ত ডাক্তারবাবু, দেখলেন—আমি বলেছিলুম...ওই যে হলধর চমপটি, ওকে বিশ্বাস করবেন না...আপনার ওষুধের দোকান থেকে এক শিশি কুইনাইন নিয়ে স্ট্রেক চম্পট...

অশোক যেন হকচকিয়ে যায় । এর থেকে নিখিল রায়কে tackle করা সহজ ! রেগে মেগে বলে, আমরা কতদিক সামলাবো...তোমরা চোখ রাখতে পারো না ?

লোকটা আপনার ঝোঁকেই বলে চলে, ওকে ধরলে কি আর স্বীকার পাবে ? ও ভারি ধূর্ত, বেচে মেরে দিয়েছে—

অশ্র ওদের চেনে । তাই মোটেই বিব্রত হয় না ওর কথায় । বরং উল্টে ওকেই চাপ দেয় । বলে, তুমিও যে সেদিন ছোটো নতুন বুড়ি নিয়ে গেলে...কি করলে ?

অশ্র দেহ ঘিরে এক অপূর্ব দৃষ্ট ভঙ্গী ।

লোকটা এবার থতমত খেয়ে যায় ।...আজ্ঞে আমি চুরি করি নি...শুধু না বলে নিয়ে গেছি । চাইবার আগেই আবার ফিরিয়ে এনে দেবো ।

বলতে বলতে পিছু হটেতে থাকে লোকটা । তারপর কখন নিঃশেষে মিলিয়ে যায় ভিড়ের মাঝখানে ।

অশোক হাসে হো হো ক'রে ।

একমাত্র হাসি দিয়েই জয় করতে হবে এদেরকে ।

তবু মৃত্যুর মধ্যস্থতায় ওদের সঙ্গে সম্পর্ক।

অশোক চেয়ে দেখে অনু অবাচ হয়ে তার হাসির দিকে চেয়ে
আছে।

বস্তির মাঝখানে ক্রিসেস্টিয়াম ফোটানো যায় না কি ?

হরিচরণবাবুর শেষ চেষ্টা চলেছে। যে ক'রে হোক অশোককে
ফেরাতেই হবে। তা না হলে সমাজে তাঁর মান থাকে না। তাঁরই
ছেলে অশোক। তাঁরই শিক্ষায় তাঁরই নিজের বাড়ীর আবহাওয়ার
মধ্যে তাঁরই সমাজে কেন্দ্রীভূত হয়ে সে মানুষ—সে অশোকই আজ
নেমে যেতে বসেছে। ভাবতে গিয়ে অস্থির হয়ে ওঠেন হরিচরণ।
ভাবাও যায় না ঠিকমত। কেবল একটা বেদনাদায়ক অনুভূতি
মনটাকে খুঁচিয়ে ক্ষতবিক্ষত ক'রে দিচ্ছে যেন।

শোভাই একমাত্র অবলম্বন হরিচরণের। অশোকের মা নেই। মা
ধাকলে হয়ত অশোক এমনটা হয়ে যেতো না।...নিজেকে অত্যন্ত
দুর্বল মনে হয় হরিচরণের।...শোভার ওপর ভরসা ক'রেই চেষ্টা
করতে হবে তাঁকে।...

সকলেই আছে ঘরের মধ্যে। হরিচরণ আছেন, শোভা আছে,
অশোকও আছে।...আজকাল কেমন যেন হয়ে গেছে ওদের সম্বন্ধটা।
পরস্পর পরস্পরকে সন্দেহের চোখে দেখে মনে মনে। খুব উঁচু পর্দায়
ঝঙ্কার দিয়ে বেজে উঠেছিল তারের যন্ত্রটা—তারই মাঝে হঠাৎ কোন
একটা তার ছিঁড়ে গেছে। এত সূক্ষ্ম সে তার যাকে চট ক'রে ধরা
যাচ্ছে না ঝঙ্কারের মধ্যে...কিন্তু অনুভূতিটা আছে।...

• ঐ একই সম্বন্ধে আলোচনা চলছে। আজকাল ঐ বস্তির ব্যাপার-
টাই তাদের আলোচনার একমাত্র বিষয় হয়ে উঠেছে।...

হরিচরণ একটু গম্ভীরভাবেই বলছেন,—আমি খোঁজ নিয়ে
দেখলুম...ও সব ছোটলোকের জায়গা, তুমি ওখানে গেলে তোমার
মান থাকবে কেন?...লোকে আমাকে নানা কথা বলছে—

অশোক আজ আর হাসে না। হাসবার সময় নেই আর। বলে,
একদিন আপনিও ত ডাক্তার ছিলেন বাবা।

—হ্যাঁ, তা ছিলুম। তবে ওসব নোংরা জায়গায় কখনও যাইনি।
—অতীতের আভিজাত্য-গর্বে হরিচরণের মুখ কেমন স্ফীত হয়ে
ওঠে—তুমি বিলেত ফেরত ডাক্তার, তোমার কত নাম...কত বড় বড়
লোক আসে তোমার এখানে...তুমি যাবে কেন ওখানে অশোক।

হরিচরণের আভিজাত্য যেন আর্তনাদ ক'রে উঠছে অলক্ষ্যে।

বর্তমান রূপ নিচ্ছে। উচ্ছ্বসিত বহুবার মত প্রগলভ সে রূপ।

অশোক অনমনীয় কণ্ঠে বলে, কিন্তু এ দেশটা গরীবের, আপনি
ত জানেন। এত নোংরায় ওরা পড়ে থাকে দেখলে লজ্জা করে।
যদি ওদের জন্তে কিছু করা যায়—

শোভা এতক্ষণ চুপ ক'রে ছিল। অশোক উত্তেজিত হয়ে উঠছে
দেখে একটু স্নেহভরে বলে, তুই কেন যাবি ভাই ওদের মধ্যে...অন্ত
ডাক্তারও ত আছে।

—সকলের চোখে সব জিনিস পড়ে না দিদি। তোমাদের টাকা
আছে, সুবিধে আছে তোমরা বেশ ভাল ক'রে বাঁচতে জানো...কিন্তু
ওরা না বাঁচলে আমরা দাঁড়াবো কোথায় বলতে পারো?

হরিচরণ চমকে ওঠেন। এ যেন অশোক নয়, অগ্নি কেউ কথা
বলছে তাঁকে ঠকিয়ে।

হরিচরণ চীৎকার ক'রে ওঠেন—এ আমি দেখছি তোমরা সবাই
মিলে একটা হইচই বাধিয়ে তুললে! তুমি বস্তিতে ঢুকে নিজের
হাতে ঝাঁটা আর বালতি নেবে...আর ঐ ছোটলোকের দল তোমার
মাথায় হাত বুলিয়ে—হরিচরণ শেষ করতে সময় নেন...

অশোক বলে, বাবা আপনি ঠিক বুঝতে পাচ্ছেন না।

হরিচরণ মনে মনে উষ্ণ হয়ে উঠলেও মুখে অনেকটা সহজ ভাব
দেখাতে চেষ্টা করেন। মাথা নীচু ক'রে বলেন, কেমন ক'রে বুঝবো
বলো বিলেত ফেরত বড় ডাক্তার...কিনাইলার বোতল নিয়ে বস্তিতে
ঘুরে বেড়ায়...এটা বুঝতে আমার দেরি হবে কেন বলো?...

কথাটা কতদূর গড়াতো বলা যায় না। হঠাৎ ডলি আর রুণ এসে
টুকলো করে। হাওয়াটা বদলে যায় হঠাৎ।

এসো মা এসো। হরিচরণ আদর ক'রে ডাকেন ওদেরকে।

শোভা একটু অবাক হয়েছে, বলে, হঠাৎ যে? পথ ভুলে?

—হঠাৎ নয় দিদি। ডলি তার স্বাভাবিক চাপল্যের সঙ্গে বলছে
থাকে—মেসোমশাইকে একটা খবর দিতে এলুম।

—কি মা? ব্যস্ত হয়ে ওঠেন হরিচরণ।

—একটা জিনিস আবিষ্কার করেছি। আপনারা সবাই ভীষ জোর
লোক।

—এই কথাটি বলতে এতদূর ছুটে এলে? শোভা অপ্রস্তুতের
বলে বসে। ঠাট্টা ক'রেই বলে হয়ত! সকলেই হেসে ওঠে ওর কথায়।

হঠাৎ অশোক মুখ ফিরিয়ে বলে, ছুটে আসা খুব সহজ দিদি...
বড়লোকের মেয়ে নিজের মোটর, ব্ল্যাকমার্কেটের পেট্রোল—

অশোক এমনভাবে কথাগুলো বলে যে মনে হয় তার কথা সবাই
শুধুক এইটাই সে চায়। ওর কথার মধ্যে বিদ্রূপ থাকলেও এই
ব্যাকুলতা টুকুও যেন প্রচ্ছন্ন হয়ে থাকে।

সকলেই আবার হেসে ওঠে।

হাসতে হাসতে খানিকটা গাঙ্গীরের ভান ক'রে ডলি বলে,
মেসোমশাই আমি বলি ওঁকে আপনারা কেউ কিছু বলবেন না।
ওঁর সখ হয়েছে বস্তি উদ্ধারের—উনি করুন! বেশ লাগে, নতুন
কাজ ত বটে—

বর্ণার জলে আবার শ্রোত লেগেছে। ফেনিল জল ছিটিয়ে
পড়ছে চারদিকে।

• অশোক শুধু শোনে না, চেয়ে চেয়ে দেখেও।

রুণ এতক্ষণ কোন কথা বলেনি। ডলি যেভাবে অশোককে
কথা শোনাচ্ছে আর অশোক না বাধা দিয়ে শুনেছে রুণ তাতে আরও
কিছু বলার জন্তে উৎসাহিত হয়ে ওঠে।

রুণ বলে, এই ধরুন, লোকে সখ ক'রে চিড়িয়াখানায় যায়—

—হ্যাঁ, রুণু ঠিক বলেছে। আমোদ পেলেই ত হল! এমনভাবে সায় দেয় ডলি রুণুর কথায় যে মনে হয় যাই বলুক রুণুর কথায় যে কোনভাবেই সায় সে আজকে দেবেই।

হাসির হট্টগোলের মধ্যেও সকলেই কেমন যেন অস্বস্তি বোধ করে।

হরিচরণ সবার মাঝে হঠাৎ উঠে পড়েন। তাঁর উপস্থিতির স্নর প্রয়োজন নেই। যাবার সময় শোভাকে ডেকে বলেন, এদের বত্ৰা দাও মা।

অস্বচরণের পিছন পিছন শোভাও বেরিয়ে যায়। যাবার তাগে বলে, তোমরা বসো ভাই...এই চিড়িয়াখানা থেকে যেন পালিয়ে না আবার।

একলা পড়ে গেছে অশোক। আগে আগে হলে সেটা মোটেই নতুন ঠেকতো না, বিচিত্র লাগতো না। কিন্তু আজকাল সব বদলাচ্ছে। অতি নিকট অতি পরিচিত মানুষগুলোর মধ্যেও কেমন যেন অস্বস্তি লাগে।

বনে বনে যখন বসন্ত জাগে তখন সে কি নতুন জাগরণ আর শিহরণের পালা...। তারপর সেই বসন্তই পুরানো হয়ে আসে।

গাছে গাছে আঝোরে ফুল বারায়! যে গাছে ফুল জেগেছিল! ...রুণু বলে, দয়া ক'রে এবার একটু মুখ ফেরান মশাই!—

অশোক হাসিমুখেই ওদের দিকে চেয়ে দেখে। হয়ত বলতেও চায় কিছু। কিন্তু ডলি অদ্ভুতভাবে কথা বলছে আজ। তাড়াতাড়ি ও বলে ওঠে, না রুণু, ওঁকে একটু গম্ভীর থাকতে দাও...উনি ত আর তোমাদের মতন ছেলেমানুষ নন...উনি বড় ডাক্তার...বিলেত ফেরত...

নিতান্ত ছেলেমানুষের মতই কিন্তু আবোল-তাবোল কথা বলছে ডলি। বর্ষান্নাত আকাশটার মত দেখায় ডলিকে। যেখানে যেখানে মেঘ ঘুচেছে সেখানে সেখানে নির্মল নীলের হাতছানি।

অশোক হঠাৎ বলে বসে, কথাবার্তাগুলো মন্দ নয়। তবে কে কার জন্তে ঘটকালি করছে বুঝতে পারছি নে—

বর্ণার স্রোতমুখে এক টুকরো পাথর। পাথরকে দ্বিটো কচলাতে
আরও চঞ্চল আরও উচ্ছ্বসিত হয়ে ওঠে।

—হয়েছে! এবার দয়া ক'রে একটু মুখ খুলে হাসো...স
গোমড়া মুখ দেখে দম আটকে এল...বাবারে বাবা...বস্তি বা
বস্তি! পৃথিবীতে যত বস্তি আছে সব ঠিকানা তোমাকে এনে
দেবো—

ডলির কথা শুনে অশোক আর রুণু হেসে ওঠে।

ডলি থামেনি তখনও। অশোকের হাসি দেখে আরও জোর
গলায় বলে, মানুষ পরোপকার করতে গিয়ে যে এত চেষ্টামিটি করে,
এ আমি জানতুম না।

—তুই একটা ঢাকঢোল নে ডলি অশোকবাবুর পিছু পিছু বাজাবি
—রুণু যে কাকে ঠাট্টা করছে বোঝা যায় না।

—তার চেয়ে নিজের ঢাক নিজেই পেটাবো মন্দ কি? অশোক
ডলির দিকে চেয়ে রুণুর কথার জবাব দেয়।

—হ্যাঁ সেই ভাল...মানাবেও! বাপরে বাপ...তোমার হাত
থেকে ছাড়া পেলে বস্তির লোকেরাও হাঁপ ছেড়ে বাঁচে।

বর্ষার আকাশ বেশী নীল দেখাচ্ছে।...

দোল লেগেছে ক্রিসেস্টিমামের ডালে।....

সকলের উচ্চহাসিতে ঘরটা গমগম ক'রে ওঠে।

॥ ৮ ॥

নতুন একটা সূর্যের আমদানী হয়েছে। তার আলো পৌঁছয়
খাদের গভীর অন্ধকারেও।

অন্ধকারে যারা ছিল, আলো পেয়ে তারা ডানা ঝাপটায়। চোখ
ধাঁধিয়ে পরস্পর পরস্পরকে খোঁচা দেয়। ঝগড়া করে মরে। আবার
উল্লাসে নৃত্য ক'রে ওঠে। সূর্য আলো দেয়।

—হ্যাঁ, রূপ সঙ্গে কার যেন ঝগড়া বেধেছে।

সায় দেয় না। রেগে উঠে বলে, একটা লোকের মাথায় পাঁচজনে মিলে কোন ভাঙচিস কেমন?

—যা যা—লোকটা মুখ ভেঙিয়ে উড়িয়ে দেয় রমানাথকে—
ভারি তোর মুরোদ—খালি কিনাইলের বোতলগুলো নিয়ে তুই না
বাজারে বেচে এলি?

—এবার আমার নামে দোষ না? দোষটা অস্বীকার করতে না
পেরে রমানাথ অগ্নি পথ নেয়। বলে, ওই যে বোতল বেচে এক পাঁচ
ইয়ে কিনে আনলুম...তুই ভাগ বসালি নে?...

—আমি কাজ দেখিয়েছি ডাক্তারকে, বুঝলি...তোর মত নয়।
লোকটা না হাসলেও রেগে-মেগেই দাঁত বার করে। ছোপ-ধরা
কালো কালো দাঁত!

—কাজ ত খুব...আগে লুকিয়ে কোকেন বেচতিস...আর এখন
কুইনাইন বেচে আসিস লুকিয়ে—

—অমন করলে আমিও কিন্তু হাটে হাঁড়ি ভাঙবো রমানাথ
—লোকটি সত্যি সত্যিই রেগে উঠেছে এবার!

—যা যা নাপতের ডিম! রমানাথ জাত তুলে বসে।

অশোক ওদিক থেকে আসছিল। ওকে দেখে লোকটা সরে
পড়ে! রমানাথকে বিশ্বাস নেই, সব হয়ত ফাঁস ক'রে দেবে, রমানাথ
কিন্তু সরে না। হাজার হলেও অমুর সঙ্গে ডাক্তারের অত মাখামাখি
...ভয় কি তার?

রমানাথ বরং ঝগড়ার কথাটাই ঘুরিয়ে তোলে।—দেখলেন
ডাক্তারবাবু, বলেছিলুম ও লোকটাকে বিশ্বাস করবেন না! ওই
দেখুন...টাকা দিলেন কেরোসিন কিনতে সেই কেটে পড়েছে আর
চুলের টিক দেখা যায় না...

অশোক কি আর করবে, রমানাথের কথা বলার ভঙ্গী দেখে
হাসতে থাকে। বলে, আচ্ছা বলতে পারো কাকে বিশ্বাস করবো—
আর কাকে করবো না!

রমানাথ একেবারে বিগলিত হয়ে পড়ে। হাত দুটো কচলাতে কচলাতে বলে, স্তর, আমি ছাপাখানায় চাকরি করি আমার আপনি বিশ্বাস করতে পারেন !...

—তুমি নেশা কর ?

অশোকের অনুমান মিথ্যে নয়। রমানাথ এক মিনিট ইতস্ততঃ করে। তারপর বলে, আজ্ঞে, তা একটু-আধটু এমন কিছু নয়—যদি কিছু বাজার থেকে কিনতে হয় টাকা-কড়ি আমার কাছেই দেবেন....

হরিপদ ওদিক থেকে এদিকে আসছিল। রমানাথ ওকে আসতে দেখে আর বেশীক্ষণ দাঁড়ায় না। ‘নমস্কার’ বলে সরে পড়ে। দুজনের সম্বন্ধ যেন সাপ আর নেউল ! দেখলেই আন্তরিক গোটায়ে। নেহাত অশোকের সামনে বলেই রমানাথ মানে মানে সরে পড়ে। অনেক কষ্টে সবে একটু হাত ক’রে এনেছে ডাক্তারকে এমন সময়ে—। নেহাত অনিচ্ছার সঙ্গেই সরে পড়তে হয় রমানাথকে।

হস্ত দণ্ড হয়ে ছুটে আসে হরিপদ।

—এই যে ডাক্তারবাবু !

—কী খবর !

—এই শুনছিলুম রমানাথটা আপনাকে কেমন ধাক্কা দিলে—
লোকটা কিন্তু একেবারে শয়তান—

অশোক বিরক্ত হয়ে উঠেছে ওদের এইরকম কথাবার্তায় ! বলে,
—তাই নাকি ?—প্রশ্ন করলে কি হবে ওর গলার স্বরে এতটুকুও আগ্রহ নেই।

হরিপদ কিন্তু উৎসাহিত হয়ে ওঠে। বলে, এই দেখুন না আপনার ব্লিচিং পাউডারের বস্তাটা বেচে এক জোড়া বাঁয়া তবলা কিনে নিয়ে এল সেদিন ..গৌরী সেনের পরস। দেখেছে—

হরিপদ হয়ত আরও কিছু বলতো, কিন্তু অনুকে ঘর থেকে বেরিয়ে আসতে দেখে সরে যায় ওখান থেকে। আর যাই হোক এ মেয়েটার মুখের সামনে দাঁড়ানো যায় না। ও সামনে এসে দাঁড়ালে স্বপ্ন মেন গোলামাল হয়ে যায়। হরিপদ অস্বস্তি বোধ করে।

অনু অশোকের বিভ্রান্ত দৃষ্টি লক্ষ্য ক'রে খানিকটা হেসে নেয়।
বলে, দশচক্রে ভগবান এবার ভূত হবে দেখছি—

অশোকের চিন্তার মেঘ তখনও কাটেনি। ভারী গলায় ও জবাব
দেয়, এখানে কাজ করতে গেলে এখানকার লোকদের আগে
মানুষ ক'রে তুলতে হবে।...

—এদের কাজে না নামালে এদের অভাব ঘুচবে না....নিজেদের
ভালও যে এরা বোঝে না।

—শোন অনু। অশোক দরকারী কথা বলার জন্তে অমুকে প্রস্তুত
ক'রে নেয়। —আমাদের দরখাস্তের জবাব এসেছে....আরো জিনিস-
পত্র শীগগীরই সব এসে পড়বে...

বলতে বলতে অশোক তার মানিব্যাগটা খুলে একতাড়া নোট
বের করে। বলে, এই টাকাটা ধরো তুমি...রেখে দিও তোমার কাছে
এখানকারই কাজে লাগবে।...

অনু যেন চমকে ওঠে। বলে, ক্ষমা করবেন...আমি সামান্য ঘরে
খাকি, টাকা রাখার জায়গা আমার নেই। আপনি নিজের কাছেই
রাখুন।

অশোক আর কিছু বলতে পারে না। নিজের দুর্বলতা সে মনে
মনে মেনে নিয়েছে। যত বড় বিলেত ফেরত ডাক্তার সে হোক না
কেন, বস্তির এই মেয়েটার মুখের ওপর কথা বলতে কোথায় যেন
তার আটকায়।

মেয়েটা বড় বেশী কম কথা বলে, বোধ হয় সেই জন্তেই।
শ্রোতটা ধীরে কিন্তু তলায় তলায় টান আছে।

অশোক টাকাটা ফিরিয়ে নেয়।

অলক্ষ্যে কয়েকটি স্ত্রীলোক ওদের লক্ষ্য করছিল। তারিগীও
ছিল ওদের মধ্যে। এটা আজকাল ওদের নিয়মিত কাজ হয়ে
দাঁড়িয়েছে।

টাকা দেখে ওরা নানারকম কুৎসিত ইঙ্গিত করে।

—মেয়েটা কি বোকা দেখেছো লা...হাতের লক্ষ্মী পায়ে ঠেলল।

—টাকায় কি হবে? গয়না চায় গয়না। বুঝেছিল।

ভারিণী ছড়া কাটে; রাখালী গো রাখালী, কত রঙ্গ দেখালি।
টাকা নিলে না হাত পেতে গয়না-গাটিই বোধ হয় চায়—

একজন বলে, বেশ ত তাই নে না কেন? আর কিছু না পারিস
কানে এক জোড়া মাকড়িই গড়িয়ে নে...কি বলে তাই?

ঈর্ষায় হেসে ওঠে সকলে। সে হাসি বড় ভয়ানক।

আর-এক কোণে হরিপদ এসে দাঁড়িয়েছে একটি স্ত্রীলোকের গা
ঘেঁষে।

মেয়েটি আবদারের ভাষা গলায় বলে, কই আমাদের এক জোড়া
মাকড়িও জোটে না।...

—মাকড়ি! সামান্য মাকড়ি, হ্যাঁঃ—আয় পাগলি আমার সঙ্গে,
মাকড়ি ত মাকড়ি তোর কানে আমি তাজমহল ঝুলিয়ে ছেড়ে দেবো
...আয়।

হরিপদ আকর্ষণ করে ওকে।

হেমনলিনীও বুড়ো বয়সে আবদার ধরেছেন।

রায়বাহাদুর নিরুপায়।

হেমনলিনী অশোকের হয়ে বলেন—একটা মিথ্যে হইচই বাধিয়ে
তুললে তোমরা! অশোককে আমি জানি সে ছেলে মানুষ...তার
ছদ্দিনের খেয়াল! আমি বলি ঠাকুরমশায়কে ডেকে একটা দিন
ঠিক ক'রে ফেলো—ডলির সঙ্গে কাজটা আগে হয়ে যাক যত শীগগীর
হয়...তারপর অশোকের মন ফেরাতে কতক্ষণ?

তার আগেও অশোককে বোঝাবার চেষ্টা চলে।

• কিন্তু অশোকের এক কথা,—আমি যে ডাক্তার বাবা।

হেমনলিনী বলেন, দেরি করলে আর আমি বাঁচবো না বাবা।

অশোক আহত হয় যেন। বলে, ওঃ, সেই একই কথা!

শোভা বোঝে ঋণিকটা, অশোকের কাজকে শুধু নয়,

অশোককেও। বলে, তোর যা ভাল লাগে তুই যাতে আনন্দ পাস
সে কাজ তোকে ছাড়তে বলতে পারি নে...কিন্তু...শোভা ইতস্ততঃ
করে—

অশোকের মুখে বিষণ্ণ হাসি। পাতলা মেঘে জ্যোৎস্না অম্পট হয়ে
আসছে। অশোক বলে...হ্যাঁ, কিন্তু...কিন্তু একটা আছে বই কি।
বলে কেলো দিদি...

—কিন্তু কিছু নয় ভাই। তুই যা করছিস তাই ক'রে যা...তোর
যা ভাল লাগে তাতেই আমার আনন্দ। তবে আমার কি মনে হয়
জানিস? কিছুদিনের জন্তে ঘুরে আয়-বাইরে থেকে...

—আমাকে ভোলাচ্ছ দিদি!

—না রে!

তবে কি ভুল হয়ে গেছে অশোকেরই?

ভুল বোঝার ভুল?

ডলি আর অশোক।

যেমন ভাল লাগছে তেমন আবার অস্বস্তি বোধ হচ্ছে
অশোকের।

ক্রিসেস্টিমাম বড় বেশী লাল।

বর্গার জলস্রোত বড় বেশী প্রবল হয়ে উঠেছে!...

ডলি আজ নতুন সুরে কথা বলছে। নতুন ক'রে সেই পুরনো
সুর। সেদিন রুণু ছিল সঙ্গে। আজ রুণু নেই। তারপরে ত
ডলির সঙ্গে এই দেখা।

ডলির আজকের উপস্থিতিটা সেই কথাটাই শুধু জানিয়ে দেয়
আজ আর রুণু নেই সঙ্গে।

ডলি বলে, তোমার কাজে বাধা দেবো না...আমাদের বাধা
কেনই বা তুমি মানবে?

—আসল কথাটা বলে কেলো ডলি কি তুমি বলতে চাও!...

—সমস্ত ব্যাপারটা কেমন যেন ঘুলিয়ে উঠছে!...আমাকে তুমি এমন শান্তি দিচ্ছ কেন?...আমি কি করেছি তোমার?

ওর গায়ে জড়ানো মিহি-কোমল ক্রেপ শাড়ীটার মত নরম পাতলা আর কোমল দেখাচ্ছে ডলিকে। ওকে ভেদ করে অন্তরটা দেখা যায় যেন।

বর্ণার জল সমতল মাটিতে এসে নামছে!

ডলি কি আজ কাঁদবে?

—কি আর করবে! কিছু না! মুখ ফিরিয়ে নিয়ে বলে অশোক!

—মানুষ কাজও করে...বিশ্রামও নেয়...দিদি যা বলছেন তুমি কিছুদিনের জন্তে ঘুরেও ত আসতে পারো।

ডলি বড় বেশী ঘনিষ্ঠ হয়ে আছে।

—হ্যাঁ পারি। কোথায় যাবো বলো? সমুদ্রের ধারে? মন্দ কি? বেশ চলো! রাজি আছি... ছোট ছেলেকে বেড়িয়ে আনলেও তার আবদার সেরে যায়...তাই চলো...সমুদ্রের ধারে...

—তুমি ফিরে এসে আবার কাজ করতে পারবে।

শান্তভাবে তাকাচ্ছে ডলি ওর দিকে।

—মানে বস্তির কাজ? থাক...ও কাজ না করলেও চলবে... তা ছাড়া এত লোকের অনুরোধ, ও আমি ছেড়েই দেবো...সেই ভাল...চলো, সমুদ্রের ধারেই যাওয়া যাক...

অশোক এক হাতের আঙুলের মাঝে মাঝে অল্প হাতের আঙুলগুলো ঢুকিয়ে চাপ দেয় জোর করে। চাপ পেয়ে আঙুলের মাথাগুলো রক্ত-লাল হয়ে ওঠে।

ঐ রক্ত নিয়েই ত যত গুণগোল। ঐ রক্তেই নাচানাচি।

অশোক রক্ত-মুখর ডগাগুলো দেখে।

—একি তুমি সত্যি বলছো? বিশ্বাস করতে পারে না ডলি!

—ভয় পাচ্ছো কেন ডলি? বস্তির কাজ ছেড়ে দিচ্ছি। অশোক জোর দিয়ে দিয়ে হাসে। হাসতে হাসতে ডলির নগ্ন বাহুতে

আলগোছে চাপড় দেয় একটা। ডলির দেহ ত নয়, নরম আঙুন।
অশোক বলে চলে, বস্ত্রের কাজ ছেড়েই দিচ্ছি। চোর ছ্যাচড়...ছোট
লোক...নোংরা...সব বেমন আছে থাক...আমার কি! তার চেয়ে
চলো বেড়িয়ে আসি সমুদ্রের ধারে...

বালুতটের মতই নিজেকে বিছিয়ে দিচ্ছে অশোক তরঙ্গ দ্বন্দ্ব
ডলির চার পাশে।

অশোক আর ডলি।

॥ ৯ ॥

সমুদ্রের ধারে ধারে ছড়িয়ে পড়েছে ওরা। দলটা নেহাত ছোট
নয়। অশোক, ডলি, রুণু, নিখিল, মিলি আর সুশোভন।

নীল সমুদ্রের তীরে তীরে নীল স্বপ্নের মন নিয়ে বসে আছে
ওরা। স্নান করবার জন্তে কস্টিউম পরে নিয়েছে সকলে। দেহের
সকল বাঁকে বাঁকে চাপ জামা এঁটে গেছে।

প্রচণ্ড তরঙ্গে কেনিলা হয়ে ভেঙে ভেঙে আছাড়ে আছাড়ে পড়ছে
সমুদ্র। বেলা বাড়ার সঙ্গে সঙ্গে ঢেউয়ের ভীষণতা বাড়ছে।
মনে মনে ভয় করছে অনেকের। বিশেষ ক'রে সমুদ্রস্নানে অভ্যাস
নেই যাদের।

নিখিল এগোতে গেছলো ঢেউয়ের সঙ্গে। তারপর তলিয়ে গিয়ে
আছাড়া খেয়ে খুব নাস্তানাবুদ হচ্ছে দেখে রুণু খিল খিল ক'রে হেসে
ওঠে ওদিক থেকে। রুণুর সমুদ্রস্নানে খুব অভ্যাস আছে তাই তার
হাসিটা অশোভন নয়।

ডাল বেশীদূর এগোয় না। অল্প দূর থেকেই সাবধানে ঢেউ
কাটাতে থাকে! অশোক তীরে বসে বসে অগ্রমনস্ক হয়ে যায়।

মিলি বলে, বসে আছেন যে? ঢেউ দেখে ভয় পেলেন বুঝি?

অশোক একটু হেসে জবাব দেয়, তোমরা খুব সাহসী!

মিলি জলে দাঁড়িয়েই কথা বলছিল। হঠাৎ এক ঢেউয়ের ধাক্কা

উপ্তে পড়ে। মিলি চীৎকার করে ওঠে। অদিকে নিখিল আছাড়
খেয়ে পড়ে রুণুর বাড়ির ওপর।

হুটোপাটি চলে।

উন্মুক্ত আকাশ আর উন্মুক্ত জল—তার মাঝে এদের উন্মুক্ত ও
উন্মত্ত স্নান চলে।

অশোক ধীরে ধীরে এগোচ্ছিল জলের মধ্য দিয়ে।

অশোক বেশ এগিয়ে গেছে এমন সময় ডলি উৎকণ্ঠিত হয়ে বলে,
না, না, অতদূর যেও না—

—বা রে চান করবো না।

ছোট চেউয়ের স্তরটা পার হয়ে বড় চেউয়ের স্তরে পৌঁছে গেছে
অশোক ততক্ষণ।

ডলির মনে হয় অশোককে দেখে সমুদ্র বেশী উত্তাল হয়ে উঠেছে?

—চেউ যদি ভাসিয়ে নিয়ে যায়?

—যদি নিয়ে যায় ফেরাতে পারবে না। চেউয়ের সঙ্গে লাকিয়ে
লাকিয়ে অশোকের দম ফুরিয়ে আসছে, তবু সে হাসে।

—না...না...শোনো...অত দূর যেয়ো না...ভয় করে...

ডলি নিজে এগোতে থাকে অশোকের পেছনে।

একলা ত ছাড়া যায় না অশোককে।

এমনভাবেই আকাশ-সমুদ্রের মিলনলীলার দূর পটভূমিকায়
ওদের স্নানযাত্রা চলে।

শুরুপক্ষের ঘন জ্যোৎস্নায় সাগরের বিশাল বেলাভূমি মোহমধুর
সৌন্দর্যে ভরা। কিছু অস্পষ্টতা...কিছু বা স্বপ্নের মায়ালোক....

ওরা সমুদ্রে, সমুদ্রের হাওরা, জ্যোৎস্না ও পরস্পরকে একই সঙ্গে
উপভোগ করবার জগ্গে জড় হয়েছেন। এক জায়গায় বসলেও ওরই
মধ্যে মধ্যে একটু একটু ছাড়া ছাড়া হয়ে বসেছে ওরা।
মিলি-শুশোভন, নিখিল-রুণু, অশোক-ডলি।

মিলি বলে, এতদিন পরে ডলির মুখে হাসি ফুটেছে।

সুশোভন জবাব দেয়, ওদের বিয়েতে দামী উপহার দিতে হবে।

নিখিল বলছে, এ আমি বিশ্বাস করিনে মিস্ সেন্।

রুণু অবাক হয়। কিংবা অবাক হবার ভান ক'রে মাত্র। বলে, কেন?

—অশোক এক কথায় বস্তির সেই মেয়েটাকে ছেড়ে এল,
একদিন ডলিকেও সে অকূলে ভাসাবে না একথা বিশ্বাস করো?

—আপনি বড্ড লোকের নিষেধ করেন মিষ্টার রায়। চলুন...
ডলির গান শুনি গে।

ডলি গান গাইছিল ওপাশ থেকে। বোধ হয় অশোককে
শোনার জন্তেই। হাওয়ায় উড়ে আসে সে গান। ভেসে চলে
ওদের সকলকে অতিক্রম ক'রে।

পর্বতগামী মেঘ টুকরো হয়ে আকাশে ওড়ে।

গান থামলে পরে নিখিল গলাটা বাড়িয়ে শুধায়—গান কেমন
লাগল ডাক্তার।

অশোক যেন সচকিত হয়ে ওঠে। বলে, গান? হ্যাঁ, বেশ
লাগছে!...ও! গান থেমে গেছে নাকি? বেশ ত গাইছিলে...গাও।

ডলি উত্তপ্ত হয়ে ওঠে। বলে, গান কি তুমি শুনছিলে না?

—না।

—কেন? কোনদিকে মন ছিল?

—আমার ভাল লাগে না।

—ও, এভাবে আমাকে অপমান না করলেই পারতে।

পর্বত অনেক দূরে।

মেঘ ফিরে আসে।

জলপূর্ণ মেঘ।

বোতল গড়াচ্ছে। শূন্য কিনাইলের বোতল। সাপ্লাই বন্ধ।
বস্তিতে আবার আবর্জনার স্তুপ। যে বুরুশগুলো আবর্জনা পরিষ্কার

করবার জন্তে এসেছিল সেগুলো আবর্জনার সঙ্গে এক হয়ে জমে আছে রাস্তার ধারে। নর্দমা আবার নোংরায় ভরে উঠেছে। চারদিকে আবার ছুর্গন্ধ। ব্লিচিং পাউডার নেই।...আবার সেই বীভৎস দৃশ্য।

নতুন সূর্যটা কি অস্ত গেল ?

দাতব্য চিকিৎসালয়ের দরজা বন্ধ। বন্ধ দরজার সামনে পথের ওপর রোগীরা ধুঁকছে।

একটি মেয়ে বলে, বাবা, ওষুধ কি আর দেবে না ?

বাবা বলে, না মা, দোকান বন্ধ বড়লোকের খেলাল মিটে গেছে মা...চল্...চল্ মা...চল্.....

আর একজন বলে, গরীবের কপালে সুখ সইলো না...

অপরজন বলে, হুদিন ওষুধ-পথ্য জুটেছিল...তাই আমাদের লাভ রে ভাই...

অনুর অবস্থা অবর্ণনীয়। চারদিক থেকে বিদ্রূপ আর খোঁটা দিয়ে সকলে মিলে ওকে ব্যতিব্যস্ত ক'রে তোলে।

তারিণী বেশ রসিয়ে রসিয়ে বলে, কেমন ? বলেছিলুম না তখন ! যেমন বামন হয়ে চাঁদে হাত দিতে গিয়েছিলি...এবার গাছে তুলে মই কেড়ে নিয়ে গেছে ত ?

আর একটি স্ত্রীলোক রসান দেয়। গালে হাত রেখে ভঙ্গিমা ক'রে বলে, তা যা বলেছ ভাই...জাতও গেল পেটও ভরলো না...সখ মিটিয়ে পাখী যে উড়ে পালাবে সবাই জানতো...

তারিণী চাপ দেয় অনূকে বাগে পেয়ে,—বল্ ? জবাব দে ?... বেড়া বেঁধে কি বেনো জল ধরে রাখতে পারলি ?...

—আমি তাঁকে ধরে রাখতে চাইনি বৌদি ! অতিষ্ঠ হয়ে অনূ শেষে জবাব দেয় ভাঙা গলায়। মনটা তার পাক খেয়ে ওঠে।

—বাঁধতে জানলে বেনো জলকেও বাঁধা যায়...। গলার মধ্যে

কক্সিম সহানুভূতির মিশেল এনে বলে তারিণী—তোমার খ্যামোজ কোথায়? এখন সরে পড়েছে কি না, তাই উড়ে খে গোবিন্দায় নুনো, কেমন? ওঃ, তখন মেজাজ...যেন সেপাইয়ের ঘোড়া!...যত পারে গুনিয়ে দেয় তারিণী, ছাড়ে না।

অপর স্ত্রীলোকটি বলে, থাক ভাই থাক, কাটা ঘায়ে আর ছুনের ছিটে দিল নে, আর—চলে আর...

কথাটা স্মরণ করিয়ে দিয়েই আনন্দ পায় ওরা।

অনু কিছু বলে না। কাঠ হয়ে দাঁড়িয়ে থাকে, যেখানে ছিল।

রমানাথ এদিকে আসছিল। স্ত্রীলোকটি সরে যায় রমানাথকে আসতে দেখে। রমানাথও অনুকে শোনায়। অবশ্য ওর বলার ভঙ্গীটা অগ্ররকম, এই যা। বলে, ওরা বড়লোক,—বুঝলি—চোখের চামড়া নেই ওদের—তুই আবার ওদের বিশ্বাস করতে গিয়েছিলি—!

অনু দাদার ওপর খুব রাগ করে না। তবু দাদাই সময়ে সময়ে ওর সঙ্গে ভাল ব্যবহার করে আজকাল। অনু শান্তস্বরে বলে, তিনি ত নিজেরই কাজ করতে এসেছিলেন দাদা...আমি বলি নি.....

—এবার ঠেলা সামলায় কে? দুটো লোক মাইনের জন্তে হাঁটাইটি করছে...আমি পাবো কোথেকে গুণ?!

রমানাথের কালকের রাত্তিরের নেশায় চোখ দুটো অন্ন অন্ন লাল হয়ে উঠেছিল।

তারিণী মুখ ঝামটা দিয়ে ওঠে।—তোমার গলাতেই গামছা দিয়ে জমাদান করবে। এবার বোনের জন্তে জেল খাটো।

—না না বৌদি...সে কথা বোল না...দাদার কোনো দোষ নেই!...

অনু দাদার জন্তে সত্যি সত্যিই ব্যস্ত হয়ে ওঠে।

অঘাতে আঘাতে ভেঙে পড়বে ও।

রমানাথ চূপ করে যায়। কিন্তু তারিণী চূপ করে না। বলে, দোষ নেই বললে ত আর পাণ্ডাদারে ছাড়বে না...তার চেয়ে যা না

কেল...সেই ডাক্তারকে খুঁজে নিয়ে আর...দশ বিশ টাকা আদায়
কর...পারিস নে?...মরণ দশা!...

বলতে বলতে ছম ছম করে পা ফেলে গা ছলিয়ে ছলিয়ে চলে
যায় তারিণী !

রমানাথ বলে, তোর কপাল...তোর কপালই মন্দ রে হতভাগী !

চণ্ডা কপালের মত সমুদ্রতীরের বালুতট ।

ব্যর্থতার ঢেউ আছড়ে আছড়ে ভেঙে পড়ছে ।

বহু তরঙ্গের মাঝে এক ফালি খবর ।

কোলকাতায় নাকি মহামারী শুরু হয়েছে বসন্তের ?

সমুদ্রতীরের বাংলা সরগরম হয়ে ওঠে ।

রুণু প্রথম কাগজটা হাতে পেরেছিল । সে-ই ছুটতে ছুটতে এসে
খবর দেয়,—ডলি, কোলকাতার খবর শুনেছিস ? বসন্তের মহামারী
লেগেছে সেখানে—

কোলকাতায় বছরে দুটো মহামারী লেগেই থাকে ! নতুন কি ?
ডলি উদাসীনভাবে জবাব দেয় ।

সিগারেটের শেষ চিহ্নটুকু গ্রাস-ট্রের মধ্যে মুছে দিয়ে নিখিল
বলে, আফটার অল্ উই আর সেফ্ !

সুশোভন বলে, বস্তিগুলোতেই বেশী মড়ক লেগেছে ।

—আগে ওরাই মার খায় ! হাতের চুড়িগুলো পরপর সাজাতে
সাজাতে মিলি বলে ।

• অশোক এতক্ষণ রুণুর হাত থেকে কাগজখানা টেনে নিয়ে পড়ছিল
হঠাৎ কাগজটা নামিয়ে রেখে উঠে দাঁড়ায় ।

কি ব্যাপার ! সকলে উৎসুক হয়ে চেয়ে দেখে অশোকের দিকে ।
গুয় দৃষ্টি কেমন যেন অস্পষ্ট হয়ে আসছে ।

—আমাকে যেতে হবে ।

অশোক এমনভাবে বলে কথাগুলো যেন সত্যিই তার ডাক এসেছে।

—কোথায়? ডলি প্রশ্ন করে।

—কোলকাতায়।

—কোলকাতায়! মহামারীর মাঝখানে! ডলি অসহিষ্ণু হয়ে ওঠে।

—হ্যাঁ, এখন আমাকে স্থির থাকতে দেবে না।

অশোক যেন আরও বেশী অসহিষ্ণু হয়ে উঠছে।

রুগু বলে, কিন্তু আপনার নিজের বিপদ?

আত্মীয়তার প্রশ্ন হলেও অশোকের কাছে মূর্থ বলে মনে হয়।

অশোক বলে, ওটা আমার ভাবনা—

—কিন্তু তোমার যাওয়াটা এমন কিছু আর্জেন্ট নয় ডাক্তার—ঠাসু ক'রে দেশলাইটা জ্বলে নিখিল আর একটা সিগারেট ধরাতে ধরাতে বলে।

—ছোট আই ডইল কন্সিডার নিখিল....

ডলি কথার মোড় ঘোঁরায়। বলে, এত তাড়াতাড়ি যেতে চাও, তার চেয়ে না এলেই পারতে!

—এখন সেই কথাই ভাবছি।

—এলে কেন? তোমার পায়ে ধরে আমি ত সাধতে যাই নি? ...তুমি যে কেন সেইখানে যেতে চাও সেকথা বেশ ভাল ক'রেই জানি—

এলোমেলো কথা বলতে শুরু করেছে ডলি।

—কি বলছো তুমি?

অশোক একটু তীক্ষ্ণ গলাতেই বলে।

বাগানে ক্রিসেঙ্খিমামই একমাত্র ফুল নয়।

—থাক, তোমার চমকে ওঠায় আমি আর ভুলবো না...আমি জানি, বেশ জানি...তবুও বলে দিচ্ছি তুমি সেখানে যাবে আমার একটুও মত নেই।

অশোক বসেই থাকে।

ডলি হন-হন ক'রে বেরিয়ে যায় ওখান থেকে।

অনু জায়গা ছেড়ে এতটুকু নড়ে না। ঠায় চুপ ক'রে বসে থাকে
মিণ্টুর মাথার কাছে। মিণ্টুর মাথায় হাত বুলোয়। বাতাস করে।
জ্বর দেখে। মিণ্টুর বসন্ত হয়েছে। শয্যাগত হয়ে পড়ে আছে কদিন
ধরে। তার পাশে ডাক্তারের দেওয়া খেলনাগুলো।

মিণ্টু আস্তে আস্তে ডাকে, দিদি,—

—কি রে মিণ্টু? স্নেহভরে বলে অনু।

—দিদি, ডাক্তারবাবু কোথায়...কখন আসবে ডাক্তারবাবু?...

বাইরের পথে মোটরের হর্ণ শোনা যায়। শহরের রাজপথে
গাড়ী চলাচলের বিচিত্র শব্দ কোলাহল সব ভেসে আসে।

ওরা উৎকর্ষ হয়ে ওঠে।

—দিদি দিদি...ওই যে...ওই যে ডাক্তারবাবুর গাড়ী...

গাড়ীর শব্দ মিলিয়ে যায়। হাসির রেখা মিলিয়ে যায় সঙ্গে সঙ্গে।

আগে এমন দিন ছিল ঐ পথ বেয়ে অনেক কিছু আসতো আর
এখন সব কিছুই চলে যাচ্ছে ঐ পথ দিয়েই। কিছুই দাঁড়ায় না।

বস্তির চারদিকে রোগের কাতরানি—মৃত্যুর পদশব্দ...আর্তনাদ
...কান্না।...

বল হরি হরিবোল—

বস্তির দক্ষিণ কোণ থেকে এইমাত্র একটা মরা বেরিয়ে গেল।

আগে আগে হরিধ্বনি শুনলে বুক কাঁপতো। আজকাল সহজ
হয়ে এসেছে—মৃত্যু সহজ হয়ে এসেছে। ছোট ছেলেরা ভ্যাঁচায়।
তাড়া করে পেছন পেছন খানিকটা।

সামনে প্রাচীরপত্রের জলজলে লেখাটা এখনও দেখা যাচ্ছে।—
বসন্তের মহামারী অবিলম্বে টিকা লউন—। আশ্চর্য, বহু দিনের
লেখা ওটা কিন্তু এতটুকুও ম্লান হয় নি।

এতটুকুও কাজ হচ্ছে না লেখাটা দিয়ে। ডাক্তার নেই। ডাক্তার-
খানা বন্ধ। লোকে মাথা চাপড়ায়।

তারিণী বাইরে থেকে মিষ্টুকে দেখে। ঘরে ঢোকে না। অত
স্ত্রীলোকদের বলার নাম করে অল্পকে শোনায়—ছেলেটাকে পথ থেকে
কুড়িয়ে এনেছিল...এত মড়ক লেগেছে এইবার পথে ছেড়ে দিয়ে আয়
না কেন?...কি বলো ভাই।

কেউ বলে, হ্যাঁ, তা ত বটেই বনের বেড়াল বনেই থাক...

—আমরা ভাই থাকবো না এখানে। বিজ্ঞের মত বলে তারিণী—
উনি বেরিয়েছেন বাসা খুঁজতে। আমরা ত আর মরতে পারি নে...

মিষ্টু যন্ত্রণায় ছটফট করে আর বলে, দিদি...ডাক্তারবাবু কখন
আসবে...ডাক্তারবাবু এলে আমার অসুখ সারবে দিদি—

—চুপ কর মিষ্টু। অল্প অসহিষ্ণু হয়ে ওঠে।

—দিদি, তুমি কেন ডেকে আনছো না ডাক্তারবাবুকে...দিদি
আমি নিঃশ্বাস নিতে পারছি নে...ডাক্তারবাবু...ডাক্তারবাবু...তুমি
ডেকে আনো দিদি...মিষ্টুর স্বর এলোমেলো হয়ে আসছে...

—মিষ্টু মিষ্টু।...

অল্প ছুটে ঘর থেকে বেরিয়ে আসে।

অল্প সোজা হরিচরণবাবুর বাড়ীতে এসে প্রবেশ করে। এসেই
প্রথমে শোভাকে দেখতে পেলো ও। শোভাকে প্রথম দেখলেও
চিনতে কষ্ট হল না অল্পর। অশোকের মুখে তার দিদির কথা সে
অনেক শুনেছে।

অল্প একেবারেই প্রশ্ন করে বসে, ডাক্তারবাবু কোথায়?

—কে তুমি? কোথেকে এসেছো? চিন্তিত মুখে বলে শোভা।

—বস্তির ওখান থেকে এসেছি...ডাক্তারবাবু কি নেই? অল্প তখনও
হাঁপাচ্ছে। কথাগুলো বলছে অতি কষ্টে।

—কি দরকার? শোভার স্বর কঠিন হয়ে আসছে।

—আমার ভাই মিষ্টুর বড় অসুখ—

—কিন্তু অশোক আর তোমাদের ওখানে যাবে না...। শোভা হু'পা এগিয়ে যায়।

—যাবেন না ? মিষ্টুর জ্ঞেও না ?—অম্মর বিশ্বয় বাড়ছে ক্রমশঃ।

—তুমি ভাই অম্ম ডাক্তার নিয়ে যাও।—

—অম্ম ডাক্তারের টাকা লাগে...অশোকবাবু আমাদের কাছে টাকা নেন না তাই এসেছিলুম...যদি দয়া ক'রে যেতেন...

—তোমাদের ওখানে যেতে অশোককে আমরা মানা করেছি...বস্তিতে আনাগোনা ক'রে অশোকের নামে অনেক কথা রটেছে—শোভা ধীরে ধীরে বলতে থাকে কথাগুলো। বোধ হয় অনিচ্চার সঙ্গেই।

—ও, তা জানতুম না। অম্ম ব্যথিত স্বরে বলে।

—তাছাড়া তোমার এ বাড়ীতে ছুটে আসাও ভাল হয় নি।

—আমার ভাই হয়ত বাঁচবে না তাই এসেছিলুম। আপনার ভাই হলে আপনিও কি ছুটে বেরোতেন না?...যদি আর কেউ না থাকতো?...

ঝোঁকের মাথায় বলে চলে অম্ম। চোখে মুখে তার অদ্ভুত চঞ্চলতা।

—কিন্তু সে ছেলেটা শুনেছি তোমার নিজের ভাই নয় ?

—তাকে পথ থেকে পেয়েছি...মানুষ করেছি...আমারই ভাই সে...আচ্ছা...আমি যাই...

অম্ম যাবার জন্ত ঘুরে দাঁড়িয়েছে অমনি অশোকের গাড়ীর হর্ণ বেজে ওঠে বাইরে থেকে। চমকে ওঠে ওরা হু'জনেই।

এতদিনের শোনা হর্ণ ভুল হবার নয়।

অম্ম উজ্জ্বল মুখে বলে ওঠে, ডাক্তারবাবু আসছেন!—

অম্মর অম্মমানই সত্যি ! অশোকের গাড়ীই বটে। গাড়ীর মধ্যে অশোক, ডলি আর রুণু।

অনুকে দেখে সকলেই স্তম্ভিত হয়ে যায়।

অশোক অনুকে দেখে এগিয়ে যায় ওর দিকে। বলে, কি হয়েছে?

—মিষ্ট বোধ হয় বাঁচবে না ডাক্তারবাবু।

—সে কি? তাকে রেখে এলে কার কাছে? অশোকের স্বরে অদ্ভুত এক ব্যাকুলতা!

সকলে নির্বাক হয়ে যায়। অশোকের একি বিসদৃশ আচরণ। সবাইকে ছেড়ে একটা বস্তির মেয়েকে নিয়ে—

অনু কোন দিকে তাকায় না। অশোকের মুখের দিকে তাকিয়ে বলে চলে, ডাক্তারবাবু, আপনি আমাদের সবাইকে...বস্তির সমস্ত লোককে ঠকিয়ে...অপমান ক'রে চলে এসেছেন...মনে করেছিলুম আর কোন দিন আপনার সঙ্গে আমার যেন দেখা না হয়...কিন্তু—

—কি বলছেন তুমি এ সব? শোভা পিছন থেকে প্রশ্ন করে।

অনু শোভার কথা শোনে কি না বলা যায় না। অশোকের দিকে চেয়ে আগের মতই বলতে থাকে, কিন্তু মিষ্টুর জন্তে আর থাকতে পারলুম না...এত লোকের সামনে অপমানের ভয় মনে রেখেও লজ্জা সরম ভুলে ছুটে এসেছি...

কি অসম্ভব করুণ দেখাচ্ছে অনুর ছিপছিপে লম্বা দেহখানা! পাতা-ঝরা বিসর্পিল শীর্ণ ডালের মত!

ডলি এগোয় এবার। আগে থেকেই উত্তপ্ত হয়ে আছে সে। অনুকে এই প্রথম দেখলো সে। এবং দেখেই দ্বিগুণভাবে জ্বলে উঠল। বললে, অশোক যাবে না...যেতে পারবে না...

কি সে বলার ভঙ্গী ডলির। বিশেষ ক'রে অশোক কথাটা এমনভাবে উচ্চারণ করলো যে শোভাকে উপেক্ষা করলেও অনু ডলির দিকে একবার না তাকিয়ে পারলো না। কিন্তু মুখে কিছু বললো না। মুখটা তার আরও করুণ হয়ে উঠল।

রুণুর বরাবরই পিছন থেকে কথা বলার অভ্যাস। রুণু বললে, বস্তিতে এখন মহামারী...অশোকবাবুর যাওয়া উচিত হবে না।...

আর চুপ ক'রে সময় নষ্ট করা যায় না। অশোক বাড়ীর ভেতরের দিকে চলে যায়।

অনুরণ্ড সময় নেই দাঁড়াবার। ডলি, রুণু আর শোভার মাঝামাঝি তাকিয়ে সকলকে লক্ষ্য ক'রেই বলে, আমার দাঁড়াবার সময় নেই...হয়ত মিণ্টু ডাকছে...। যদি ডাক্তারবাবু না যান বলবার কিছু নেই...আপনাদের বিবেচনার উপরেই ছেড়ে দিয়ে গেলুম...। তাছাড়া ...মিণ্টুর জীবনের দাম আপনাদের কাছে সামান্যই একথা জেনেই আমি এসেছিলুম—

অনু আর কি বলবে খুঁজে পায় না যেন! শুধু হাঁপাতে থাকে উত্তেজনায়। তারপর চলে যাবার জন্তু পিছন ফেরে।

ফিরেই দেখে অশোক দাঁড়িয়ে। ইতিমধ্যেই বাড়ীর ভেতর থেকে বেরিয়ে এসেছে। হাতে তার ডাক্তারী ব্যাগ!

রুণু চমকে উঠে প্রশ্ন করে, কোথা যান অশোকবাবু!

—আমাকে যেতে হবে গুথানে। যেন কিছুই হয় নি, এমনভাবে বলে অশোক।

ডলি যেন আঁতকে ওঠে,—বস্তুতে?...দিদি...মেসোমশাই ...আপনারা কি বারণ করবেন না?...সেখানে যে ভয়ানক বিপদ!...

কি বলবে, কাকে ডাকবে ডলি খুঁজে পায় না যেন। উত্তেজনায় থর থর ক'রে কাঁপে।

হরিচরণ ঘর থেকে সব শুনছিলেন। ডলির ডাক শুনে বেরিয়ে আসেন। কিছু জানি কি হয়ে যায় মেয়েটার!

অশোক চলে যাচ্ছিল। ডলির চোঁচামিচি শুনে একবার পিছন ফিরে দাঁড়ালো। বললে, ছেলে ভোলাতে চেয়েছিলে...মন্দ লাগে নি'সমুদ্রের ধারে...কিন্তু কাজ ভোলাতে চেয়ো না...ওটা মনুষ্যে বড় লাগে...

বনে বনে আগুন লেগেছে।

ত্রিসেপ্তিমামের লাল আগুন।

হরিচরণ বলেন, তোমরাই ভুল করেছিলে মা...অশোক আমারও ভুল ভেঙে দিয়ে গেল।...

হাতের লাঠির বাঁটটা খুব জোর মুঠোয় চেপে ধরেন তিনি। তবু লাঠিটা কাঁপছে।

রমানাথ বাসার ঠিক ক'রে এসেছে। বাহাদুরী আছে রমানাথের তারিণী হঠাৎ আজ রমানাথের কর্মতৎপরতার সূচ্যুতি করতে থাকে। রমানাথের ভাল লাগে না। এ আবার কি আপদ! ছাকামী দেখলে গা জ্বলে!...বস্তির রাস্তার মুখে দাঁড়ানো ঠেলা গাড়িটার ওপর মালপত্র তুলতে থাকে। এই মড়ককুণ্ড থেকে পালাতে পারলে হয় একবার প্রাণ নিয়ে।

মালপত্রের মধ্যে একটি ভাঙা তোরঙ্গ, একটি বস্তা, ছেঁড়া কাঁথা আর বালিশ, ভাঙা হাঁড়ি বালতি ঝাঁটা...কাঠ-কাটরা আর গলায় দড়ি বাঁধা একটা বেড়াল।

তারিণী আজ সারাদিনই বকে চলেছে। রমানাথকে মালপত্র গোছাতে দেখে বলে, ওগো চল, আর দেরি করো না...আমার কাহিল শরীরে যদি ছোঁয়াচ লাগে...তবে আর বাঁচবো না!

নেশার ঘোর না থাকলে শুখনো শুখনো মস্করা ভাল লাগে না রমানাথের। মুখের ওপরই বলে দেয়, তোমার শরীর কাহিল...হা ভগবান!

তারিণীর শরীরের মেদবহুল অংশগুলোর দিকে কটাক্ষ করে রমানাথ। কটাক্ষ নয় নির্লজ্জ দৃষ্টি!

তারিণী কথার মোড় ঘোরায়। বলে, গাড়োয়ানটা কোন চুলোয় গেল?

—বোধ হয় খৈনী টিপতে গেছে।

রমানাথ গাড়ীর পিছনটা ধরে ঠেলা দিয়ে বলে, তুমি সামনের

দিক থেকে টানো আর আমি পেছন থেকে ঠেলি...পালাতে পারলে
বাঁচি বাবা !...তুর্গা তুর্গা !...

ওধার দিয়ে অশোক এসে দাঁড়ায়। আর একটু তাকাতে অনু।

অশোককে দেখে তারিণী ব্যস্ত হয়ে মাথার কাপড়টা টেনে
দেয়।

—কোথা চললে রমানাথ। পরমাস্বায়ের মত বিস্মিত কণ্ঠে
অশোক প্রশ্ন করে।

—আপনি বাঁচলে বাপের নাম ডাক্তার সাহেব...হাড় ক'খানা
থাকতে থাকতে সরে পড়ছি।...

তারিণী চাপা গলায় পরামর্শ দেয় রমানাথকে। উদ্দেশ্য অশোকও
কথাগুলো যেন শুনতে পায় না। বলে, ছ'কথা শুনিয়ে দাও না
কেন ?...বলো যে আপনার আক্কেলটাও দেখে গেলুম—

অশোক আর দাঁড়ায় না, বাজে কথায় সময় নষ্ট করবার অবসর
নেই তার। মিণ্টু তাকে ডাকছে।

রমানাথ শুধায়, ছেড়ে দিয়ে আবার তেড়ে ধরলো কেন
বলো ত ?

—তোমার বোন যে পায়ে ধরতে গিয়েছিল—পুরুষ মানুষের
মন ত।

তারিণী রঙ্গে রসে একেবারে যেন গেল পড়ে।

অশোক সোজাশুজি মিণ্টুর ঘরে এসে দাঁড়ায়। অনু মুখ তুলে
তাকায় অশোকের দিকে, অশোকও দেখে অনুর দিকে। বর্ষার মেঘের
মত কালো আর সজল হয়ে উঠেছে অনুর চোখছটো।

অশোক পাগলের মত ডাকে, মিণ্টু...মিণ্টু...

*মিণ্টুর পৃথিবীটা মুছে গেছে মহাশূন্য থেকে।

সূর্যের ডাকে পৃথিবী সাড়া দেয় না।

অনু হঠাৎ ফুঁপিয়ে কঁদে ওঠে...নেই...মিণ্টু নেই ডাক্তারবাবু...

অশোক অপরাধীর মত তাকায় অনুর দিকে। অনুর বোবা অশ্রু
যেন কথা বলছে—মিণ্টুকে বাঁচাতে পারলুম না...আমাদের দারিদ্র্য...

আমাদের অশিক্ষা নিয়ে সে চলে গেল...কিন্তু, যারা বেঁচে রইল...
যাদের কেউ নেই...যারা পথে পড়ে মরে...রোগে ভুগে মরে...তাদের
যেন বাঁচিয়ে তুলতে পারি...তাদের কাছে থেকে যেন সেবা করতে
পারি...তবেই নিজের মনকে সার্থক মনে করবো।...

আর এক মৃত্যুর মরুভূমি পার হয়ে নদী এগিয়ে আসছে
সাগরের দিকে।

বিশাল নীল সমুদ্রের চোখে পথক্লিষ্ট নদী ঝলমল ক'রে ওঠে...বড়
সুন্দর দেখায়...

॥ ১০ ॥

অনেক কিছু বদলেছে। আরও অনেক আলো। আলোর ঝলমল
করছে চারদিক।

খাদের অন্ধকার আলোর তাড়া খেয়ে পালাচ্ছে।

অনু আরও কাছে সরে এসেছে। অশোক তাকে ভাল ক'রে
দেখছে। ভাল ক'রে দেখবার সুযোগ মিলছে আজকাল।

বিরাট হাসপাতাল গড়ে তুলেছে অশোক বিগত প্রাণ মিষ্ট র
নামে, শুধু দরিদ্রদের; সর্বহারাদের চিকিৎসার ব্যবস্থা সেখানে।

অশোক সেই শ্রেণীর যাদের সব আছে, সবার বেশী আরও অনেক
কিছু আছে। আর অনু সেই স্তরের যাদের বাঁচবার অবলম্বনটুকুও
নেই। এই দুটি পরস্পর বিমুখ মন এসে জড় হয়েছে একমুখী
হয়ে।

শক্তির বিহীন ঝলসাচ্ছে বহু দিনের পুঞ্জীভূত বেদনার কালো
মেঘে।

অনু না হলে অশোকের চলে না। হাসপাতাল অনুর অভাবে
অচল।

আর অশোকও ত হাসপাতালকে ছেড়ে নিজেকে কলন করতে
পারে না আজকাল। সারা দিনই সে ব্যস্ত। সময় নেই একটুও।

বাড়ীতে সকলে ঠাট্টা করে। শোভা বলে, হ্যাঁরে হাসপাতালে
তার কাজ আর ফুরায় না, না কি? ওর কথার মধ্যে প্রচ্ছন্ন হয়ে
কোন বক্তৃ উল্লেখ থাকে কি না অশোক তা ভ্রক্ষেপও করে না।

সত্যিই আর দাঁড়ায় না অশোক।

অনু নাস' হয়েছে হাসপাতালে। একাধারে সে মেট্রন আবার
অশোকের সহকারী।

অসম্ভব পরিশ্রম করতে পারে অনু। অশোক বিস্মিত হয়ে দেখে।
অনুর ছিপছিপে লম্বা দেহটা সাবলীলভাবে নড়া চড়া করে, কাজের
বস্ত্রায় ফেনিল হয়ে ওঠে।

এ আর-এক ফেনিল জলস্রোত।

বড় ভাল লাগছে অশোকের।

অনুর বড় বড় চোখে জল নেমে আসে।

ঐ জলের মধ্যেই ত মিণ্টু অমর হয়ে আছে। অশোকের অতবড়
হাসপাতালের সমারোহের মধ্যে সে স্মৃতি কত স্নান।

অনুকে যত দেখে ততই বিচিত্র ভাবনা সব ঝাঁক বেঁধে আসে
অশোকের মনে।

শুধু লাল নয়, চারদিকে থরে থরে নানা রঙের ফুল ফুটে উঠেছে।
বহুক্ষণ ধরে অশোক মুগ্ধ হয়ে দেখে অনুর কাজকর্ম। এটা ওটা
নিয়ে আলোচনা করে, তদারক করে। শেষে একসময় উঠে দাঁড়ায়।

অনু বলে, চললেন?

অশোক হাসে। বলে, আর কোন ছুতোয় এখানে থাকা চলে না—

অনু অশোকের দিকে তাকায় না। কি জানি অশোক হয়ত
হাসছে। ওর দিকে চাইলে হয়ত লজ্জা পেয়ে যেতে হবে।

খানিক পরে বলে, সত্যি কোথা থেকে কি যেন হয়ে গেল...
আপনি রাতারাতিই তৈরী করে ফেললেন হাসপাতাল মিণ্টুর নামে
...আমি এলুম আপনার সহকারী হয়ে...

অশোক তাড়াতাড়ি সংশোধন করে,—সহকারী নয় সঙ্গী হয়ে...

অনু লাল হয়ে ওঠে। অজান্তেই বলে, সমস্তটাই যেন স্বপ্ন...

—আগে স্বপ্ন ছিল...এখন সত্যি হয়েছে !...কই কিছু খাওয়াবে নাকি ?...ভারি ক্ষিধে পেয়েছে...

অশোক কত সহজ হয়ে এসেছে । অনুর মনটা যেন ফুলে ওঠে । বাইরে থেকে প্রচুর ঠাণ্ডা মুক্ত বায়ু এসে যেন ঢুকছে ।...পাহাড়ের শীতল হাওয়া সমতলে এসে নামছে...

অনু বলে, বেশ ত গঙ্গাজলেই গঙ্গাপূজা করবো ।

বস্তির মেয়ে হলে কি হয় অনু কথা বলতে পারে বেশ । অশোক তার দৃষ্টির মধ্যে অর্থ এনে বলে, মাইনে পেয়েছো মনে হচ্ছে...আচ্ছা, আর এক দিন খাবো খুব ক'রে...

অশোক যখন বেরিয়ে আসে হাসপাতাল থেকে তখন বেশ রাত হয়েছে । কম্পাউণ্ডের রাস্তার দুইধারে ওয়ার্ডের স্তিমিত আলো এসে পড়েছে জ্যোৎস্নার মত ! অন্ধকারে গা-ডোবানো বাড়ীগুলোর কোলে কোলে আলো পড়েছে । বাড়ীগুলোকে দেখাচ্ছে ফুল-ঝরানো শিউলি গাছের মত !

অশোকের বুকটা গর্বে ফুলে ওঠে । তার স্বপ্ন সফল হয়েছে এতদিনে ।

মিণ্ট ঘুমিয়ে আছে এই স্বপ্নের মধ্যে !

মিণ্টুর সেই অসহায় কাতর দৃষ্টিটা আজও মনে পড়ে,—এই কলমটা আমিই নিয়েছিলুম ডাক্তারবাবু—

অশোক অগ্রমনস্কের মতই তাকায় পকেটের দিকে । সোণার ক্লীব লাগানো কলমটা অন্ধকারের মধ্যেও জ্বলছে ।

আর জ্বলছে না-দেখা রাজ্যের ওপার থেকে ছুটি আলো ।

অনুর উজ্জ্বল ছুটি চোখ ।

অশোক আলো-দেখানো অন্ধকারের মাঝ দিয়ে এগিয়ে আসে ।

অনু সারাদিনই কাজ ক'রে চলে হাসপাতালের মধ্যে, এ ওয়ার্ড থেকে ও ওয়ার্ড ঘুরে ঘুরে বেড়ায় । কোন রোগীর গায়ে হাত বুলায়

কেউ যত্নপায় টেঁচাচ্ছে তাকে আশ্বাস দেয়, কারও ওষুধটা ঢেলে দেয় মেজার গ্লাসে। এমনি ক'রে সকলের তদারক ক'রে বেড়ায়। ইমারজেল্লী কেসগুলো বেশী ক'রে খোঁজখবর করে।

তারপর প্যাথলজি বিভাগে আসে। অশোকের অনেক কাজ নিজের থেকেই শেষ ক'রে দেয়। অনেক অসম্পূর্ণ কাজ সম্পূর্ণ ক'রে রাখে। অবাক হয়ে যায় অশোক। ছোটখাট experiment গুলো কি সহজে আয়ত্ত ক'রে নিয়েছে ও।

যখন খুব ব্যস্ত হয়ে তাড়াতাড়ি কাজ করে অল্প তখন অশোকের খুব ভাল লাগে দেখতে। অশোক দেখতে আসে ওকে।

অশোক এসে যন্ত্র নিয়ে নিজেই বসে যায়। টেষ্টটিউব নিয়ে ঢালাঢালি শুরু করে দেয়।

অল্প এতক্ষণ কাজ করছিল। অশোক এসে বাধা দেওয়ায় অল্প যেন রেগে ওঠে। বলে, আমাকে ফাঁকি দিচ্ছেন আপনি ?

—ফাঁকি ? মানে ?...অশোক অল্পকে রাগতে দেখে হাসে।

—এসব বাজে কাজ এখন আপনার না করলেও চলতো—

—বলো কি ? এসব অত্যন্ত জরুরী কাজ !...অশোক মুখটা গম্ভীর ক'রে কাজের গুরুত্বটা প্রকাশ করবার চেষ্টা করে।

অল্প এইবার হাসে। বলে, নাসের কোয়াটারে ঢুকে আপনার এত জরুরী কাজ...লোকে বিশ্বাস করবে ?

—সে কি ? অশোক যেন হতাশ হয়ে বলতে থাকে—তোমার কথা শুনে প্রায় লজ্জা পাচ্ছি...

অল্প হাসি চেপে নিয়ে মিশ্রিতস্বরে বলে, একটা ছুতো পেলেই আপনি ছুটে আসেন...! . বলুন, সত্যি নয়।

অশোক হেসে ওঠে অল্পর বলার ভঙ্গী দেখে। বলে, খানিকটা সত্যি তবে অনেকটা মিথ্যে।...

এবার অল্পর হাসির পালা। অল্প হাসে। সহজ সরল কিন্তু অনুচ্চারিত হাসি।

অশোক কি বলবে ? চেয়ে চেয়ে দেখে অল্পর দিকে

জলোচ্ছ্বাস যেমন সুন্দর। জলোচ্ছ্বাসের আবেগও তেমন সুন্দর।

হঠাৎ ওয়ার্ড থেকে ডাক আসে অনুর। অনুরকে না পেয়ে কোন রোগী যত্নগায় কাতরাচ্ছে। খেতে চাইছে না একটুও।

অনুরকে উঠতে হয় তাড়াতাড়ি। ছুটে যায় ও ওয়ার্ডের দিকে।

অশোক ওর যাওয়ার দিকে দেখে। বিলীয়মান ছায়াটাও যেন আকর্ষণ করে।

ছায়া নয় একটুকরো আলো যেন সরে যাচ্ছে।

হাসপাতালের বারান্দায় জ্যোৎস্না এসে পড়েছে। চাঁদে-ভরা রাস্তির। জ্যোৎস্নার মতই পুলকে আবেগে সমস্ত হৃদয়টা যেন ভরে আসছে। যেখানে যেখানে অস্পষ্ট অন্ধকার সেখানে কিছু বেদনার ইঙ্গিত।...

জাহাজের ডেকের মত মোটা কালো রেলিঙ দেওয়া বারান্দার ধারে গা এলিয়ে দিয়ে দাঁড়ায় অনুর। সমস্ত দেহ-মন জ্যোৎস্নার আবেগের মধ্যে ডুব দিয়ে থাকে। কেমন একটা স্নিগ্ধ শীতল উত্তেজনা...।

ঢেউ উঠেছে চারদিকে। জ্যোৎস্নার বন্থা বড় প্রবল। অনুর মনে হয় শুধু ডুব দিতে।

এককালে অনুর ভাল গান গাইতো। সত্যি তার গলাটা শোনবার মত মিষ্টি ছিল। তাই বস্তির মধ্যে থাকতে হলেও গান সে কিছু কিছু শিখেছিল। কিন্তু সে-সব গান দারিদ্রের ঝড়ে কখন কবে চতুর্দিকে ঝরে ঝরে লুটিয়ে পড়েছে।

অনেকদিন পর তাদের আবার কুড়িয়ে নিচ্ছে অনুর। ওর তরল কণ্ঠসঙ্গীত জ্যোৎস্নার সমুদ্রের ওপর দিয়ে ভেসে চলছে।...গান ত নয় হৃদয় হতে উৎসারিত জ্যোৎস্নাধারা।

অনেকদিন পর হৃদয়কে উন্মুক্ত করে দিয়েছে ও।

অশোক যে কখন এসে দাঁড়িয়েছিল বারান্দার একপাশে অন্নু তা একেবারেই খেয়াল করে নি।

অশোক তাই চুপ করে শোনে। চাঁদে-ভরা আকাশে একপাল গুপ্তস্বৈত বলাকা যেন উড়ছে।

জ্যোৎস্নার স্নিগ্ধ সমুদ্রে উত্তাল ঢেউ।

অনেকক্ষণ অস্থমনস্ক হয়ে থাকবার পর হঠাৎ অন্নু লক্ষ্য করে অশোককে। মনে হয় ওর ছায়াগ্লান মূর্তিটা ত বহুক্ষণই ছিল। তবে চমক লাগলো কেন?

অশোক কিছু বলে না, চুপ করে দেখে, আর স্থির হয়ে শোনে।

গান শেষ করে অন্নু বলে, কি ভাবছেন?

অশোক এতটুকুও সচকিত হয়ে ওঠে না। বহুদূর থেকে নদীকে দেখা গিয়েছিল সাগরের পানে ছুটে আসতে। গভীর সাগরের বুকে নতুন করে ত কোন আলোড়ন নেই। শুধু ঘনতর শান্ত শীতল আহ্বান আছে নদীর পানে।...

অশোক বলে, বলো ত কি ভাবছিলুম?

—ভাবছিলেন মেয়েটার মতলব ভাল নয়।

—না, ধরতে পারো নি!...ভাবছিলুম, কী সুখ—

অন্নু হঠাৎ পুরোপুরিভাবে তাকায় অশোকের দিকে—

অশোক বলে চলে,...ভাবতেই সুখ...ওরা বেঁচে ওঠে আমাদের হাতে...আমাদের সেবায়...

—হ্যাঁ...সত্যি। অন্নু চোখ নামিয়ে নেয়।

—আর কি ভাবছিলুম শুনবে?...যদি রোজ কাজকর্মের পর এমন একটা গান শুনতে পেতুম...

—ঠাট্টা করছেন বুঝি? অন্নু যেন আহত হয়ে প্রশ্ন করে।

—তোমার এত কাজ করে দিচ্ছি...একটু ঠাট্টা না হয় করলুম...

মন্দ কি?

খানিকক্ষণ চুপ করে থাকে অন্নু। জ্যোৎস্নার মত অশোককে

যেন অনুভব করা যায় ! খানিকক্ষণ পরে অনু বলে, কই আপনার সেই ভীষণ দরকারী কথাটা বললেন না তো ?...

অশোক এইবার একটু যেন সচকিত হয়ে ওঠে। বলে, হ্যাঁ... বলি—অশোক হেসে নেয় একটু...বলছিলুম কি সবাই বাঁচবে তোমার হাতে...একজন কিন্তু আধমরা হয়ে রইল—

—কার কথা বলছেন ? অনু বিস্মিত প্রশ্ন তোলে।

—তোমার সামনে যে হতভাগ্য সশরীরে দণ্ডায়মান। অতি সহজেই বলে ফেলে অশোক।

অনু বিচলিত হয় একটু। বলে, ওঃ, ভারী ঠাট্টা করেন আপনি। এগিয়ে যেতে চায় অনু। অশোকের কাছে বেশীক্ষণ দাঁড়িয়ে থাকা যায় না আজ !

অশোক ডাকে, শোনো।

—কি ?

—না কিছু না।

—তবে ডাকলেন কেন ?

—তুমি সাড়া দিলে কেন ?

হো হো ক'রে হেসে ওঠে দুজনে।

জ্যোৎস্নায় ডুবে চাঁদ আর পৃথিবী দুজনেই হাসে।

আকাশ ও মাটি ঝলমল ক'রে ওঠে।

॥ ১১ ॥

পাগল হয়ে উঠেছেন রায়বাহাদুর কাগজখানা পড়তে গিয়ে। রাগে, ক্ষোভে, উত্তেজনায় ঠক ঠক ক'রে কাঁপছেন তিনি। এ-যেন নিজের চোখকে বিশ্বাস করা যায় না। এতবড় জমিদার রায়বাহাদুর শশধর চৌধুরী, তাঁর বিরুদ্ধে কাগজে এমনভাবে বেনামী চিঠি লেখার সাহস কার ?

হাতের পাশের লাঠিটা তুলে নিয়ে মেঝেতে ছবার ছম ছম ক'রে

ঠুকে রায়বাহাদুর দ্বিতীয়বার চিন্তা করতে বসেন।...কালো কালো
অন্ধরগুলো যেন কালো কালো বিষধর সাপ...চোখের সামনে সব
কিলবিল করছে।...

কোন যাহুকর এই বিষধর সাপদের খেলাচ্ছে অন্তরীক্ষ থেকে ?

মাথার ভেতরটা চন্ চন্ ক'রে ওঠে।

রায় বাহাদুর ছুটে আসেন কাগজখানা নিয়ে হেমনলিনীর কাছে।
কারণ এই কাজ বুঝতে তাঁর আর বাকী নেই। খবরটা হেমনলিনীর
মুখের ওপর ধরে দেওয়া দরকার।

হেমনলিনী তাঁর বাতের ব্যথায় আত্মস্থ হয়ে বসেছিলেন। রায়
বাহাদুর ঘরের মধ্যে ঢুকেই একেবারে যেন কেটে পড়েন—

—দেখেছো, দেখেছো...এই দেখো আজকের কাগজ...বেনামী
চিঠি আমার বিরুদ্ধে...তেরো নম্বর বস্তির যত নোংরা তার জন্তে নাকি
দায়ী আমি ?...

—রাম বলো। হেমনলিনী এক ফুঁয়ে উড়িয়ে দিতে চান কথাটা।

রায় বাহাদুর আগের মতই জ্বলছেন তখনও।—এ কার কীতি
জানো ? —তোমার ঐ ভাবী জামাইয়ের ! আমি নাকি খারাপ লোক,
আমি নাকি চামারের মতন বস্তির ভাড়া আদায় ক'রে থাকি...মড়কের
জন্তে নাকি আমিই দায়ী...বুঝলে ? বুঝতে পাচ্ছে কিছ ?

—আর একটু চেষ্টা বলো...শুনতে পাই নে...। বোকার মত
বলেন হেমনলিনী।

কথা শুনে আরও চটে ওঠেন রায় বাহাদুর। গলা চড়িয়ে বলেন,
এই সময় তোমার তামাসা ?...স্বামীর বিপদে তামাসা ?...

আরও অনেক কিছু বলতে গিয়ে রাগের মাথায় এমন আটকে যায়
যে অসম্ভবরকম চুপ ক'রে যান তিনি।

—রাম বলো...আমি ভুগছি আমার বাতের ব্যথায়—

—চুলোয় যাক তোমার বাত...তোমার বাত নিয়ে মর তুমি...।
বলি এর পেছনে আসল কথাটা বুঝতে পাচ্ছে ?—কাগজটা নাড়তে
নাড়তে তিনি বলেন—সামনে কর্পোরেশনের ইলেকশান...মানে

আমাকে এবার কিছুতেই দাঁড়াতে দেবে না... আমার সঙ্গে শত্রুতা...
তোমার ঐ ভাবী জামাতা বাবাজীর ভেতরে ভেতরে এইসব
অভিসন্ধি...

দরজার বাইরে কার ছায়া নড়ে। হরিপদ এসে কখন দাঁড়িয়েছে।
বাইরে থেকে হরিপদ বলে, আমাকে ডাকছিলেন বড়বাবু ?

রায় বাহাদুর ওর কথার জবাব দেন না। ওকে দেখেই বলতে
থাকেন, তোমাকে বলে দিচ্ছি হরিপদ... যত টাকা লাগে... ভূতো
পণ্ডিতের ঐ মেয়েটাকে উৎখাত করতে হবে বস্তু থেকে... যদি দরকার
হয় ঘর-দোর আলিয়ে দেবে...

রায় বাহাদুরের চোখে আগাম অগ্নি লাগে। চোখ দুটো জ্বলছে।

হরিপদ মিষ্ট হাস্তে হাত কচলায়। বলে, বড়বাবু মনে করেছিলুম
তাই করবো... কিন্তু পাখী যে পালিয়েছে।

—পালিয়েছে ? কোথায় ?

—আমাদের অশোকবাবু ছুঁড়িটাকে মোটা মাইনের চাকরি
দিয়েছেন হাসপাতালে।

—বটে ! হুঁ... রায় বাহাদুর চিন্তিত মুখে লাঠির বাঁটের রূপোর
মকরের মুখটা চেপে ধরেন !

—আবার শুনেছেন... বস্তির সবাইকে শেখানো হয়েছে কেউ
ঘরভাড়া দিয়ে না...

—কেন ? কেন ? ভাড়া দেবে না কেন শুনি ?... উত্তরটা যেন
হরিপদের কাছ থেকেই পাওয়া যাবে এমনভাবে প্রশ্ন করেন উনি ওকে।

—ওই ত... বলে কে... শুনেতে পেলুম... ছুঁড়ি নাকি ম্যানেজার...
অশোকবাবুর হাসপাতালের ম্যানেজার...

হেমলিনীও বাতের ব্যথা ভুলে চমকে ওঠেন—ম্যানেজার !

—আজ্ঞে হ্যাঁ মা... মেয়েছেলে ম্যানেজার ! ডাক্তারবাবু ওর
কথায় ওঠেন আর বসেন... ছুঁড়িটাই ত সব মা...

হঠাৎ ডলি এসে ঢোকে ঘরের মধ্যে। হরিপদ চুপ করে যায় ওকে
দেখে।

ঝড়-খাওয়া গাছের মত এলোমেলো দেখাচ্ছে ডলিকে। ডলি
হরিপদর দিকে তাকিয়ে ডাকে, হরিপদ—।

—আজ্ঞে দিদিমণি! একেবারে কেঁচো হয়ে গেছে ও। ডলির
রাগ সম্বন্ধে যথেষ্ট পরিচয় আছে ওর অনেকদিন।

—তোমাকে কি কানাকানি আর গোয়েন্দাগিরির জ্ঞান রাখা
হয়েছে?...

স্থিরলক্ষ্য তীক্ষ্ণ-তীরের মত প্রশ্ন।

হরিপদ আমতা-আমতা করে—আজ্ঞে...আজ্ঞে...

—যত রাজ্যের নোংরা গুজব এনে কেন তুমি বাবার কানে
তোলো ?

—আমি মিথ্যে বলিনি দিদিমণি। হরিপদ হঠাৎ বলে ফেলে।

—তোমার কোনটা সত্যি আর কোনটা মিথ্যে আমি জানি।
তোমাকে মানা ক'রে দিচ্ছি এই শেষবার...যাও বেরিয়ে যাও—

হরিপদ দ্বিকাক্তি করে না। বেরিয়ে যায় ঘর থেকে।

এক ঝড়ে বহু কালো মেঘ উত্থ্বাসে পালাচ্ছে।

ডলি বাবার দিকে ফেরে এইবার—বাবা, আপনি কেন হরিপদকে
আস্কারা দেন?...পায়ের জুতো মাথায় ওঠে দেখতে পান না!...

—সমস্ত লণ্ডভণ্ড হতে চললো...কিছু দেখতে পাচ্ছে না মা?
রায় বাহাদুর অদ্ভুতভাবে বলেন।

অগ্ন্যুৎপাতের পর আগ্নেয়গিরি থেকে শুধু ধোঁয়া ওঠে।

—লণ্ডভণ্ড আপনি নিজেই করেছেন বাবা! মাথা নীচু ক'রে
কঠিন স্বরে বলে ডলি।

—আমি!—হাতের মধ্যে লাঠির মুঠো আবার দৃঢ় হয়ে আসে
রায় বাহাদুরের।

—আপনি পরের কথায় নাচেন...ইতরলোকগুলোর কানাকানি
বিশ্বাস করেন...

—আর এই যে খবরের কাগজখানা।...কাগজখানা বাড়িয়ে ধরেন
তিনি অধৈর্যের মত!

—হ্যাঁ, আমি দেখেছি! আপনার লোক গিয়ে বস্ত্র থেকে ভাড়া আদায় করে...তাদের অবস্থার দিকে আপনার চোখ নেই...কাগজে মিথ্যে কথা লেখেনি বাবা!

আশ্চর্য! আকাশেরও নীল রঙ ফিকে হয়ে আসছে।...

—তুমি কি বলতে চাও অশোকের এ কাজটা ভাল!...

—আপনি আগে থেকে সাবধান হলে এ কাজ সে করতো না বাবা। ডলির স্বরে কান্না নেমে আসছে। ভারী কান্নার পদধ্বনি শোনা যাচ্ছে ওর কম্পিত স্বরে—কিন্তু আপনারা জানেন না...এ বিরোধের শেষ ফলাফল আনাকেই ভুগতে হবে...সমস্ত অপমানটা আমাকেই বয়ে বেড়াতে হবে...

ঝড়-লাগা গাছে ডাল-পালা ফুল-পাতা অসহায়ভাবে ঝরে পড়ছে।...

ঝড়ের ধুলোয় আকাশ ফিকে হবে না কেন?

এদিকে হরিচরণও চিন্তিত হয়ে পড়েন। হাজার হলেও শশধর চৌধুরী তাঁর অনেকদিনের বন্ধু। বিশেষ করে তাঁর মেয়ের সঙ্গে নিজের ছেলের একটা ব্যবস্থা করবার চেষ্টা চলছে ছুঁতরফ থেকে। সেই শশধরের বিরুদ্ধে অশোকের এমন অভিযানটা বরদাস্ত করা যায় না। শশধর আবার সামনের ইলেকশনে দাঁড়াচ্ছেন। এখন যদি অশোকের চেষ্টায় কাগজে এরকম সব নিন্দা বার হয় তাহলে ভাববার কথাই বটে। অশোক এতদিন বস্ত্র উন্নতি নিয়ে মেতে ছিল, সে হল এক কথা আর এ হল অগ্র ব্যাপার। এ ব্যাপারকে অত সহজে স্বীকার করে নেওয়া যায় না। তাঁর নিজের দিক থেকে এবং অশোকের দিক থেকেও ব্যাপারটা সঙ্গত নয়। কাগজে বেনামী চিঠি বার হলেও, খবরটা ত আর চাপা নেই যে এর মূলে আছে অশোক নিজে।

এর আগে অশোককে অগ্রদিক দিয়ে অনেক বেঝাতে চেষ্টা করছেন তিনি। কিন্তু পারেন নি। তবে তা নিয়ে বিশেষ চিন্তিত হন নি তিনি। কিন্তু এবারের কথা অগ্র।

শোভাকে ডেকে হরিচরণ পরামর্শ করেন। শোভা ছাড়া আর কে-ই

বা আছে আলোচনা করবার। বলেন, অশোক আবার একটা হইচই বাধিয়ে তুললো মা...কাগজে আবার কি সব বের ক'রে বসেছে...

—লোকের দুঃখহৃদিশার কথা কাগজেই ত বেরায় বাবা—শোভা ধীরে ধীরে বলে।

—কিন্তু শশধর আবার সামনের ইলেকশানে দাঁড়াবে...অশোকের এ কাজটা কি ভাল মা?...আর যাই হোক শশধর আমার বাল্যবন্ধু!...

—অশোকের অত্মায় কোথায় হল বাবা?

—হল বইকি মা! শশধরকে সে মুখে মুখে বুঝিয়ে দিতে পারতো...কিন্তু কাগজে ছেপে দেওয়া...

—সত্যি কথার জন্তে খবরের কাগজ। অশোক সত্যি কথাই বলেছে বাবা।

চারিদিকেই এমনি টুকরো আলোচনা চলে।

অশোককে নিয়ে বড় একটা সমস্যা দেখা দিয়েছে আজকাল।

এদিককার আলোচনাটা হেমনলিনী আর অশোকের মধ্যে।

অশোক এসেছে পরীক্ষা করতে হেমনলিনীকে। রোজের মতই ভাল ক'রে পরীক্ষা করছে অশোক হেমনলিনীকে।

আগে আগে অশোককে দেখলেই হেমনলিনী অনেকটা সুস্থ বোধ করতেন। তাই চিকিৎসা হোক আর না হোক নিয়মমত আসাটাই অশোকের একটা রীতি হয়ে দাঁড়িয়েছে। কিন্তু কিছুদিন হল সে মন হেমনলিনীর বদলেছে। আজকাল রীতিমত চিকিৎসার কথা হয় অশোকের সঙ্গে। হেমনলিনী মনে মনে হাঁপিয়ে ওঠেন। অশোক আসল চিকিৎসার কথাটাই এড়িয়ে যাচ্ছে।

ব্যাপারটা যখন এতদূর ঘোরালো হয়ে দাঁড়ালো তখন হেমনলিনী সেদিন কথাটা একবারে প্রকাশ না ক'রে আর পারলেন না। সোজাশুজিই প্রশ্ন ক'রে বসলেন অশোককে,—বাবা অশোক, তবে কি আমার ষোল কড়াই কানা?

অশোক একমনে পরীক্ষা করে যাচ্ছিল ওঁকে। আজকাল ওঁকে দেখতে হয় মন দিয়ে। চিকিৎসা যখন চলছে।...

অশোক বলে, কেন বলুন ত।

—তুমি আজ পর্যন্ত আমার আসল কথাটার কোন জবাব দিচ্ছ না কেন?

কোন আসল কথাটা? অশোক সহজে সোজা জবাব দেবে না।

—তুমি বিয়ে করবে কি না—?—হেমনলিনী কি বলবেন ঠিক করতে পারেন না।

—অনিচ্ছা নেই।

—ডলি কি তোমার অযোগ্য? হেমনলিনী আজ এমনভাবে কথা বলছেন যে মনে হয়, হয় তাঁর পায়ের বাত কোনদিনই তেমন ছিল না কিংবা হঠাৎ সব সেরে গেছে।

অশোক হাসি দিয়ে ঢাকা দেয় জবাবটা। বলে, আমি কি ডলির যোগ্য?...

হেমনলিনী হঠাৎ যেন উত্তেজিত হয়ে ওঠেন। চেয়ারের মধ্যে ছলে ওঠা তাঁর খেমে গেছে। কাঠ হয়ে বলেন, বাবা, তোমাদের একালের কথার ফাঁদ আমি বুঝি নে!...তুমি না হয় অনেক কাজের লোক...ডলিকে এবার তুমি পাশে টেনে নাও না কেন?...সে তোমার সঙ্গে কাজ করবে।

অশোক এতক্ষণ পরীক্ষা করছিল ওঁকে। এবার হাত গুটিয়ে সরে দাঁড়ায়। বলে, খুব আনন্দের কথা। তবে কি জানেন...আমার সঙ্গে দেশের কাজ যে করবে...কিংবা করতে চায়...সে নিজেই আমার পাশে এসে দাঁড়াবে...আমাকে টেনে নিতে হবে না—

অশোক মুখে হাসলেও মনে সে যে হাসছে না তা ওর মুখ দেখেই বোঝা যায়।

এর থেকে পায়ের বাত অনেক ভাল। অশোকের কথা শুনে চুপ হয়ে যান হেমনলিনী।

অশোক দাঁড়ায় না। স্ট্যাণ্ড থেকে হাত বাড়িয়ে টুপিটা তুলে
নিম্নে বেরিয়ে যায় ঘর থেকে।

এদিকে নিখিল আর রুণু নির্জন বাইরের ঘরটা বেছে নিয়েছে।
তাদের আলাপের বিষয় আলাদা, কিন্তু অত্যন্ত প্রয়োজনীয়।

তাড়াতাড়ি ব্যাপারটা সেরে নিতে চায় নিখিল। ছোট ভূমিকা,
ছোট বক্তব্য, অল্প সময়েই কাজ।

এদিক ওদিক তাকিয়ে নিখিল বলে, ডলি এসে পড়বে না ত!

ডলিদের বাড়ীতেই ব্যাপার। ডলির এসে পড়াটা বিচিত্র
নয়। তবু রুণু বলে, কেন? বলতে গিয়ে হেসে কেলে ও
অলসভাবে।

নিখিল পকেট থেকে একটা নেকলেস বের করে রুণুকে দেয়।
বলে, এক্সকিউজ মি, কদিন থেকে তোমাকে একলা পাবার চেষ্টা
করছিলুম...এটা তোমায় চমৎকার মানাবে রুণু...

বলতে গিয়ে নিখিল এমনভাবে তাকায় রুণুর দিকে যেন ও সেই
অপক্লপ রূপ তার দেখছে।

আলগোছে হাত বাড়িয়ে গ্রহণ করে রুণু ওটা।

নিখিলের দেওয়ায় যেন লতিয়ে পড়েছে ও।

একটু ধেমে রুণু বলে, সুন্দরটা বুকে পেলুম...এবার আসলটা
চাই যে!

—অফ্ কোরস্! আজ মেট্রোয় গিয়ে কথা হবে—

অল্প কথা অল্প কাজ। কাজ শেষ হলে রুণু নতুন প্রশ্ন তোলে—
ফুলের তোড়াটা কার?

—শ্ শ্ শ্...চুপ!

দরজার দিকে ইসারা করে ধেমে যায় নিখিল। দরজা দিয়ে
ডলিই আসছে।

নিখিল হঠাৎ উচ্ছ্বাসের সঙ্গে বলে ওঠে, হাউ গ্লোরিয়াস্? এই
নাও...তোমার জন্তেই এনেছি ডলি!

—আমার জন্তে? ধন্যবাদ! কিন্তু ওটা রুণুকে দাও।

—রুণুকে...মাই গড্ ! নিখিল ভণিতা করে প্রাণভরে ।

রুণুও চুপ ক'রে থাকে না । ডলিকে বলে, রাগ করছো কেন ডলি ?

—রাগ ? তোমাদের ওপর ? রাগ করি নি ভাই।...আমি বলি আড়ালে-আবডালে আপনি ত রুণুকে এটা-ওটা দিয়েই থাকেন—

—মাই গড্ ! তোমার কথা শুনে প্রায় চমকে উঠছি ডলি । নিখিল চমকের ভান করতে গিয়ে ঠকে যায় ডলির কাছে ।

—আমার কথা খুব সাধারণ । ছ নৌকায় পা দেবেন না মিষ্টার রায়—

—হোয়াট ডু ইউ মিন্ ?

—আপনার ছবু'কি অনেক দেখেছি, কিন্তু আপনার চাতুরী অসহ্য । ডলির স্বর হঠাৎ কঠিন হয়ে উঠছে ।

—আই সি—নিখিল তার স্বরূপে ফিরে আসছে—তুমি আগে বলতে আমি বোকা, এখন বলছো চতুর...আই অ্যাম পসিবলি বোধ...বাট আই উইল বি এ লিটল্ ফ্রাঙ্ক টু ইউ টু-ডে...তুমি শুধু বোকা

—চতুর নয়...তাই তোমার এই দুর্গতি—

—আপনার মন্তব্যের জন্তে আমি অপেক্ষা ক'রে নেই মিষ্টার রায়—

—জানি । এও জানি অশোক তোমাকে বিয়ে করবে না... কেন না অনেকে আমরা দেখেছি...তুমি তার এক তিলও যোগ্য নও । অনেক মেয়ে আমার দেখা আছে...বাট অনু ইজ্ দি নোবেলিষ্ট অব্ দি লট...আচ্ছা, গুড্ বাই ।

—গুড বাই ! চাপা গলায় বিদায় দেয় ডলি নিখিলকে ।

ক্রিসেস্থিমাম যেমন লাল হয়ে ফুটে উঠেছে, দমকা হাওয়া তাকে তেমনভাবেই ঝরিয়ে দেয় । দিকে দিকে ।

লাল হয়ে বিছিয়ে থাকে ধূলিধূসর ভূমির 'পরে । ক্রিসেস্থিমাম ।

ফোটা ফুল আর ঝরা ফুল । এ দুয়ের বিভিন্ন স্থান আছে ।

কোথায় আবার মড়ক শুরু হয়েছে। কোলকাতারই উপকণ্ঠে কোন বস্তু অঞ্চলে দেখা দিয়েছে কলেরার মারাত্মক অভিযান। নিরীহ অসহায় মানুষের দল বিনা চিকিৎসায় বিনা ব্যবস্থায় দলে দলে মরছে।

অশোককে যেতে হবে সেখানে। অশোক তার কর্মপন্থা ঠিক ক'রে ফেলেছে। তার হাসপাতালের তরফ থেকে একটা ইউনিট নিয়ে যেতে হবে সেখানে। সঙ্গে যাবে সে নিজে আর অনু। মানুষের সেবা করার ব্রত তারা নিয়েছে। সেই ব্রত রক্ষা করতে হবে। দেরি করবার সময় নেই।

মড়কের চেয়েও আরও বেশী কালো আতঙ্ক সবার মুখে। সবার অর্থে হরিচরণ, শোভা, রায়বাহাদুর, হেমললিনী আর ডলি।

অশোককে কি কোনমতেই ফেরানো যায় না! কোথায় কোন নোংরা বস্তুর মধ্যে গিয়ে পড়বে। শেষটা জীবনই বিপন্ন হবে না কি? এ ত আর শুধু বস্তু সংস্কার নয়, রীতিমত মরণের সঙ্গে যুদ্ধ। ...সকলে তাদের নিজ নিজ শক্তি প্রয়োগ করে অশোককে রাজী করাবার জন্তে।

কিন্তু রাজী করা যাবে না অশোককে। তার আদর্শ তার কর্তব্য অনেক আগেই সে স্থির ক'রে বসে আছে। সেখান থেকে তাকে টলানো যাবে না।

শোভা এসেছিল অনুর কাছে। এসে বলেছিল, একদিন তুমি এসেছিলে আমার কাছে তোমার ভাইয়ের জন্তে আর আজ আমি এসেছি আমার ভাইয়ের জন্তে তোমার কাছে। ওকে এই সিদ্ধান্ত থেকে ফেরাও ভাই।

কিন্তু অনুরও সাধ্যে নেই অশোককে ফেরায়।

অনুরও বুকটা কাঁপে। এতখানি বিপদের মধ্যে নিজের জীবনকে তুচ্ছ ক'রে ঝাঁপিয়ে পড়া—

অনু মিনতি ক'রেই বলে, তোমার গিয়ে কাজ নেই।...

অসাধারণ দৃষ্টি দিয়ে দেখে অনু অশোকের দিকে। আর কিছু দিয়ে বাঁধতে না পারলেও শেষে দৃষ্টি দিয়েই আচ্ছন্ন ক'রে কেলবে নাকি অনু ওকে ?

অশোক দৃঢ় হয়ে হাসে। বলে, ওঃ, তুমিও কি ভয় পেলে ?

—আমি ? একটুও নয়।—অনুর জলভরা চোখে সাহসের আলো চকচক করে—আমি ত বলেছি যে আমিই যাবো—

—মত বদলায় নি ত ?

—না। কিন্তু তোমার যাওয়া হবে না।

শুধু লাল নয় অনেক রঙের অনেক ফুল ঝরছে পথে-পথপ্রান্তে।

—তুমি যাবে, অথচ আমি যাবো না...মানে ?

—তোমাকে বিপদের মুখে পাঠাতে সাহস হয় না...

নদী বড় বেশী কাছে এসে গেছে সাগরের।

অশোক গভীরভাবে হাসে। বলে, বাঃ, তুমি নাস' থেকে একদম নারী হয়ে উঠলে দেখছি...একদিন তুমিই আমায় এ কাজে নামিয়ে-ছিলে...পথ দেখিয়েছিলে...মনে পড়ে অনু ?...

—কিন্তু তোমার জীবনের যে অনেক দাম !

—দাম যদি কিছু থাকে শোধ করতে হবে...এ কথা ভুলো না—

অনু চুপ ক'রে থাকে। কথা বাড়িয়ে আর ভুল বুঝতে চায় না অশোককে।

ভুল বোঝার ভুল আর সে করবে না।

ভুল ক'রে বসলো অশোক নিজে। ভুল বোঝার ভুল নয়, ভুলের বোঝায় আপনাকে হারিয়ে কেলার মারাত্মক ভুল।...

হাসপাতালের ইউনিট নিয়ে অশোক এসে কাজ জুড়ে দিয়েছে সেই বস্তির মধ্যে। কলেরার মহামারীতে বস্তি প্রায় উজাড় হয়ে চললো। চারিদিকে নোংরা ময়লা আর রোগ। কেবলই রোগী

গান্তরানি আর কান্নার কলরব ভেসে আসে। এদিকে ওদিকে মড়া
গোলা...তুর্গন্ধ আসছে বীভৎস রকমের।...

অমানবদনে নোংরা ঘেঁটে চলেছে ওরা। সেবা করছে। ওষুধ
দিচ্ছে। একটার পর একটা ইনজেকশন দিয়ে চলেছে অশোক।
যাদের এখন রোগে ধরে নি তাদের টীকা দেওয়া হচ্ছে।

চারদিকে শুধু কর্মব্যস্ততা আর তৎপরতা। তবুও তারই মধ্যে
অসাধারণ সাবধানতার সঙ্গে কাজ করতে হচ্ছে ওদের। মৃত্যু নিয়ে
খেলা নয়, খেলা জীবন নিয়েও। একটু অসাবধান হলে তার মূল্য
দিতে হবে হয় ত।

সেই ভুল, সেই অসাবধানতা ক'রে বসলো অশোক। বরাবরই
ওখানে জল ফুটিয়ে নিয়ে খাচ্ছিল ওরা। সেদিন হঠাৎ
অন্যমনস্ত হয়ে অশোক বীজাণু-দূষিত অ-কোটানো জল খেয়ে
বসলো।

ঠাণ্ডা স্বচ্ছ পরিষ্কার জল। কিন্তু কি ভীষণ মৃত্যুবীজ লুকিয়ে
আছে তার মধ্যে।

অনুর লক্ষ্য এড়ায় না। অশোকের কথা তার মনে আছে—
তুমিই আমায় এ পথে নামিয়ে এনেছো অনুর।—সে পথে একা ত
যেতে দেবে না অনুর।—

অনুর কণ্ঠ আর্তনাদ ক'রে ওঠে, কি করলেন ?...

অশোক স্তানভাবে হাসে—। বলে, ও কিছু না...ঠিক আছে।...

—কিন্তু তুমি যে এ ভুল করতে আমাদের সবাইকে মানা
করেছিলে...আর তুমি নিজে—ভয়ে উৎকণ্ঠায় আর কান্নায় অনুর স্বর
বোবা হয়ে আসে।

—হ্যাঁ অনুর, আমি ভুল করেছি। অশোক বিবর্ণমুখে স্বীকার
করে অনুর সামনে। অনুর কাছে ছাড়া তার ত স্বীকার করবার আর
কেউ নেই।

অশোকের মুখের ওপর ছায়া নামছে।...

মৃত্যুর সংগ্রাম চলেছে অশোকের রক্তে।

কেবিনের মধ্যে চিকিৎসা চলেছে তার। ডাক্তাররা ঘিরে রয়েছে।
ইনজেকশন...হট-ওয়াটার ব্যাগ...

কিন্তু তবু সমস্ত চেষ্টাকে অতিক্রম করে মৃত্যুর বিজয় রথ এগিয়ে
চলে।

অনু রয়েছে অশোকের মাথার কাছে। মাথার কাছে থাকলে
অনু ঘিরে রয়েছে অশোককে চারদিক থেকে।...তার দৃষ্টি তার আগ্রহ
...অশোককে রক্ষা করছে।

ডাক্তারবাবু পরীক্ষা করে ছেড়ে দেন। অনু ডাকে, ডাক্তারবাবু—
ডাক্তার জরুরি করে ঘাড় নাড়েন। সন্তুষ্ট কিছু দেন না।
দেবার মত কিছু নেই? অনু স্তব্ধ দৃষ্টিতে তাকায় অশোকের
দিকে। সব দিয়েও কিছু হল না। অতি মৃদুভাবে ডাকে—
অশোক!

এত আশ্বস্ত ডাকে মনে হয় নিজের ভেতরই কাকে যেন সে ডাকছে,
খুঁজছে।

অশোক সাড়া দেয় না।

ডলিরা সব এসে গেছে খবর পেয়ে। শোভা হরিচরণ সকলেই।
ওরা সব ঘিরে থাকে অশোককে। কিন্তু অশোক কোন কথা বলতে
পারে না ওদের সঙ্গে।

অনেক রাতে অশোক একটু একটু সাড়া দেয়। তখন অনুই
একা রয়েছে মাথার দিকে। চারদিকে মৃত্যুর কালো ছায়ায় ভীষণতার
মাঝখানে অশোকের স্নানদীপের শেষ রশ্মিটুকুর দিকে তাকিয়ে অনু
রাত জাগে।

গরম জলে স্নান দিতে দিতে অবশেষে একটুখানি ভাল বোধ
করছে। প্রদীপ নেভার আগে শেষ আলো।

অনু কোমল গলায় বলে, এখন একটু ভাল আছ তুমি!...

—হ্যাঁ, অনেক দূরে যেতে হবে...তাই ভাল আছি।

অশোক আজ কত কাছে। অনুর সমস্ত হৃদয়টা যেন নিংড়োতে
থাকে মোচড় দিয়ে দিয়ে। সমস্ত রস তার ঝরে যাবে যেন।...

অনু বলে, বলতে নেই অশোক...ও কথা বলতে নেই।—এঁ কি, চোখে জল কেন তোমার? নিজের চোখের জলকে আড়াল ক'রে অনু প্রশ্ন করে।

—নিজের জন্তে কঁাদিনে অনু। কিন্তু যাদের জন্তে কাজে নামলুম...তাদের সেবা ক'রে যেতে পারলুম না...

—তুমি চুপ করো অশোক...

অশোক থামে না। শেষ কথা তাকে বলে যেতে হবেই। আর ত সময় নেই। যে অসাবধানতার, যে ভুলের মূল্য সে দিতে চলেছে তার চরম ক্ষণে আর এক ভুল সে করবে না।

জীবনের ওপার থেকে অশোক বলে চলে, গোধূলির শেষ রাঙা আলোকটুকুর মত—তুমি তাদের দেখো অনু...কেউ দেখে না কোনদিন...যারা মুখ বুজে মরে ভাগ্যের দোহাই দিয়ে...

—তুমি না থাকলে আমার শক্তি যোগাবে কে অশোক?...

যে পথে অনু নামিয়ে এনেছিল অশোককে সে পথের এক প্রান্তে এসে জিজ্ঞাসার বিপ্লব ওঠে।

—তারাই তোমার শক্তি অনু! যাদের কেউ চেনে না...কেউ জানে না সেই তারা সবাই—

গোধূলির শেষ আলো আগামী প্রভাতের ধ্বংসটুকু দিয়ে যায়!

—এ মৃত্যু আমার নয় অনু...এ তাদেরও অপমৃত্যু যারা অপমানের ভারে মুখ খুবড়ে পড়ে থাকে...তাদের কথা কি কেউ ভাববে না...

শ্রান্ত হয়ে পড়ছে অশোক। তার জীবনের শেষ সম্বল পরমায়ু দিয়ে কথা বলছে।...

—এবার একটু ঘুমোও তুমি। অনু অশোকের চুলের মধ্য দিয়ে হাত বুলিয়ে দেয় ধীরে ধীরে।...

—হ্যাঁ, শান্ত হয়ে ঘুমোবো এবার অনু...

জীবনকে অস্বীকার ক'রে ঘুম আসে অশোকের।...

ঝোড়ুলির শেষ আলোর এত বেশী আর এতক্ষণ ধরে রাঙিয়ে
রাখে আকাশখানা যে মনে হয় আকাশের রঙ বুঝি বদলালো।

৮৬

নদী এসে পড়ে সাগরের বুকে। বিস্তর্ণ হয়ে বিরাট রূপ নেয়
নদীর শেষ প্রান্তে।

সাগরের মৃত্যু কি সেখানে?

